


НОМ БУРА
ОЛОМ БУРА



Теш,
гаж,
серам

•

ЭНӖЙ ДУРӖ, ОЛӖЙ БУРА



Теш,
гаж,
серам

Сыктывкар
Коми книжной издательство
1990

84 Ко
Э 40

Лосьодіс В. Е. Кушманов

Энӧй дурӧ, олӧй бура: Висьтьяс, кывбуръяс,
Э 40 пьесаяс.— Сыктывкар: Коми книжнӧй издатель-
ство, 1990.— 176 л. б.
ISBN 5-7555-0197-1

Тайӧ книгаӧ пырисны «Чушканзі» журналын йӧзӧдлӧм
висьтьяс, кывбуръяс да мукӧд гижӧдъяс. Серам сорӧн кни-
гаын гижсьӧ миян олӧмын лӧклун йылысь.

84 Ко

Э $\frac{4702310600 — 066}{М 128[03] — 90}$ 20 — 90 м

© Коми книжнӧй издательство, 1990

ISBN 5-7555-0197-1

Дона ёрт!

Тэ садьмин, лыддысьысь ёрт, да видзёдлін ывлаё. Лёз енэжын ярьюгыда дзирдалысь шонді ыстё тэныд пось нюмъяс. Чолёмалёны тэнё увъясён өвтчысь пашкыр кыз пуяс. Дзольгёны-сьылёны тэнад ним кузя гора гөлөса лэбачьяс.

Шуны кө нин, ывлаыс вөчө ставсё сы могысь, ме-дым тэ вөлін бур руа, кыпид, долыд сьөлөма. И тэ вочавидзин сійён жё да мөдөдчин магазинё. Сы вёсна мый нюмъялысь шондінад кынёмыд оз на пөт. Чай дорё рыт-асыв кежлө тэ көсьян калбас либё сыртор ньобны. Мышкён витрина дорын сулалё еджыд халата нывбаба.

— Меным эськё сыр пачка,— шыасин тэ.— Либё калбастор...

Эн на удит помавны, еджыд халата нывбаба бергөдчывтөг орөдіс тэнё:

— Нөрөвитышт. Он өмөй аддзы, ме өд ог жё прөста ов.

Сюсьджыка видзөдлём бёрын казялін, мый сійё збыльысь «уджалё»— листалё кутшөмкө морта книга.

Шумитны, дерт, эн кут, сөмын асьтё такөдөмпырысь шуин: чайтё бутерброднад позьё столөвөйын юны. Тайё весиг бурджык: оз ков аслыд ноксьыны. Столөвөйын йөзыс уна, пуксин идравтём пызан сайё. Пыр частөджык видзөдлан часі вылө. Идравтём пызан дорё некод оз матыстчы.

Кор тэ петін столөвөйысь, кажитчис, мый шондіыс оз нин сэтшөм меліа нюмъяв, да и лэбачьяс сьылөм

пыдди карксöны. Тайö абу бур водзö. Дзикöдз воши бур руыд, кор кежин электробритва дзоньталан мастерскöйö. Сйö, вöлöмкö, уджалö дас öти чассянь. Бритчытöгыд яндзим ветлöдлыны, но нинöм он вöч.

Тайö луно, шуам, тэ пукалан руль сайын либö сулалан станок дорын. А уджыс прамöя оз мун. И тайö сы вöсна, мый кöдзыд сьöлöма йöз тшыкöдiсны тэнсьыд кыпыдлунтö.

Оз вермы лоны, медым быд асыв вöли мича шондiа поводдя. Да и тайöс некод оз кор, оз виччысь. Но талун нин быть колö, медым магазинын и парикмахерскöйын, ательеын и гостиницаын, домоуправлениеын и столöвöйын уджалiсны ассьыныс делöсö радейтысь, йöз вöсна тöждысьысь, налысь могсö бура олöмö пöртны зiлысь войтыр. Сэк жö, колана кадö нюмъевтысьыс, бур кыв шуысьыс паныдасьлöны оз на частö. Торйөн нин пусьысь-вузасьысь, шырсьысь-бритчысь, вурсьысь-дöмсьысь пövстын. «Атьö», «миян öдзöс тiянлы пыр восьса», «водзö пыралöй»— тайö да уна мукöд сьöлöмтö вөрзьöдысь кывъяссö зев на гежöда кывлан йöзлы колана тöварьяс да услугаяс вöчан организациясын. А öд бур кыв да мелi нюм пöраясö мортлы ошкöмысь на донаджык. Сйö бордьясьö. И уджалö сылигтырйи. Кузь лун, мудзлытöг.

Нелючкяс да тырмытöмторьяс эмöсь на миян олöмлөн быд юкöнын. Со öти лоöмтор.

Овмöсса главнöй механик корöма мöдöдны заводсьыс мотоцикллы запчастьяс. Мынтысьöма, дерт, овмöсыс. Но запчастьясыд складö, дерт, оз воны. Сйö дыр нюжмасьтöг наөн дзоньталас ассьыс кык гöгыля машинасö.

Аддзанныд, мыйсö сöмын оз вöчны мудер йöзыд, медым пыравны госуларстволөн зептö. Предприятiелөн да йöзлөн тшöt весьтö озырмöдчыны радейтысьысыд тырмöны на. И петкöдчöны найö уна ногөн. Сöмын öтувтö найöс öтитор — горшлун, служебнöй поло-

жениеён пользуйтчём, асланыс ставсö кыскыны зильём.

Ветлан кө арся кадö вөрö, уна сикас ас машинаяс-көд тшöтш тшöкыда на аддзылан съöd «Волгаяс», турунвиж «УАЗьяс», кузь гырка автобусьяс да весиг вын-йöра самосвальяс, кодьясөн вөрö либö нюрö локтö-маöсь вотчыны гырысь да ичöтджык чина начальникьяс, а мукöддырийиыс öтнас шофёрыс. Көть вöлі нин индöд, медым уна сикас веськөдлысьяс этшаджык ветлісны служебнöй автомашинаясөн, но тайö индöдсö найö оз тэрмасьны пöртны олөмö. Служебнöй машинаяснад начальникьясыд журьялöны оз сöмын вөрö, но и тьöща ордö блин сёйны, магазинö калбасла, либö весиг ыліса карын олысь рöдня дінö гөститны.

Миян олөмын зэв на тшöкыда паныдасьлöны идөр-тöмлун, став ковтöмыс да лёкыс, кодьяс падмөдöны странаын да йöзлөн вежөрьясын мунысь перестройка. Шуам, районын йöзлы колöны оланіньяс, школа, больнича. Ставсö тайöс көсийöны коркө стрöитны бöрын, а медся водз кыпöдöны сиктса да районса батьяслы административнöй стрöйбаяс. Öткымын веськөдлысьяс да профсоюзса дядьöяс оз тöждысьны уджалысь йöз вöсна. Кодсюрö на пиысь шыödчылöны отсöгла. И отсöгсö либö оз сетны, либö сетöны квайт да сизим тöлысь мысти, кор отсөг корысьяслөн ставыс нин вунöма.

Татшөм да уна сикас нелючкияс, көдзыд сьөлөма йöз, бюрократьяс, урожай да йöзлы колана прöдукция тшыкөдысьяс, уджалан кадö төв чужьялысьяс, больгысьяс да мукөд омөль да ковтөмторьяс йылысь гижö «Чушканзі» журнал.

«Чушканзі» первойысь сетіс ассьыс гөлөссö 1957 вося август тöлысьö. Со кымын во нин сійö жбырьялөлэбалö республика пасьта да зильö гонькнитлыны-видзöдлыны быд пемыд пельöсö. Чужан лунсяныыс «Чушканзі» ёсь нырнас чуткалө-бытшкалө дисциплина торкалысьяссö да вина юны радейтысьяссö, калым босьтысьяссö да бюрократьяссö, гусясьысьяссö да уджысь öт-

дортчысьясӧ... Журналлӧн быд номерын эм фельетон, сатиралӧн ёсь ньӧвъяса да серамбана гижӧдъяс, карикатураяс, кодъяс сералӧны-дивитӧны мисьтӧм оласнога войтырӧс, олӧмысь тырмытӧмторъяс, ставсӧ сійӧс, мый торкалӧ мян водзӧ мунӧмлы. «Чушканзі» — тайӧ абу сӧмын фельетонъяс да сатирической гижӧдъяс, но и сёрни-басни, теш, гаж, серам, гажа пельӧс, кӧні гӧститлӧны мукӧд республикаясысь удж кузя сылӧн чойяс да вокъяс.

Кадыс вежласьӧ. Оз ӧти местаын сулавны серам да гаж. Талун «ёсь ныра санитар» выль нога олӧм вӧсна тышлӧн медводдза радъясын. Сійӧ пыр вӧлі и лоӧ бур йӧзлы матысса другӧн, вӧрӧгӧн — тӧв чужъялысьяслы, больгысьяслы, гусясьысьяслы.

Тайӧ нейджыд книгаас чукӧртӧма серамбана висетьяс, фельетонъяс, кывбуръяс, посныдик тешторъяс да мукӧд гижӧдъяс, кодъясӧс вӧлі йӧзӧдӧма «Чушканзі» журналын бӧръя кадӧ. Ӑткымынъяс, гашкӧ, чайтӧны, мый серамбана нейджыд гижӧдъясыслӧн и нэмыс дженъид. Талун чужисны, а аски на йылысь ставӧн нин вунӧдісны. Тайӧ абу тадзи. Вай видзӧдлӧй сатирической гижӧдъяссӧ. Унджык висетьыс, фельетоныс сэтшӧм вынаӧсь, мый быттӧ найӧс гижӧма талун.

В. КУШМАНОВ, *«Чушканзі»*
журналса главнӧй редактор.

СЁ МАЙБЫРՐЙ ОЛՐМՐЙ

ВойбыдՐн Анна Петровна здук кежлՐ и унмовсьліс. Поводдя вежсьՐм водзас ли, мый ли, пՐрысь аньлы быттьՐ дугдывтՐг кленՐдісны юрас нՐшкՐн. Асывнас на ки-кокыс юкаліс, сьՐлՐмыс тіраліс меж бՐж моз. Ковмис тэрмасьՐмՐн тапсьՐдны аптекаՐ.

— Дона нылՐй, меным валерьянка да пустырник настойкаяс колՐны, сьՐлՐмՐй тіралՐ,— шыасис пՐч еджыд халата том ань дорՐ.

— Рецептыд эм? СытՐг ог сетՐ,— парскис-висьталіс лекарствоясՐн вузасьысь.— Первой врач дорՐ ветлы.

— Валерьянка вылՐ рецепт?— чуймис пՐрысь морт.— Век на сытՐг босьтлі да... Асьныд жՐ вՐлі сэтанныд бурдՐдчан туруньясысь настойкаяссьՐ, некутшՐм рецепт он корՐй.

— Сідзи вՐлі гожՐмнас, Րні тՐв нин. Кадыс мунՐ, и пՐрадокыс вежсьՐ,— ставлы кывмՐн висьталіс аптекаса ань. Сэсся ышловзис да гусьՐникՐн шՐпнитіс пՐчлы; алкашьяс вՐсна пՐ та выйՐдзыс воим, став сикас лекарствояссьՐ тՐкаритՐны.

— Но-о... СідзкՐ, на вՐсна ме мыжа жՐ? КՐть сизимдас арՐсՐдз олі да вомՐ курыд зеллясՐ эг на босьтлы...

Ковмис Петровналы тапсьՐдны поликлиникаՐ, врач дорՐ. А сэні йՐзыс... Дзик аэропортын мында. Րтияс помся прыссьՐны- несьялՐны, мՐдьяс круксՐны-кызՐны. Повзис пՐрысь морт. Тані пՐ верман став сикас вируссՐ апавны да гортՐдзыд он во. БՐр петіс. Муніс универ-

магö. Донтöминик одеколон пö ньöба да сійön зыра-
лышта-небзьöдышта пöрысь лысьöмöс.

— Вит час рытсаянь вузалам одеколонъяссö,— меліа
висьталіс Анна Петровналы гöрд, лöз да съöd краскаөн
мавтöм чужöма том ныв.

— Вит часнас пемыд нин да, дона нылöй, кар пом-
сяныс кыссынысö ог нин вермы. Вай öти доз висьысь
пöрысь мортыслы.

— Ог вермы, бабушка, ог. Сета кө — менö вöтлас-
ны удж вылысь.

— Амине-амине тай. Мыйся олөм нö воссис?

Анна Петровнаöс гөгөрвоöдіс олөма морт. Алкашь-
яс вöсна пö татшөм пöрадокыс лои. Найö пö став дон-
төм духи-одеколонсö лакöмаöсь. Весиг бритчөм бöрын
нинөмөн лои мавтыштны чужөмтö.

— Сё мокасьтö олөм!— пыдісянь лолыштіс Анна
Петровна да ропкигытйи довгис гортас. Пөрчысис.
Пуксис. Мөвпалö. Гашкө пö, тадзи и колö да. Бөрья
кадö öд ывла вывсьыд бызгысь-люллялысьястö непöш-
тö лунын, но и рытын он аддзыв. Водзті сусед Володя
эз и палявлы, а öні, со, быд шойччан лунö гöтырыскöд
да челядьыскöд лыжиөн ризьялö-котралö вөрса ор-
дымьясті.

— Гашкө, и меным заводитны лямпанас исласьны?—
юаліс ассьыс Анна Петровна да ас вылас кутіс серавны.

СЁРНИ-БАСНИ

* * *

Уджвивса ветеран Антон Семенович воштіс кепысь
пöвсö. Лунтыр корсьысис. Воліс став магазинас, көні
ньöбасис. Медбöрын вошөмторйыс сюрис град выв пук-
тасьясөн вузасян магазинысь.

Зэв ыджыд аттё тэныд, дона аньо́й,— шуалис сійё олёма нывбабалы,— карса магазиньясын тэ сёмын отнад шань да честной морт. Став мукөдъясыс долисны, мый эз аддзывны менсьым кепысь пёлос.

* * *

Концерт помасьём бёрын ышкиг-пошкигтырйи том артистка звирк пырис гортас.

— Туй вылын менё сувтөдісны кык том молодец да шуисны: сьыв миянлы романс либё окышт миянөс. Мөд ногөн миянысь он мын,— висьталіс сійё верөсыслы.

— Но и кутшөм романс сьылін?

— Абу өд ме йөй, кута вой шөр войын сьывны.

* * *

ГАИ-са инспектор сувтөдіс «Жигули» машина.

— Ковмас тіянөс штрафуйтны. Квайтымын километр пыдди ті пызйинныд сёөн.

— Ме муні квайтымын километрөн,— эз сетчы водитель.

— Сё километрөн,— чорыда шуө инспектор.

— Ме некор ог ветлөдлы квайтымынысь унджыкөн,— бара пыксьө водитель.

Тайё здукас друг восьё машина өдзөс. Юрсө мычө шоферлөн гөтырыс да шуө:

— Кор менам верөсөй код юра, ськөд вензыны весиг ме ог вермы.

* * *

— Кодкөд тэ татшөм нимкодясө чолөмасин?— юалө гөтырыслысь верөсыс.

— Тайё менам мөд верөслөн первой гөтырыслөн коймөд мужикыс.

* * *

— Тiян юрныд вывтi өдйö кушмö. Мыйкö нö вöчан-ныд он, медым кöть дзик став юрсиыс эз гылав?— юалö парикмахер.

— Дерт жö, вöча. Сетi нин гөтыркöд торйöдчöм йы-лысь шыöдчöм.

* * *

Мам юалö ичöтик Колялысь:

— Кодöс, тэ могысь, бурджык ньöбны — чойöс али вокöс?

— Ме ногөн, медся бур ньöбны велосипед.

* * *

— Ок кутшöм бур вöt талун аддзылі,— ошйысьö ве-рöс гөтырыслы.— Бытьтö тэ меным выль гач ньöбин.

— Да? Мися, кытчö жö вошöма войнас менам день-га көшельысь кум дасаыс?

* * *

— Мыйөн тэ торьялан мукöд йöзсьыс?— юалисны öти ученöйлысь.

— Найö олöны öти могөн: медым быд лун сёйны да юны горзьöдлытöдз, а ме сёя-юа сы могысь, медым и водзö на овны,— вочавидзис ученöй.

* * *

Пенсионер Коскоков юалис врачлысь, кызди овны-вывны сё арёсөдз.

— Талунсянь жё дугды куритчыны,— шуё врач.

— Ме, доктор, некор на эг куритчывлы.

— Эн ю ни өти войт вина да сур.

— Аслам нэмөн весиг кыв йылён на эг видлы курыд зеллятё.

— Заводит овны сёмын диетическөй сёян вылын.

— Сизимдас во олі да некутшөм яй көр на ог тёд, йөв юны ог жё лысьт — вукөдө, выя няньысь горзьөдлө.

— Сё дивө тай. Мыйкө өд сёян да юан жө?

— Картопель, капуста, морковь да паренча ва.

— Талунсянь жё эн сёй картопель ни капуста, сёркни ни морковь, а паренча ватё верман юны, мыйта колө.

* * *

— Ме аддзылі, кызди тэ төрыт рытнас кутлін да окалін менсьым Анюта чойөс,— шуё квайт арёса Петя сиктө воём выль зоотехниклы.

— Та йылысь эн жё бара некодлы висьтав. Но? Чөв олөмсьыд сета тэныд быдса руба.

— Сёмын?— буқышмис Петя.— Тэнад агроном другыд тай нө вит шайтаөс сетіс да ещө кампет на вайис гортөдз.

* * *

— Тайө стерлядьсө кыйөмысь тэныд ковмас мынтыны штрап,— грөзитө рыбинспектор вуграсьысьлы.

— Ме эг и думыштлы кыйны сійөс. Ачыс, трасичаыд,

мыжа. Мыйён чөвта вугырӧс, пыр и шашаритчӧ самас. Дзикӧдз дӧзмӧдис. Ковмис лэптыны. Мед вуграсигкості куйлыштас туйсын, а гортӧ мунігӧн... бӧр лэдза юас.

* * *

— Менам сизимнан пиӧй быд во чужан лун кежлӧ козыналӧны платтьӧ дӧраӧн,— ошйысьӧ Марья пӧдругаыслы.

— Кытчӧ нӧ сы мындасӧ воштан?

— Новла ательеясӧ, тшӧкта платтьӧяс вурны, а сэс-ся ыстыся лёка вурӧм вылӧ да ӧткажитча, деньгаӧн босьта.

* * *

— Бара пиньыд висьмис али мый?— юалӧ гӧтырыс верӧсыслысь.— Чужӧмыд ставнас пыктӧма.

— Тэ вӧсна тадзи лои.

— Ме вӧсна?

— Да. Куритчӧмысь видчан. Папирос пыдди кампетьяс ньӧбалан да тшӧктан нӧнявны.

— Талунсянь жӧ макарон кута ньӧбны, сійӧс кутан чурскыны гортын и уджаланінад.

* * *

Аптекаын вузасьыслысь олӧма дядьӧ корис узтьӧдан зелля. Лым кодь еджыд паськӧма ань зелляыскӧд тшӧтш сетіс кӧлӧкӧла часі.

— А будильниксӧ мыйла?— юалис чуймӧм дядьӧ.

— Лекарствосӧ юӧм бӧрын сытӧг верман не садьмыны.

* * *

— Тэнад гётырыд бура кужо пусьыны и пёжасьны?
— Кужнытё эськё кужо, да ме пёшти быд лун обе-
дайтa и ужнайта столөвöйын.

* * *

Верос мунис шойччыны лунвыв саридз дорö. Недыр
мысти гётырыс сетис телеграмма: «Эн вунод, мый тэ
гётыра».

Мод луннас жö воис воча кыв: «Телеграммайд сёр-
мис».

* * *

Радио пыр мунö коми передача.

— Талун дас кык часын вöлі сизим градус, а войнас
лоö öкмыс-дас куим градус кöдзыд...

— Аминь-аминь!— шлопкис кияснас боkjьасас радио
кывзысь пöч.— Картасьыд баляястö ковмас паччөр вы-
лö пыртлыны.

* * *

— Молодеч. Сьёлөмсяньыд старайтчин,— ошкö па-
тераса кöзьяйка.— Уджсö вöчөмысь ме тэныд пукта
медся бур оценкасö — пятёрка.

— Да кранъяссö дзоньталөмысь трояк,— шуö сан-
техник.— Сидзкö, тэсянь 8 шайт.

* * *

— Мыйся олөм кутис лоны! Нинөм ог гөгөрво. Миян
сиктысь ни öти ныв оз кöсийи петны верос сайö.

— Мыйон тэ төдан?

— Ме ставнысö нин коравлі, но некод эз сöгласитчы лоны гөтырөн.

* * *

Профкомлөн заседание вылө корисны инженер Изъюровс.

— Гөтырсяньыд воис норасьом. Сійö гижö, мый тэ ньöти эн кут сёрнитны ськөд. Мый верман висьтавны та кузя?

— Дзик некор сёрнитнысö. Удж вылысь локта да сёян-юан пуа-пöжала, тасьті-пань мыська, джодж вольтöсьяс пыркөда, патера пелькөда, дөрөм-гач пеллала, челядькөд нокся, магазиньясті шöйта... Но ме пыдди гөтыр сёрнитö.

* * *

— Дона оз тусьöй,— шөпкөдö пеляс том ичмоньыслы верöсыс свадьба вылын,— тэныд эсся нэм чöжыд ковмас видзөдны менам мисьтөм чужөм вылө.

— Нэм чöж? Ха! Луннас тэ лоан удж вылын, а войнас — пемьд.

* * *

— Неважөн ветлі карса паркö гуляйтны,— висьталө том зон аслас другыслы.— Аддза: пелькиник тушаа, кузь кöсаа, паськыд синъяса ныв новлөдлө гез йылын понпиос. Думайтa, кызди эськө төдмасьны татшөм мича да шань нылыскөд. Смелмөдчи да шуа: «Но и мича жö тэнад понийд. Вот эськө меным кö татшөм кычиписö...»

Сійö зэв меліа видзöдліс ме вылö, зургис киö пон-
йыслысь дом помсö да уйкнитіс парксьыс. Дзикöдз
шöйöвоши: ог тöд, кытчö воштыны понсö.

* * *

Том нывбаба ошйысьö пöдругаыслы кык лун сайын
нöбöм импортнöй дубитöм пасьöн.

— Мамö, тайö пасьсö тэныд батьö нöбис?— юаліс
ошйысьыслысь сизим арöса пиыс.

— Сы вылö кö надейтчыны — не сöмын пась, но и
тэ эн вöв вöльнöй свет вылас.

* * *

Удж бöрын мудзöм верöс локтіс гортас да скöрысь
шуис гöтырыслы:

— Кöть коді оз звöнит, висьтав, мый ме абу гортын.
Недыр мысти триньöбтіс телефон. Гöтырыс босьтіс
трубка.

— Верöсöй гортын?

Мужикыд скöрмис да равöстіс:

— Ме жö тэныд шулі!

— Эн шогсьы, тайö меным звöнитлісны.

ЗАРНИ КЕЛЬЧИ

Рос да бакилө

Ывла вылын кымөра. Усьө лым. Кокни чирьясыс корсьоны быд розь. Босьті зыр да вешталі пос помысь, писькөді туйсө улич вылөдз. Пыри керкаө, а гөтыр абу на ланьтома.

— Сюра-тошка мужик! Посводзө петны оз позь!

Гөгөрвои помкасө. Вуджала, мися, мөдлапөлө, өти нөб рос вая. Но аддзи пемыд енэжсө да падми. Татшөм поводдянад бур морт весиг понсө керкасыс оз лэдз. А ме кытчө? Ветла, бурджык, магазинө.

Югыд да паськыд өшиньяса, сулалө сійө сикт шөрын. Пыри да чуйми: мыйыс сөмын абу! Со кушман зыртан тертука югьялө. Гожөмнас гут резан зелляыд эз вөв. Öнi гутьясыс төвйөны, и резсяныд эм. Кыськө сөй гырничьяс кыптөмаөсь! Ок и чөскыд жө йөв вөлі важөн видзөны гырнич-кринчаясад! Босьті өтиөс, видлала. Бласлө-кростос! Розя да.

— Тайө өд дзоридз быдтан доз,— югдөдісны менсьым юрөс.— Мед лишной ваыс петас.

Уна и буртор аддзылі джаджьяс вылысь. Дзир да скөба, таз да ведра, кольтан да быгыльтан, пестер да чуман, пельса да шомөс, сур юан яндөва, карасин лампа, укват да коколюка. Но, мөвпала, мый морла меным ставыс тайө? Олам ыджыд керкаын, ставыс дась. Пөтөлөкын — люстра. Стен бокин — газ плита. Кранысь пөсь ва петө. Пестерыд эськө бур. Да вотчан кадө сійө вөлі колө. И капустатө удитім нин солавны ыджыд көструляө. Кос пельсасыд став рөсолыс петас. Оз ков!

— А роскыд тіян эм?— юася.

Вузасъысыйд видзӧдліс, быттьӧ ме сӧмын на тӧлысь выльсь уси. Мый нӧ пӧ тэ, йӧй али прӧсуж? Ме и ланьті. Мися, абу лӧсыйд дӧсадитны мортислы аслам сӧр-ниясӧн. Гӧлик-роскыд ӧд мӧдлапӧв раскысь на сюрӧ, мужикӧн кӧ астьӧ лыддян.

Лун шӧрланьӧ ывлаыс ульдӧма. Кызди нӧ ме гын сапӧгнас муна раскас? Пыри кӧмкот вузалан лавкаӧ. Сэні сідзи жӧ юрӧй бергӧдчис, синъясӧй веравны кутісны. Нывбабаяс видлалӧны лакируйтӧм гӧленя, джуджыд каблука кӧмкотъяс. Быдторйыс эм! Колоши, боті, сандали, ёсь ныра ботинки, тшӧтшыд ныра. Югыдгӧрд рӧма резина кӧмкот, «чардби» томана сапӧг. Ставыс югъялӧ да дзуртӧ.

— Меным эськӧ бакилӧ колӧ. Керзӧвӧй. Да дьӧгӧдь. Мед тулыснас да арнас новлыны позьӧ.

Стойка сайын сулалысь том ичмоньыд сідзи жӧ бура дыр чуймӧмӧн видзӧдіс ме вылӧ. А сэсся дырӧн гӧгӧрвоис да крапкис:

— Бакилӧыд абу, и оз ло!

Ельдӧг

Вильлун асылӧ быдӧн ошйысисны асланыс удачясӧн. Ёртӧй нуӧдіс менӧ пемыд коридор помӧ. Чигарка тшынӧн чужӧмӧ пӧлялігтыр кутіс шӧпкӧдны:

— Тӧрыт да войдӧрлун ми ветлім кӧвтны. Ыргӧн пӧрт кодъ гычъясӧс кыйим. Куим ведраӧн морт вылӧ.

— Да...— шензышті ме Егорейлӧн удаллун вылӧ да сьӧлышті, кор дум вылӧ усины аслам кыйӧм йӧршъясӧй.

— Кывзы, мый нӧ ми кутам вӧчны локтан субӧтаӧ? Колӧ ӧнісянь нин дасьтысьны. Ме тӧда ӧти вӧр, кӧні рысь кодъ еджыд да таз пасьта ельдӧгъяс петӧны. Буретш вотан кад. Мунны колӧ войколӧн, дас километр пыжӧн, мӧд сы мында подӧн.

Вежон чөжөн ми сёрнитім тайё ельдөг йывсьыс. Лёсьөдім чуманьяс, пестерьяс, ноп. Сёян-юан сөвтім. Пекнича рытнас пөръявлім юралысьясос да удж вылысь мунім кык часён водзджык.

Егорейлөн мотора пыжыс ыджыд вынён гызьөдіс ямём Эжвалысь лёзов отсө. Час мысти воим колана берөгө. Биасим. Зэвтім вон. Берег дорын, еджыд нитшка яг вылын, быдмисны гөрд гобьяс. Ме копыртчи, кёсйи босьтны өтиөс...

— Дугды! Тайё лөп,— чужйис Егорей, да банйём шапкаа гобыд чергөдчис кок улын.

Неуна водзынджык, сён бокас, быдмисны рыжикьяс. Но Егорей зывөка жө чужьяліс и найөс.

Узим да аскинас югдігөн петім туйё. Егорей ыджыд воськовьясөн шавксьөдіс водзё, ельдөга раслань. Кык час мысти кашкигтырйи ми воим индём вөрө.

— Порсьяс кө тані луасьёмаось-а!— гораа кутіс авөдчыны Егорей.

Сійё удитөма нин пырны раскө. Мудзём кокөс зыралігтырйи ме вөтчи сы бөрся. Гөгөр тыдалісны кульём нитш, чегьялём тшакьяс. Татчө, тыдалө, волёмаось нин уна йөз.

Эг на удитөй гөгөр бергөдчыны, кыдзи вөрыс шызис. Ота-мөдсө чуксалигтыр миянланьё матыстчисны нывбабаяслөн да мужичөйяслөн уна гөлөсьяс. Йөзыс локтісны эз юладорсянь, а мөдарсянь, көні сук вөр сайын вөлі мир туй.

Недыр ветлөдлыштём бөрын ме паныдаси Егорейкөд. Чуман пыдөсас сылөн тыдаліс некымын номырөсь ельдөг. Меным сюри сөмын өти виж гоб.

Юрнымөс өшөдөмөн мунім бөр. Тэрмасим ю дорысь вотны гоб да масленик. Локтан субөта коллялём йылысь сёрни ме эг нин лысьт панны. Сөмын өд Егорейлөн гортас оз овсьы. Бара на нуөдас вөрө либө нюрө.

Ставсьыс бур

Пöрысь Турдымов коркө зэв збодера вөлөм ворсö патефонөн. Тайö кужөмлуныс вуджөма пиыслы. Том Турдымов, дерт, патефоннад эз нин ворс, но ветлөдліс улич кузя пельпом вылас воысалөм транзисторөн да грыма-грама шыясөн шызьөдіс йөзсö. Та бöрын кутісны Турдымовъяс нимавны музыка радейтысьясөн.

Гөтрасьөм бöрас недыр мысти том Турдымов гозьялы ен сетіс ичөт пиөс. Сійö оз на вөлі сёрнит. Сöмын кужис вашъявны да бөрдны. Отчыд батыс вөлі кывзö гримөдчысь транзистор. Тайö шыяс улас позьö вөлі вужинь-вежыньөн йөктыны. Кагаыд кывзіс-кывзіс да заводитіс синьяссö лапйөдлыны, кокъяснас чужьясьны. Гашкө, дөзмис шума музыка вылас да бөрддзыны көсйис. Тайөс казяліс мамыс. Нимкодьясла босьтіс кияс вылас да кутіс сизьдыны-йөктыны. Миян пö быдмө музыкант! Чужьясьö пö шыяс сертиыс.

Коді нö баты-мам пиысь оз көсйы, мед сылөн быдтасыс вөлі ставсьыс бур? Тайөс жö көсйисны Турдымов гозья. Найö казялісны, мый ичөт пиыс оз сöмын радейт кывзыны мича шыястö, но весиг на серти синьяссö лапйөдлө. И шуисны, мый быдтасыс оз кө ло ыджыд композиторөн, то век нин петас сыысь нималана ворсысь.

Та йылысь юөртісны дедыслы. Патефонөн ворсны радейтысьыд дыр көсйытөг ньөбис да вайис внукыслы пианино. Батыс сетіс пиыслы асьыс важмыштөм, но век на гора шыяса транзисторсö. Мамыс да бабыс тыртчөмөн ньөбисны радиола да магнитофон.

Керкаыс тыри дзирдалысь да сыылысь ящикьясөн. Тшөкыда кутіс везьявны разьсьөм пленка. Кок улын трачкакылісны жугавлөм пластинкаяс. Пианиноөн ворсны ичөт Турдымов оз на судз. Магнитофонлөн шыяс улö сійö водзö лапйөдлө синьяснас. А радиолаыслысь перьяліс ставсö, мый шедіс. И сылы шогманаөн лоис

сөмын гөгыль, код вылө ворсігас пунктöны пластинкасö. Ок и бура жö вермö сійö тюрны джодж кузя!

Ньöбисны Турдымовъяс и гитара да балалайка. Гитараыслөн кольöма нин куим вез. Балалайкасö вöчöма-ось бура. Сійö эз на жугав. Музыка радейтысьяслөн семья виччысьö ичöt Турдымовлысь быдмöм. Öнi нин позьö чайтны, мый пианист сыысь öдвакö артмас. Сигудöкнад ворсны, гашкö, и велалас, оз кö жугöд да везъ-яссö орийöдлы.

Зарни кельчи

Олім ми гозья гажа сиктын, ыджыд ю дорын. Гöтыр магазинысь джоджсö чышкö-мыськö. Кöть абу ыджыд чина, но куш киön гортö оз волев. Сельпоса юралысь-ясыд и сылы гежöда овлысь тöварьястö вичмöдлöны. Ме ветывла вöлі контораö, сэнi ёрткöд ёнджыкасö куритчам, ребусьяс тöдмалам да вежон помсö виччысям. Удждон да премияс воöны, овны позьö. Прöст кадö ок ёна радейта вуграсьны.

Мунi ме коркö вадорö, джуджыд йирö тывйöс вöйтi. Енэжыс кымöра, вой тöv пöльтö. Та вöсна дыр некод эз шед. Сэссия самасис зарни рöма кельчи. Морт ногön шуö:

— Лэдз менö, шань мортöй, бөр ваö. Мый коран, сійöс и сета!

Ме, дерт, казялі, мый тайö зарни кельчиыд бур водзö шедіс.

Бөр лэдзны ог тэрмась. Лэдзан, сы мында сійöс и аддзылан. Нуи гортö да ва пельсаö йöртi. Гöтырлы ош-йыся.

— Йöй тай тэ дзик, мужик,— шуö гöтырöй,— зарни кельчи шедöма, да нинöм он и кор. Мед кöть машина судзöдны отсалас!

Локтi ва пельса дорад да шуа:

— Пикö воштіс менö бабаöй, машина корö!

— Эн шогсьы, пöльö, мун да сельпоад кладовщи-
көн медась. И лоас тэныд ставыс, мый колö.

И збыльысь, быдторсö складсьыс вайны позьö. Сёян-
юантö и көмкот-паськөмтö. Отчыд весиг вурсян маши-
на вайи. Пöчöйд сэтшöма дözмис! Менам пö весиг öти
седун абу, кодлы кута вурсьыны? Ставыслөн машина эм,
ми сöмын подөн да вөлөн ветлам!

— Дзикöдз пикö воштіс этш тöдтöм бабаыд!— шуа
черилы.— Машина сылы ковмöма, абу вурсян, а «Жи-
гули».

— Эн шогсьы,— вочавидзö кельчыид öдва кывмөн,
гөлöсыс дуксьöм ваа пельсаад дзикöдз нин бырöма.—
Медась сельпоса лавкаад вузасьны, а гöтыртö магазин-
са завнас вöзйы.

Сідзи и вöчим. Важ завсö буретш вөтлісны. Кузь киа
вөлöма. Уна сьöм зепталöма. И вузасьысьяссö сідзи жö
кодсюрöс тодмышкалісны.

Олөм бурмис. Ог сöмын тöварьяс, тшөтш ньöба-
сьысьяслысь венөм деньгаяс гортö ваялам. Эгö и тöд-
лö, кыдзи машина вылад сьöм чукөрмис. Сэсся «Жигу-
лиөн» кутім ветлыны. Сöмын гöтырöйлөн сьөлöмыс абу
на бурмöма. Пыр на зыртчö ме вылö. Чери дінö вет-
лыны тшөктö. Тырмас пö тайö кык жырья керкаас ов-
ны. Мед пö отсалас ыджыд коромина лöсьöдны. Выль
пызаньясөн, небыд улöсьясөн, югыд шкапьясөн.

Меным и чери дінад ветлыны эз ковмы. Кыкөннад
йөзтö чиркалігад öдйö и озырмим. Ыджыд короминаыд
и выль мебельыд лоисны. Лакөн мавтöм джодж кузяыс
көмтөг ветлөдлам. А гöтырöй пу пилаөн моз менö бара
пилитö. Тырмас пö меным магазинын ыджыдавыны. Кöсья
пö сельпоса председателнас лоны. Мед пö став вуза-
сьысьыс менсьым кывзысис. И мед вöлі менам ставыс,
мый лолöйлы колö.

Муні ме чери дорö, мися, юала, кыдз-мый! Сöмын,
видзöда да, зарни кельчыид пельсасьыд чеччыштöма,

кос джоджад лолыс петёма. Став шудным сы вылын и помасис. Кодкө анонимка гижёма. Ревизорьяс локтісны да гөгөр видласисны-донъясисны. А сэсся машинатө да выль керкатө бөр мырддисны. Нажөвиттөм съём вылө пө ставсө тайөс лөсьөдөмныд.

Өні вөрын керася. Думайтa вадорө ветлыны, оз-ө мөд зарни кельчи шед. Сэк, эськө, ог нин лэдз пельсасьыд чеччыштны.

Ирина Марина

Менө, Феофан Мозымовөс, пөра нин эськө кыпөдны вылөджык, ыджыдджык чин сетны. Мый эськө, шуам, менө не пуктыны профкомса юралысьөн? Ме профсоюзной уджсьыд гугсө и бансө төда. Вот март 8 лун вөлі — нывбабаяслөн праздник. Кодкө, чайтад, профсоюзной актив пиысь, сюра-тоша мужикьяс, гөгөрвоисны кайны трибуна сайө муса чойясөс да муса гөтырьясөс чолөмавны? Некод эз.

Сөмын ме кыв кори да чолөмалі найөс, сьөлөмшөрьясөс. Собраниеяс вылад өд ме мастак! Өти собрание оз кольыв метөг, штатной орательтөг. Кайи сэк ме трибуна сайө, талмудөс вості. Нывбабаясыд, мися, мян чойяс, мамьяс, гөтырьяс. Найө, мися, зэв шаньөсь, зильөсь, авьяөсь. Натөг ми, мужичөйяс, эськө пыр и кыснымөс нюжөдам. Колө төждысьны на вөсна, здоровьесө видзны!

Татшөм ногөн ме заводиті нывбабаясөс кывйөн мавтны. Гольги минут кызь, эг и мытшасьлы. Бур кывнад өд ог скупитчы, бур кывйыд өд налы юмов кампет кодь. Өтарө өддза. Сөмын азарт шөрас коньялісны.

— Тэ эськө ланьт!— чирөстіс кылө залсянь Ирина Марина — фермаысь медся востер дояркаыс. (Марина Конакова збыль нимыс, а Иринаыс мамыс).

Мыйон ме кылі тайо гөлөссө, пыр и тшөкмуні. Ду-майті өд, мися, Марина кө лоас, бурджык не шыасьны. Трибуна сайо петтөдз дыр гоннялі, но эг и казьявлы. Вө-лөмкө, ичөтик Маринаыд ыджыд тушаа ветфельдшер Попов сайын пукало, да оз и тыдав.

Но татшөм усьласьом бөрад менам орательскөй талантөй пыр и лигышмуні. Гөгрөсті асьсым речөс. Трибуна сайысь лэччи. Оздөсланьө матөджык пукси. Слу-чае чего, петны кө ковмас. А Ирина Маринаыд кутіс сьаргыны ме йылысь. Тэ пө сэтшөм-татшөм. Кывнад пө өти ног, а делө вылас мөд ног! Гуга-бана шаньга!

Вот пөрадокыс! Медся пинясьысь нывбабаыслы кыв сетісны. А мый нө сысянь позьө виччысьны? Зык да шум! Пыр на надейтчи, мися, Маринаыд оз лысьт та мында йөз водзас кузя сёрнитны. Но весьшөрө... Эз на тай йөрмы! Кутшөм ме дошлөй оратель, да и то бумага вылө видзөдла, а Ирина Марина куш кинас петіс да быттьө Пушкинөс кутіс наизусть лыддьыны. Оз ёрчы ни нинөм.

Да,— шуас,— сөветскөй закон тшөктө төждысьны уджалысь морт вөсна. Ми, нывбабаяс, ас сертиным төдам тайо төждлунсө. Сөмын өткымын дядьөяс торкалоны ладсө, законлы паныд мунөны.

Вежон сайын пө Феофан Мозымов, мян фермаса бригадир, ыстіс мянөс складө комбикорм босьтны. Сьөкыд мешөкьяс сөвтім да ректім. Ми уджысь ог полөй, но нывбабаыд өд нывбаба и эм. Полиналон мешөк босьтігас коскыс вөрзьөма. Оні уджавнысө оз вермы. Позьө өд вөлі мужичөйөс отсөг вылө мөдөдлыны, либө Мозымовлы аслыс волыны.

Дыр на кылө вөйпис менө Маринаыд. А ме петі. Дыш, мися, кывзыны тіянлысь шогмытөм сёрниястө. Мый оз ков сөрөны. Век жө, лоө комбикормтө сөвтны-ректыны мужикьясөс мөдөдлыны. Маринаыд кө босьтчис, сыысь он мын. Асьсыс синас.

Еремей

Менö шуоны Кöсьтаон. Пастукон уджала. Кöть ичö-тик чина, но юралысь морт. Куимон мекöд стада бöрся вöтлысьöны. Налы ме сетала индöдъяс. Тэ, мися, Митрук, эсйö пельöсас сувт. Кузь ньөр босът да эн лэдз мунны вөрланьыс сюрукъяслы. Тэ, Öнтип, аслад плетьон потшöссö видз, мед эз пöрöдны. Тэ, Карпö, Жучкаыдкөд тані ов. А ме сиктö ветла. Контораö. Управ тшöктіс во-лыны сöвет кутны.

Муна. Рытнас паныд ветла стадасö вайöдны. Тадзи и ола. Ог норась. Удж мунö бура. Том йöзыд меысь полöны да оз удтысьны. Управляющöйыд оз и тöд, мый ме лун-лун гортын колляла.

Но ставсьыс мыжа Еремей. Сйö код мортöс люкавны пондыліс. Сы бöрын дом йылысь ог лэдзлöй. Гортын узигад сёоднысö вунöма менам. Тшыгъялігад дöz-мöма да ордчöма. Петöма картаысь да сиктын буалö. И колö жö буретш мекöд паныдасьны, кор рытгорувнас керкаысь петі.

Эг на удит и комын воськов вöчны, кызди Еремейыд матысса пельöс сайысь былъс петіс. И ме бöрся. Бугыльыс машина фара кодъ мылькъя, гырдыр розьыс көш пасьта. Ок ёна скöралö. «Со, мися, и пом воис»,— мөвпала да бöрынътча. Кытчökö крукаси. Видзöда да, ыджыд кыз. Эг и тöдлы — туган йылас вои. Öні на шензя: кызди ме сы вылö кайи? Видліс, антикрстыд, сюрнас кыз пу дінтö. А сйö кыз да сарöга. Эз вөрзъы. Сы пыдди кутіс мусö люкавны. Кызлөн подулыс гөрöм му кодъ лои. Кок гыжыыс Еремейылөн гөр амысь кодъ. Эжа пластьяссö кокö да мачалö. Метра комын сайö лэбзьöны.

Ставон полöны Еремейысь. Ыліті йöзыд ветлөдлöны. Некод менö мездысь абу. Весиг Öнтип, медся удал пастукыс, оз лысьт матыстчыны скöрмöm öш дінад. Сідзи

и ковмис пукавны кызд йылад аски асылөдзис. Сэк сөмын Еремейыд дөзмис да вөтчис мөсьяс бөрся.

Сөмын на вешйис өшкыд, управляющөй матыстчө. Мый нө, мися, водзджык эн волы, каналльө? А сийө ме вылө уськөдчис. Мый нө пө сэнi кызд пу йылас кайөмыд да лун-войсө коллялан? А мөсьястө челядьлы колльөмыд. Прөгульщикөн ыдждөдлө. Старшөй пастукысь чөвтны көсийө. Öнi кута Митрук моз кузь ньөрйөн мөсьяс бөрся вөтлысьны. Удждон чинас и. Он нин сэссиясыт гортад дзедбсясьны.

Пиянлы

Локтис өтчид пасека вылө выль лесник Петр Шишкин, томиник зон, муртса на вом дорсьис мам йөлыс косьмөма. Локтис да веськыда өшкөс сюрөдыс босьтис — ме вылө ыджыд гөлөсөн шыасис:

— Тайө тэ Иван Кондыревыс?

— Ме,— шуа.— Мый нө тэныд колө? Коді тэ сэтшөмыс?

Висьтасис, кысь-мый да коді, а сэссия бара кутис мыжа морт вылө моз мургыны:

— Тэ, Иван Кондырев, көть и бур пөрөдчысь, а делянка вылад урсасян. Татчө комын во чөж весиг понтшак оз кут быдмыны, непөштө мыйкө мөдтор. Он тэ радейт ассьыд чужан вөр-ватө.

Вот татшөм кывъясөн кутис козынавны менө Шишкин. Но, мөвпала, кор ме бригадаөн веськөдлыны босьтчи, тайө лесникыс, гашкө, пызан улас на гачтөгыс котраліс. А лесник оз өвсьы:

— Колө,— шуө,— бур ногөн пөрөдчыны, вөлөк вылас увсө талявны, том пуяссө колявны, мед быдмасны.

— Тэ тай, мися, том да варов. Лөсьыд эськө тэнсьыд больгөмтө кывзыны, сөмын мойдчөм помысь кынөмным миян оз пөт. Уджавны колө!

Шуны кө веськыда, ми воклы, пөрөдчысьяслы, лесникыд — кортом гость. Воас төлысь пом, тэ зелян, кызди эськө планысь вывти кубометр сё кымын эстакада вылө кыскыны. Сэки тэныд и премия вашъялө, и бөрын кыссьөмысь ёртъясыд оз тешитчыны. А лесник локтас да ныр водзын ном моз дзизгө. То сәти абу сідз, то тәти абу тадз. А Петроыд мөд сикас морт вөлөма. Бурөн он мын сыысь, ме динө сирасис.

— Тэ, Кондырев, эн шенась, а кывзы мый висьталөны. Ме тәни лесник, а талунсянь тэныд ни мөдлы ог кут лэдзны вөрын маклачитны. Вежон мысти локта да видзөдла, кызди тэ босьтчан морт нога уджас.

Но, мөвпала, тэ абу первой морт, кодi пөрөдчысьөс стражайтө. Важ моз уджалі. Сөмын вежон мысти Петраыд бара на воис да нөшта технорук Куняевөс сьөрсьыс вайөдіс.

— Чолөм,— шуөны,— Кондырев! Кызди делөясыд? Век на маклачитан?

Ме буретш өти нөрөм кызд дорын вөлі мырся. Водзө йөткыны эг вермы, дөзми да бөрө шнөбкөбти. Мед, мися, тәни сисьмас. Петра сы вылө видзөдө.

— Маклачита, дерт,— вочавидзи,— эг ме заводитлы, не меным помавны.

— Кодi заводитіс, дерт, ми ог кутөй корсьны,— шыасис Куняев,— а вот виль ногөн пөрөдчыны тэа-меалы ковмас заводитны. А бур кывсө кө он гөгөрво, ме верма лөкөн тшөктыны. Премиятө асьсыд пельтө моз он аддзыв!

А татшөм грөзитчөмыд меным, кызди дудан вөвлы плеть. Верма на и чужйыны.

— Мун бара, мися, татысь, а то лямөда!

Пуөс тшупышти да наладорлань пөрөдөм вылө куті пилитны. Пилита да видзөда, мед вешйынысө удитісны. Пышйисны! Ог төд, дыр-ө эськө ме тадзи ыръяниті, эз кө ло вот мый. Лун-мөд мысти отсасьыськөд ми пырим вөрө виль дялянка видзөдлыны. Квартальнөй визирөдз

воим. Кывзам да, кодкө, кылө, неылын котшкөдчө. Сизь, абу сизь.

Мунім сыланьө. Видзөдам — конда пөрөма да ловья коз вылө ошйөма, пусө поводнөя нюкыльтөма. А Петра Шишкин швичкө-кералө ичөтик черөн кос конда дінсө. Ичөт черөн керасьөм — ичөт паньөн панясьөм. Петра брөд пөсялөма, а век на сизь моз котшкөдө.

— Мый нө вөчан?— юалам.

— Да вот тай,— төдлытөгыд шыасис да падмис Петрайд, дыр эз сяммы вочавидзны.— Кондаыс пөрөма да... Мөдыслы быдмыны оз лэдз. Мездыны көсья козсө. Коркө таысь бур да мича пу лоө,— лапкөдіс сійө конда улө куасыньтчөм томиник козлы бокас.

Та бөрын ме сөмын гөгөрвои. Ми воклы өд, пөрөдчысьлы, мый? Мед сөмын гырысьджык вөр вөлі пөрөдны. А тайө вот мортыс мырсьө-төждысьө виль быдмысь пу вөсна. Радейта, коді уджалө сьөлөмсяньыс. Да и яндзим, мыйта посни пуяссө ми весьшөрө жугөдам да тракторөн нырам-таялам. А өд наысь коркө быдмасны виль пуяс! Миян пиянлөн пиянлы!

Нажөтка

Миян дас морта бригадаөн веськөдліс Оньө Микул. Код төдас, кор да кызди шедлөма сылы татшөм чиныс? Прамөйджыкасө котшкөдчө сійө сэк, кор мастер тыдовтчас. А мыйөн ылыстчас, черсө пыр и сатшкас керйө либө брускө. Шабаш пө. Уджыд — абу ош, вөрө оз вош.

Ме эськө пондыла шуны, мый өні на шпутким-куритчим, тшупсьыштны колө. А сійө воча:

— Ныр увтө косөд да кывзы, мый төлка йөз шуөны.

Сідзи и лытайтам. То картіөн ворсам, то кодалам. Отчыд мөстилө вывті муні да казялі: кык брус костас көть китө суй. Пазыыс сэтшөм паськыд. Висьталі Микулы. Сійө сөмын нурбыльтіс:

— Шапкаыд кө пырыс мунас, сэки лёк. А оз кө — шогмана.

Мөдысь казялі: стенас сісьмөм пома брус веськалө-ма. Бара юөрти бригадирлы. Локтіс, малыштис бруссө.

— Ок тэ, көчан юр! Тайө абу сісь, а сирөд!

Тадзи уджалім во кык. Бура зэлөдчывтөг, куритчиг-моз тшупсям. А нажөтка воө. Коркө фундамент улө кузь да джуджыд бөрөзда экскаваторөн кодыйм, а нарядө гижисны, мый зыръясөн луасим. Мастер Митрич вөлі олөма морт, Микуллөн друг. Сійө и отсаліс миянлы прамөй уджтөг бур нажөтка босьтны.

Сөмын тай помасис кокни олөмным. Митричөс вөтлісны юөм-кодалөмысь. Сы местаө индісны том ныв Ангелина Лыткинаөс. Неважөн техникумын велөдчөм бөрын воис. Медводдза аддзысьлігас на Микул сы дінө крукасис.

— Тэ, мича ныв, миянөс эн кедзовт. Ми өд уджалысь йөз, и быдөнлөн мед төлысь бөрын нажөткаыс вөлі этша вылө куим кусөк. Мөд ногөн кө — 300 шайт. Оз кө ло, мунам, кытчө төв нуас. Тэ өтнад колян.

Сөмын выль мастераыд абу полысь вөлөма. Синнас өзтыштис. Мый шуис, ме эг кывлы. Сөмын гөгөрвои, кор Микуллөн ныр-вомыс мөдарө вежыньтчыліс. Мый пө чаллыштан, сійөс и кокыштан. Төлысь чөж пөсьөдчывтөг уджалім. Мастераыд наряд гижис. И босьтім ми, сюра-тошка мужикъяс, муртса 100 шайтөн. Микул бара Ангелина вылө воис:

— Тайө нө нажөтка? Ми өд мужикъяс. Доз вылө на колө дай!

— Уджавны колө мужикъяс моз, сэки и дон лоө,— вочавидзис мастераыд.

Збыль өд, кысь ыджыд нажөткаыс? Микул дай мукөдъяс кык лун эз и мыччысьлыны. Мый босьтлісны, сійөс и сысьялісны. Ми, томджыкъяс, волім, но бур удж, дерт, эз ло. Став черьяс да воропьяс томан сайынөсь.

Коркө чукөрмим ставөн. Мися, уджө босьтчам сось-

яс пуджёмён. Но Микул будкао ставнымсё тшөктіс пырны.

— Норасьём гижам Лыткина вылө. Омөлик мастер сійө. Миянөс, уджалысь йөзөс, кедзөвтө, нажөвитны оз лэдз! Васька! Тэ медся грамотнойыс. Дас класс помалін. Пуксы да гиж.

Лунтыр будкаын пукалім да норасьём гижим. Мастерөс быд ногыс саким. Медся ёна Микул зілис. Эмсө и абусө тшөктіс гижны. Өти кывйөн кө, эз ло норасьём, а помөй ведра. Ме кывзі, да дум вылө уси картина, кыдзи запорожскөй казакъяс гижөны письмө турецкөй султанлы. Быд ногыс сы вылын сералөны. Но султан вылад тешитчыны и колө. Лөк вөрөгөн сійө вөлі. А Лыткина вылас мый тешитчан? Сійө тшөктө, мед ми бура ассыным удж вөчим. А ми, артмө, норасям сы вылө да корам мынтыны вөчтөм уджысь ыджыд нажөтка. «Оз, мися, нинөм артмы, Микул дядь!»— думайта.

Некымын лун мысти корисны миянөс профкомө. Сэні Лыткинаөс дорйисны. А Оньө Микулөс чөвтисны бригадирсьыс. Тырмас пө тэныд йөзсө мутитны. А бригадаса веськөдлысьнас пө индам Педөр Игушевөс. Тайө менө. Шөйөвошлі, дерт. Но ёнасө эг петитчы. Видлам, мися. Со талун асыв локтөмөн тшөтш босьті чер да медводз мөстилөяс вылө кайи. Ставөн вөтчисны ме бөрся. Пажынодз куритчытөг уджалім. Ангелина воліс да ми вылө видзөдөмөн гажаа нюмъяліс.

Коркө шуа на

Пукала ме өдзөс дорын да видзөда миян контораын мырсьысь йөз вылө. Со бара нин водз асывсьяныс жөдзөны. Өтияс вылыс судтаас кайөны, мөдъяс — улиас лэччөны. Матыстчыліс ме дінө медся ыджыд юралысь Иван Петрович Свистуновлөн чай стөкан мыччалысьыс, Алевтина, да тшөктіс дзугсьём тошкөс зуавны, сюся

видзны воём йозлысь шляпаяссö да плащъяссö, мед пö некод оз шышнит. Пыр жö гөгөрвои, мый йöза собрание бара лоас.

Быд вежон пöшти чукöртчылöны. То унджык йöв лысьтöм, то кöйдыс весалöм, то кöрым заптöм йылысь баитöны. Ме öд матын пукала да ставсö кыла. Со таво нельысь нин больгисны картофель йылысь. Тулыснас главнöй агроном Чипсанов ёрт кык час чöж дöжналис, мый колö кызд позьö водзджык да öдйöджык пуктысьны. Эз нюжмасьны, лым сылöм бöрас регыдөн и сюялисны кöдзыд муас. Зэв ас кадö юöртисны карса юралысьяслы пуктысьöм йылысь.

Гожöм шöрнас, картофель мудйöм водзын, бара на шötисны керка тыр йöз. Чипсановид буретш вöли лунвылын мышсö пöжö. Та вöснана кöдзаяс бöрся дöзьөр нуödöм йылысь дольны заводитис главнöй инженер Мишка Пушканов. Кузь лун овмөсьясса юралысьяс тэрмөдлисны öта-мөдсö, мый колö пö нюжмасьтөг дöзьөрритны кöдзаяс, мед ёг турун оз пöдты.

Арланыс нин вöли ыджыд сёрни регыдөн урожай идралöм, комбайнъяс дзоньталöм, складъяс дасьтöм йылысь. А недыр мысти Свистунов юöртис, мый картофельыс омöля быдмис, чукөрмис кöйдыс дорсьыс неуна унджык. Планъяс эз тырны. И ставыс пö тайö лоис омöль поводдя вöсна. Муясыс пö зэв васödöсь вöлины. Да нöшта карса да сиктса велөдчысьяс пö зэв ёна дышödчисны. Уна урожай муас коли.

Менам, эськö, важөн нин вирöй пуö. Мися, сюратошка да паськыд мышка мужикъяс, лун-лун тані пукаланныд да ызганныд, лун-войсö сёянныд да, абу тай яндзим, ыстысянныд челядь вылö. Мед кöть асьныд петалинныд картофельсö керны, весьшөрö кывнад изöм дорысь пöльзаыс ёна ыджыдджык вöли. Но ме ёна больгыныд абу велалöма да бара на чöv олi. Öтчид шыасьли, да серам выв лэптисны. Кытчö нö пö тэ, выжив, кöдзыд ныртö сюян? Сэссия öд найö ставныс зэв грамот-

нөйөс да бурджыка төдөны, мый нюрад шобдид да картупельд оз быдмыны.

Но дыр көсъя да коркө, гашкө, шуа на. Мися, менам пөль на висьтавліс, кызди сө во сайын татчөс вөлөстяс юравлісны сөмын старшина, писар да урадник. Дерт, сэки нинөм жө бурыс эз вөв. Ота-мөдсө конъявлөмөн овлісны. Но өні веськөдлысьяслөн лыдыс важ серти содіс, гашкө, кызы пөв. И ас кежысь мөвпала, мый налысь лыдсө кө төдчымөн чинтасны, олөмыс сы вөсна оз помась. Бурджык на, гашкө, лоас. Кызд тай шулөмаөсь, чой паныд кайигөн чеччөдан кө попөс телегаысь, көбылалы лоө кокныдджык.

Кузь лун

Неважөн котыртөм совхозлөн ашшөр ыджыд контора эз на вөв. Та вөсна өти паськыд жырйын пукалісны бухгалтер, агроном, зоотехник, экономист, налөн отсасьысьяс да профкомса председатель. Портфельяса да папка-яса өстальной войтырыс, кылө, ызгисны орчча вежөсын. Сөмын директор да кассир саймовтчөмаөсь торъя өдзөсьяс сайө.

Главной бухгалтер Онтип Марья минут кызы нин сөрнитіс телефон пыр кадръяс отделса юралысь Кири Анакөд, коді пукаліс пызан сайын. Первойсө найө юөртісны өта-мөдыслы, кызди быдтөны асланыс өшинюв йөръясса теплицаясын өгурцы да помидор. Сэсся вежласисны мөвпясөн сы йылысь, өна-ө гождьялісны кольөм гождөм чөжнас. Оні, кылө, Марья төдмөдіс Аннаөс саридздорса поводдяөн, көні отпусксө коллялөма верөсыслөн карса чойыс.

Агроном Якө Осип да инженер Степан Гриш казтылісны, кызди найө бөръя куим войсө коллялісны паськыд курья бокын, узылісны би дорын, панялісны йөрш юква, юисны сэтөра чай.

— Вот эськө нөшта кө сэтчө ветлыны,— ышөдіс ёртсө Ёсип да кинас өвтыштис директорлөн өдзөслань.— Сөмын өд оз лэдз веськөдлысьыд!

— Мый нө оз лэдз? Висьталам, мый мунім орчча от-делениелөн ыліса бригадаө,— шөпкөдчис инженер.— Шуам, мый колө видзөдлыны техникасө, тракторъяссө.

— Тэныд лөсьыд, инженерлы.— Ёсиплөн вомыс ве-жыньтчыліс пөлөс чуман моз,— а меным, агрономлы, оз видз, а му вылө колө.

— Но и мун му вылө. Силосуйтчысьяс дінө луннас ветлы, а рытланьыс веськыда лок куръя дорө. Ме сэні нин лоа. Ог, дерт, подөн, машинаөн и көвтымөн.

Зоотехник Конө Ёдялөн да экономист Прокө Лидя-лөн асланыс шог. Таво пө мырпом эз вөв. Чөд да пув оз тыдав ни. Көдзыд тулыснас став вотөсылөн дзоридзыс кынмалөма. Ветлөмаөсь ягө да вайөмаөсь морт өти вед-раөн. Тайө нө вотөс? Тьфу!

— Став надея ар вылө,— броткөдчис Ёдя.— Мед көть өдйөджык турипувыйс кисьмас. Варенньөыд эз нин ло, мед көть морс юны сюрас.

Сы кості кассир Феня петіс аслас өдзөсысь, киас ыджыд сумка. Сійө ёна лөсялө сельпоса вузасыськөд. Сідзкө, лавкаын лэптөмаөсь гежөда овлысь төвар, либө сёян-юан. Тайө нин стөч, кызди өні абу рыт, а лун шөр кад. Регыд паськаліс юөр, мый вайөмаөсь арбуз, кутас-ны вузавны. Вочасөн контораысь ичөтджык чина йөзыс шочмисны. Торъя нин нывбабаяс.

А ыджыдджык чинаясыс пукалісны да тшөкыда ви-дзөдлывлісны директорлөн өдзөс вылө. Талун колө ло-ны урожай идралан уджъяслысь өдъяссө содтөм йылысь сёрнилы. РАПО-ысь воөма кутшөмкө главнөй. Но луныс кутіс кольны, а директорлөн өдзөсыс век на пөдса. Сэт-чө час сайын кымын пырис профкомса председатель Арсень Миш. Сёрнисө некод эз кыв. Но быдөн төдісны, мый налөн эмөсь өтувъя гырысь могъяс. Куим друг ён-джыкасө варовитлөны асланыс «Жигулияс» йылысь. Кы-

дзи эськӧ важсӧ вузавны бурджык дон вылӧ да ньӧбны выльӧс.

— Позьӧ?— мыччис юрсӧ директорлӧн секретарь-машинисткаыс Катя да мужичӧйяслы ныр улас пукталіс руалысь чай тыра стӧканьяс.— Тіян дорӧ вӧзйысьӧ пыравны тракторист Опонь Вась. Мыйкӧ запчастьяс йылысь гаралӧ.

— Меным некор! Аддзан, занят,— ӧлӧдіс директор да видзӧдліс ӧшиньӧ. Улича кузя школаса велӧдчысьяс мунісны муяс вылӧ.

— Но мокасьтӧ! Ми сӧмын на кӧсьям сёрни панны, а челядь картупель нин керӧны!

Кутш кодь сера

Курьядін сиктын юралысьнас вӧлі Кӧсьта Шомысов. Асывнас сы дінӧ кашкигыр воис тьӧщаыс да юӧртіс:

— Зять! Начальство локтӧ. Ӑні почта вылысь кывлі. Аски пӧ татчӧ воасны.

— Коді? Кутшӧм начальство?

— Кутш кодь сера! Татшӧм пӧрадокъяссьыд некод тэнӧ оз ошкы. Кольӧм во тай волісны да гӧрд плакат абутӧм вӧсна видісны-а. Таво бара некӧн нинӧм оз ӧшав.

— Абу быдӧн ӧткодь. Петр Ивановичлы плакатыд эм кӧть абу. Сійӧ ӧнджыкасӧ муяс вывті ветлӧдлӧ да тӧд-малӧ, кутшӧм сорт ӧг турун мяян муяс вылын быдмӧ. А Иван Петровичлӧн сьӧлӧмыс висьӧ, медым телега чӧрсьяс вӧліны мавтасаӧсь да сийӧс-кӧлуй дзонь да бур.

— Меным ӧд мый,— кинас ӧвтыштіс тьӧщаыс.— Асьтӧ ӧд дзужаласны.

Кӧсьта чукӧстіс контораса стӧрӧж Миронӧс.

— Тэ, другӧ, мун да чуксав пӧжарник Евсейӧс, мед пальӧдчас да каскасӧ дзимбырӧн ниртас. Сельпоса стӧрӧж Митиперӧс колӧ игнавлыны будкаас, мед код юр-

нас тайо лун-войсо сиктод эз шатлась. Пөпуттьо чукостлы татчо клубса заведующойо.

Мирон петис. Ачыс Косьта пажынөдз кытшовтліс сиктод. Пыраліс конюшняо да конюклы тшөктіс мегырьясө бракульки да көлөкөльчикьяс өшлыны, гөрд да лөз лентаясөн баситны гужияс да шлеяяс. Столовөйын пөварлы тшөктіс унджык чөскыд сөян-юан жаритны-пражитны.

Рыт кежлас сикт шөрын өшйис кузь кумач. Клубса заведующой ыджыд букваясөн гижөма сэтчө: «Ег туруныд лоас винөв, он кө мутө бура пинөвт!»

Митипер талун некөн эз тыдав. Евсей сулаліс пөжарной сарай дорын «во фрунт». Каскаыс дзирдаліс. Столовөй дорсянь паркйис чөскыд жаритөм яй дукөн. Көлөкөла вөвьясөн нывбабаяс новлісны куйөд.

— Но инөсь, ставыс буди лои лючки-ладно,— мөвпыштіс Косьта. Гортө мунігмозыс кежаліс тыоща ордас. Тшөктіс вадорө лэччывны.

— Теплоходөн кө кодкө локтас, меным пыр и юөртан.

...Вит час бөрын Косьта кыліс теплоходлысь шысө. Сэсся эз нин унмовсьы, чошвидзны кутіс, оз-ө кодкө игөдчы. Но кильчө пос кузя некод эз кай.

Удж вылө мунігөн паныдасис тыощаыс.

— Кодкө воис эз?

— Меным төдса начальство тай некод эз-а...

— Йөзсө сөмын тэ шызьөдан,— выдыштіс Косьта,— гөра-көдза помасис. Коді өні локтас?

Сиктын өдйө кывсис, мый некутшөм начальство абу воөма. Пөжарник Евсейлөн каскаыс зэр улас удитөма нин чусмыштны, валяйтчис телега вылын. Сарай пытшкас кыліс ныргорөн узьөм шы.

Митиперөс лэдзисны будкаысь. Косьта корис клубса заведующойо да тшөктіс кумачсө идравны. Нинөм пөсылы зэр улын чусмыны. Мөдысь кежлө згөдитчас...

Шабаш

Некымын лун нин ме юрös жугла. Корся төлксö, кыдзи верми татшöма шыбöлитны. Шоныд местаын эськö öнöдз пукалі, эз кö эсійö... Эм мый йылысь öні мөвпыштылыны.

Олі ме быттö лючки-ладнö. Лун-лун вöлі аслам ыджыд пызан сайсянь видзöда сьöд кучикön эжöm öдзöс вылö. Орчча жырьяс Мания Мелентьевна зэв сюся мöд öдзöс видзö, мед некод ме дінö оз пыр. Шуам, төлысь мысти собрание лö. Колö тайö кыв кутана лун кежлас лöсьöдчыны? Колö. Меным, эськö, мукöдъяс гижöны докладтö. Отсасьысьясыд тырмöны. Кык судта керкаын контораным. Дас мужик да кызь нывбаба. Сы мында йöz дырйи мед ме куті докладъяс гижны? Некедз ог.

Сэсся öд абу сöмын докладын уджыс. Со ковмис медся ылі лесопунктас сё верст сайö ветлыны. Машинаö пуксим да мунім. Вои лесопунктö, веськөдлысьсö овнывывны велöдышти. Повзьöді весиг. Мися, лёка кö кутан уджавны, вöтла. Сэсся мунім вöрса туй вылö тарьяс бöрся вöтлысьны. Эг и төдлы, кызди луныс коли.

Заседаниеяс да совещаниеяс нуöдла. Кызд нö? Олöмыд öд олöm. То кыткö киссьöма, то резьдöма. Лö став юралысьяссö чукöртлыны да юрьяссö югдöдны. Кытчö нö, мися, ті видзöданныд?

Кадысь кадö кучикön эжöm öдзöсыд вössывліс. Сöмын и шуывлі: код морыс нö татчö пырö? Тайö Мания меным чай стöкан пыртö. Яя пирöг да кампет блюд вылын вайö. Но, но. Пырав, мися, пырав. Да эн дыр шешъяв. Öдйöджык пет. А то он и төдлы, кызди ковтöm морт локтас. Кутас менö дözмöдны быдсяма юасьöмьяснас.

Отчыд вöлі ылалöма кытчökö. Ме дінö веськыда том инженер Öльöш пырис. Армияысь неважөн воöма. Улыс складаын пö некутшöm пöрадок абу. Уна бур вөр пö туплясьö да сисьмö. Но и мый?— шуа. Сисьмö кö öд, вöрас уна на жö быдмö. Лун и вой со кыскам да юö лэдзалам.

Ќти кывйӧн кӧ, мӧдӧдӧ ме Ќльӧштӧ сйӧн жӧ, мыйӧн локтис. Да Манияӧс чорыда ӧлӧдӧ. Тэ, мися, ывласьыс ракаясӧс эн лыдды. Пукав да бура видз ӧдзӧссӧ, мед быд шалаяй-валаяйыс ме динӧ оз пыр.

И некор оз вун сйӧ луныс, кор вӧвлытӧма дзуртыш-тис медбӧръяыс ӧдзӧс. Тайӧ вӧли ӧпеть Мания. Почта пыртис. Быдсяма письмӧяс да норасьӧмъяс. Час видзӧд-лам, мый нин гижӧны. Ак каналльӧ! Ќльӧшyd газетӧ ме йылысь гижӧма. Нитшсялӧм бюрократ пӧ.

Пуж кӧсйи петкӧдлыны, да эг удит. Удж вылысь со чӧвтисны. Да Ќльӧшӧс ме местаӧ бӧрйисны. Сйӧ, дерт, меным шоньд улӧстӧ оз сет. Шабаш. Чер ковмас босьтны да вӧрӧ увйысьны мунны.

Рочасисны

Ыліса сиктысь Машӧ ветліс карӧ. Жӧниксӧ корсиг-кості велалыштис рочасьны. Пукалӧны том гозья шойч-чан лунӧ шоньд керкаын. Машӧ шуӧ:

— Васька! Что нӧ лунтыр сидитан? Сходи в лес да кӧть гӧлик-рос неси.

— Где нӧ, эськӧ, мой гын сапӧг? Тӧрыт на под диваном валялся. Он ӧд ботинкинад мун, кругом лым тола.

— Тебе всегда помка найдется. Сидзи-й шу, лень пӧ вӧрас ветлыны. Но и пукав дома, дыш парпони!

Ќни пӧ Машӧ верӧсыскӧд оз сӧрнитны. Немӧйяс моз кинас да кокнас ӧта-мӧдыслы юӧръяссӧ мӧдӧдӧны. Коми кывнас пӧ сӧрнитны яндысьӧны, а рочнас абу на велалӧмаӧсь.

Пикӧ вои

Ола ме сиктын, дона ӧртъяс, совхозын мырся. Здоровье вылӧ ог норась. Ќшкӧс кӧ бӧжӧдыс тракнита, то ставнас на кучиксӧ верма пӧрчӧдны.

И аддза ме өшинь пыр, кызди и суседой менам, Опонь Миш, ок и озыра оло. Совхозын трактористон уджало, горю-кодзо, ытшко-курто, вундо-варто. Готырыс совхозын жо куканьясос быдто-тшогодо. Гашко, нелямын душ. Вель уна сьом босьтоны да век на оз потны. Овомосныс важся кулаклон кодь. Асланыс картаын мос, кукань, порсь, ыжъясос видзоны. Картопель муыс вель паськыд. Кольом ар, гашко, окмысдас мешок чукортисны. Куим тонна сельпоо сдайтисны. Деньгасо по чожоны да «Жигули» босьтны косийоны.

Висталой меным, кутшом но тайо олом лоис? Опонь Миш кодь озыръяс отаро пыр озырмоны, а ме кодь гольясыс — водзо гольмоны. Коло меным тодны, мыйла Опонь Мишлон град вылас ставыс быдмо? Пленка улын огурцъыс и помидорыс. А ме одзос сайо петны оглысьт, петшорасьомысь пола. Кыптома сийо моросодз, оз тай ков, майбыр, горны ни кодзны.

Онодз ме тшотөводон мырсылі, сэсся совхозлысь складъяссо видзи. Быд вой воли будкаын пукала да ошиньодыс пемьд ывлаас дзорга, мед тракторъяссо оз гуны. Мукоддырйи менам узигкості нуасны воли тракторыслысь мыйсюрө, кодос позьо одйоджык разьны. Но механикыд мено воли командировкао винала тшоқыда мододло да, нином оз шу. Сэсся сийос юомыс понда вежисны, и мено тшотш вөтлісны. Тэ по вой и лун узян, да коть асьто нуасны, он и тодлы.

Мододисны бригадао. Сэн по уджышт. Отпуско вөзйыси, мися, шойччышта страдна кадас. Да он на босьт. Управ шуо, тэ по аснаукнад кык отпуск мында нин шойччин. Пикө воштисны.

Став бурсо сиомон — **Парпонец Коскоков.**

Пайтём макаръяс

Сиктса лавкаын вузасъысь Марья Сусликова ветліс районса базаө. Төвар вайысьяс вылө некутшөм надея эз кут лоны. Туяс либө весиг база өдзөс саяс на таргайтöны став бур көлуйсö да сёян-юансö. А эсся татчö вайöны мый кольö. Быдсяма шылльö-мылльöсö. Тьфу!

Талун сійö ачыс вайис машина тыр төвар. Сов да шыдöс, майтөг да краска, пеласян машина да телевизор, шöрт да кролик куысь шапкаяс, уна мукöдтор. Торъя ящикö саймовтіс нывбабаяслы мича да небыд кучикысь вурөм сапөгъяс. Граница сайысь вайöмаöсь. Ставсö тайöс ректісны лавкалөн торъя жырйö. Сэтчö сөмын ачыс Марья пыравлө.

Ректысьöмсö, эськö, некод торъя эз аддзыв. Да и мый сэні гусяыс? Төвар кызд төвар! Тшöкыда тадзи ректысьлöны. Но абу сьөлöмыс местаын Сусликовалөн. Мыйкö быттö тэрыбджыка тіпкö. Ок унаөн юасьöны пеласян машинатö. Кывласны кө, локтасны да лавкатö вермасны пузувтны. А öтиöс и сетісны. Кодлы сійö вичмас? Со и чөв олö, некодлы оз висьтав.

Пызан-улöстö, диван-креслötö ёна жö ньöбöны. Торйөн нин том гозъяяс. Весиг өд карысь да орчча сиктясьысь ньöбасьны воывлöны. Но абулы суд абу. А майтөг, краска, шöрт да шапка вöсна шог абу. Лавка джаджъяс оз и лэптыв. Гуся жырсьыс и иналö надзöник. Ас йöзлы.

Гортас пажнайтігөн на видзöдліс öшиньöдыс да чуймыліс. Лавка дорын йöзыс тувсов му вылын рака мында. Машинаяс, мотоциклъяс да весиг тракторъяс сэні сулалöны. Мый нö шызьöмаöсь? Эг өд вина вай,— кутіс майшасьны Сусликова. Да петіс восьтыны лавкасö.

А талун со карсаяс татчö локтöмаöсь. Мый налы колö? Бур, мый пеласян машинатö, телевизортö, шылльö-мылльöтö эз удит лавкаад пыртны. Йöз синъясьысь саймовтіс. «Ставсö, эськö, тайöяс босьталісны»,— мөвпыштіс Сусликова.

Но вѣчны нинѣм. Восьтис лавкатѣ, и ставныс гузьму-
ніны пытшкас. Мукѣдыс вузасьысь дорысь водзджык на
пырисны. Кутисны гоннявны тыртѣм джаджьяс вылад.
Сусликоваѣс тѣрмѣдлѣны. Ѳдйѣ нин пѣ вузась! Мый
жуйялан?

И заводитис вузасьны. Кодлы сов дас кило, кодлы
истѣг сѣ кѣрѣб. Сиктса лавкаад ѣд ставыс ѣтлаын — кѣ-
луйыс и сѣян-юаныс овлѣ. Ѳні, эськѣ, Сусликовалѣн ѣти-
ыс ни мѣдыс абу. Но пѣсь петтѣдзыс вузасис. Жуявтѣ-
дзыс. Шѣртсѣ, майтѣгсѣ, краскасѣ и шапкасѣ — ставсѣ
нѣобалисны. Куш пеласян машинаыд коли. Нывбабаяс-
ыдлы сапѣгъясыд да. Бур, мый на йылысь эз тѣдны.
Эськѣ кинас и кокнас нетшыштисны.

Но найѣс Сусликоваыд синсѣ моз видзис. Сельпоса
да сиктса юралысьяслы, налѣн гѣтыръяслы да ѣткымын
чина йѣзлы. А сиктса войтырыд, кыдзи пыр, бара на
пайтѣм макаръясѣн колины.

Сюр да гыж

Миян сиктын важысянь нин нималѣ йѣв, яй, кучик,
сюр да гыж заптан овмѣс. Йѣзыс уджалѣны му да видз
вылын, вердѣны да юкталѣны скѣтѣс. А скѣтыс, мѣдарѣ,
вердѣ, юкталѣ, кѣмѣдѣ да пасьтѣдѣ йѣзѣс. Сѣян-юаныс
да кѣмкот-паськѣмыс вѣлі тырмѣ аслыныс да нѣшта на
кольѣ карсаяслы вузалѣм вылѣ. Овмѣснас дыр веськѣд-
лісны Латкин да Вяткин.

Коркѣ медся ыджыд веськѣдлысьсѣ, Латкинѣс, кыт-
чѣкѣ кыпѣдісны вылѣ, тасянь оз и тыдав. А сы местаѣ
пуксьѣдісны Вяткинѣс. Сійѣ эз и тѣдлы, кыдзи сы дорѣ
сибѣдчисны да пызанъяс сайѣ веськѣдлысьясѣн жѣ пук-
сялісны Щукин, Букин, Тарабукин, Трошев, Мошев да
Нехорошев. Найѣ Вяткинсьыд оз ѣна повны да аслыныс
отсасьысьясѣн босьталісны другъяссѣ, сватъяссѣ да
братъяссѣ. Контораыс лоис зі поз кодъ. Тырыс йѣз жуѣ.

Тадзи и кутіс мунны. Контораын йёзыс содö. А кар-
таясын — чинö. И найö удж вылас петавлöны лун кост
мысти. Сэтчöдз воисны, мый, кысь нин карлы, аслыныс
эз кутны заптыны тырмымөн йөвтö, яйтö да кучиктö.
Сöмын сюр да гыж и колины. Вылынджык пукалысь
веськөдлысьяс костын пансисны сёрнияс. Колö пö, гаш-
кө, бырöдны тайö овмөссö либö орчча сиктса овмөскөд
өтлаавны. Öтувъя вынъясөн пö, гашкө, олөмсö бурмө-
дасны.

Весьөпөртöдзыс повзисны Вяткиныд, Щукиныд, Бу-
киныд, Тарабукиныд, Трошевыд, Мошевыд да Нехоро-
шевыд. Бөрдігтыр гижисны вöвлөм веськөдлысь Латкин-
лы шыөдчөм. Öні пö ми мыйкө мында сетам на йөв, яй
да кучик. А бырöданныд кө овмөснымös, сэки и сюрис
да гыжйыс весиг оз ло.

Төдмасисны вылынджык пукалысьясыд тайö бөрдана
гижөднас, да жаль босьтіс. И сетісны стрөг индөд. Колö
пö вежны нимсö овмөсыслысь. Вөтлыны став юысь-ко-
далысьяссö. Щукинлысь, Букинлысь, Тарабукинлысь,
Трошевлысь, Мошевлысь, Нехорошевлысь став отса-
сьысьяссö ыстыны картаö. Мед пö сэні скөттö дөзьөри-
тöны да унджык йөв, яй да кучик мөдөдöны карö. А сюр
да гыжйыд пö эм көть абу.

Сиктын өдйö босьтчисны пөртны олөмө стрөг индөд-
сö. Вөтлісны начкысьысь Васькаös. Сійö пö вежон уджа-
лö да кык вежон кодалö. Сы местаö пуктісны Петырös.
Сійö, мөдарö, кык вежон уджалö да вежон кодалö. Төд-
чымөн пö Васька дорысь бурджык. Асланыс местаяс
вылын колины Вяткин, Щукин, Букин, Тарабукин, Тро-
шев, Мошев да Нехорошев. Налөн уна лыда отсасьысь-
ясыс мыйкө дыра кежлö мунісны картаясö. Но вочасөн
бөр локтасны пызанъяс сайö. Овмөсыслысь нимсö бер-
гөдісны мөдарö. Сійö кутіс шусыны сюр, гыж, кучик,
яй да йөв заптан овмөсөн. Кызди аддзанныд, öні медся
колананас лоисны сюр да гыж.

АЙ ДА ТЬӨЦА

Гөгөрвоис өд!

Профкомса пред Шыраканев сёрнитис контораса йөз водзын вочөжся удж йылысь. Сійө сэтшөма дасьтысьөма, мый пукаліс кө тані бокөвөй морт, сылы эськө кажитчис: профкомса членъяс збыльысь вөчөмаось зэв уна. Но сёрни помланьыс Шыраканев кутіс и асьсө кутитны:

— Дерт, культурнөй шойччөм ёна эз артмы. Помнитанныд, көсйысьлім турбазаө ветлыны, лызьяс вылын исласьыштны, но буретш столөвөяс пачыс киссис. А пось вөлөгатөгыд нө кутшөм исласьөм. Арьявылыс позис, дерт, ельдөгла петавны. Но асьныд төданныд: таво тшакыс пөшти эз вөв. А коді төдас, көні сійө петавліс? Мөвпыштлөй өні, колі-ө некымын уртшак да сім гоб вөсна корны автобус, койыштны сы мында сьөм? Кинояс йылысь. Кино, дерт, буртор. Но асьныд мөвпыштлөй, эм-ө коланлун, мед ми чукөрөн, ки на ки кутчысьөмөн, мунім театрө? Ми ставным олөма йөз, гөтыраось, верөс сайынось. Позьө ас кежсьыныд ветлыны, кодлы кор окота... Талун ми профкомө бөрьям выль йөзөс, став тырмытөмторсө, кодъясөс ті тані инданныд, найө босьтасны төд вылө,—тадзи помаліс асьыс сёрнисө Шыраканев.

— Кутшөм юалөмъяс лооны?— шыөдчис собрание нуөдысь Никитина.

— Кымын собрание вөлі во чөжөн да мый йылысь сәні сёрнитисны?— юаліс латшкөс тушаа Удоратин.

— Собрание эг нуөдлөй. Миянөс найө и сідзи пөдтөны. Но тайөс лыддя тырмытөмторйөн. Сэсся мый йылысь нин сёрнитнысө?

— Кызди сёрни эз сюр?— кыпөдіс гөлөссө Удоратин.— Шуам, челядьөс быдтөм-воспитайтөм йылысь. Төдан, кутшөмөсь найө өні?

— Миян сотрудникъяслөн внук-внучкаыс школаө нин ветлөны,— вочавидзис Шыраканев.

— Но и мый! На йылысь позис жө сёрнитны, пөни-майтан ли...

— Ёртъяс, эн зыксый!— горөдіс Никитина.— Коді водзө сёрнитас?

— Позьө ме?— кыпөдчис реклама бюроөн веськөдлысь Ютемов.— Миянкөд, дерт, сьөкыд уджавны профкомыдлы, ставным олома йөз, но мыйсюрө позис вөчны. Котыртлыны, нуөдны... Көть эськө асьным эгө жө водзмөстчөй. Лыддя, мый уджсьыс шөркодь дон позьө сетны.

Юралысьлөн рам да лабутнөй сёрни бөрын ставөн ланьтлісны.

— Позьө, ме кыв-мөд висьтала?— шыасис сотрудник Койгортөв.— Унаөн дачаясөн ноксям. Позис профкомлы көть куйөд машинаөн судзөдны. А куйөдтөгыд мый быдмис? Нуль целых да ёг турун. А та йылысь предлы шулі. Ме чайта, Шыраканевсө колө выльысь бөрийны профкомө. Мед асьыс мыжсө вештө.

— Правильнө!— содтіс сэтчө Удоратин.

Унаөн на сёрнитісны, уна буртор вөзйисны водзө вылө. Сэсся кутісны индавны выль кандидатураяс.

— Ме думысь, колө важьяссө и кольны,— чөвтис бухгалтер Ливасева.

— Правильнө!— суйсьыліс вөсни гөлөснас Донтемов.— Уджсө кө кисьтісны, мед асьныс и бөр кыпөдөны.

Шыраканевөс да сылысь отсасьысьяссө, Туголуковаөс да Крахмалеваөс, выльысь бөрийсны профкомө. Председательнас лои Шыраканев.

— Но ладнө,— думыштіс сійө,— колинныд кө и бур.

Лоо өнісіянь босытчыны удж бердас, а то он төдлы, кы-
дзи воыд кольё. Вермасны и водзё на бөрийыны проф-
комса преднад, пенсияөдзыд он мынлы...

Мокик

Тайё кык гөгыля машина жё, сөмын мотоциклөдзыс
абу воёма, а мотора велосипедысь сьөктанас да кызта-
нас торъялө. Видзөднысө мича и. Добра тайё чери кый-
ны радейтысьлы да тшак вотысьыдлы. Быд туй вывті
рөдтас-гөнитас. А медся ышөданыс сійё, мый некутшөм
право сійөн гөняйтөм вылас оз ков. Бензинсө идөра сө-
йё, и өдыс зэв на и ыджыд. Ёна и веж кутіс петны тайё
мокик вылас да эг жалит сьөмөс. Төлысся удждонөй и
тырмис.

Рытывбыд инструкциясө велөді, гайкаяс зэлөдалі,
бензинла да мавтасысла ветлі. Төдса шопер на видлаліс
да керкадорса йөрын кытшъяс вөчалыштіс. Шуи мокик-
нас пекнича рытын и мунны карсайса дачаө, кытчөдз по-
дөн кө ыджыд оськолөн мунны, вит час ковмас. Нөрө-
виті 11 час войөдз, мед этшаджык ветлысь-мунысьыс
аддзыліс да машинаысылы не дөсадитчыны. Ме өд том
дырйи сөмын велосипед вылө пуксьывлі, рульсө кутны
кужа, а тайё машинасө лэдзны, өддзөдны да раммөд-
нысө өні суседөй петкөдліс. Гөтыр ропкө: он пө куж вө-
дитчынысө, а телепит тэныд дзор тошка да куш юра пө-
рысь лешаклы войын кузь туйө петны. Зэв жө пө асны-
ра морт тэ. Сэтшөм буракө и эм. Мый думышта, мед
век ме ног вөлі.

Кар помөдзыс эг уджөд мокиктө, йөтки, көть эськө
бытьё абу зэв сьөкыд, а ньылөмтө пычкө жө. Пельпом
сайын нопйын сөян пуктөма, мавтас доз, краска кизьөр-
тан ва, доза сьөкыд нопйөй. Карлөн бөръя керкаяс до-
рын гөгөр видзөдлі: некод абу. Заводиті моторсө, не-
дыр шонтышті да пукси. Нуө, лешак машинаыд, радла.

Весиг морös кудйöй ыркавлö. Карсайса посёлок помас-сыны нин кутіс. Друг мокикыд джөмдіс, эргö-уджалö моторыс, а оз вөрзый. Нинөм ог гөгөрво — мый лои. Көть эськө и тувсов вой, а пемыд на, оз ёна тыдав. Думайта: мый и вöчны? Водзын туйыс, подөн кө мунны, нель час на ковмас шлапиктыны. Час, бергөдчыла посёлокас, сэн вок олö, коркө мотоциклнад ёнакодь лэбавліс. Сійö, гашкө, гөгөрвоö. Керка дорөдзыс йөткыси. Вөлөмкө, вокöй рытья смена уджалö да быдса час на лоö виччысьны. Ошиньясысь усян би югөръяс улын друг казялі, мый көлесасö бергөдлысь чептыс муөдз öшөдчөма. Но этійö ог аддзы? Пыр и босьтчи лөсьөдны. Көлесаыс личалөма, тадзтö сійөс он и төдлы — воштан. Зэлöдалі. Час, думайта да, вокөс ог виччысь — öнi сэсся ачы м нин төвзя. Лэдзи моторсö, пукси, а первой öд вөчөмыс некыдз оз артмы, мөдас век гольсмунö да пыр и тшөкмунö мокикыд. Тадзтö бара он мун, өддзөдчөм колö.

— Мый нин йөзсö шызьөдан? — кылі төдса гөлөс, вок вөлөма. — Пöрысьөдз олін да төлкыд эз и сюрлы. Коль мокиктö сарайö да мун гортад, узы!

— Ог, — шуа, — тэ вай, вокö, өддзөд менö, а ме здукөн сэсся төвзя.

Йөткыштiс. Пукала да зэв кыпыда муна. Водзын туйыс ыджыд кытшола, сэт колö надзөн мунны, а надзмөдла кө — өдсö воштас. Колö, бур спортсмен моз, ыджыд өдөн сэт бергөдчыны. Муртса на кытшовланыд матыстчи, эг и төдлы, кыдзи мокикыд, том чань моз, бокö чепөсйис, а ме швачкыси чорыд асфальт вылö. Мокик дугдіс уджавны. Öдва чеччи. Лядьвейөс сотö, гыррдзаöй ёнтö. Нопйöй көтасьөма. Гөгөрвои: тайö краска кизьортан ваа сулея разьсьөма. Мед көть сёянсö оз тшыкөд, тшыг лоö овны. Öдйö ставсö перьялі. Видзөда: Мокиклөн син бугыльыс киссьөма. Бара öмöй бергөдчыны? Ог. Яндзим. Лэпти Мокикөс, заводитi — уджалö, но первой öд вылас оз көсйи муннысö. Кодкө кө эськө йөт-

кыштысь вöлі, но некод абу. Ылын, час джын мында кө мунан, Сыктыв ю вомён кузь пос лоо. Шуи аслым: сэтчөдз йөткыся, а сэсся горувтө гөгыльтчигас позьö мөд өд вылө вуджөдны. Дыр мунім. Ме чота, а мокик сьöкыда гөгыльтчө. Коркө воим жө пос помөдзсыс. Лөсьодча өд босьтны. Водзын югыд биа машина тыдовтчис. Нөрөвитла, мед нин бурысь мунө. Ачым мокикөс водзлань йөтка. Матысмис вижөн-лөзөн мавтөм машина, гөрд фуражкаа морт петіс, мөд ногөн кө: машинаяс куталысьыс.

- Кытчө нин туй кутан?— көзырнитіс мортыд.
- Дачаө мөдөдчи.
- Мыйла нө войын?
- А мед машинаяссө не зурөдны,— шуа.
- Фаратө тай разьөмыд нин?
- Усьлі, сержант өрт, ыджыд өднас кытшовсө вөчигөн. Первойя өдыс оз уджав .
- Öні нө сэсся мый кутан вөчны?
- Ті эськө, сержант өрт, йөткыштінныд кө, зэв өдйө эськө и муна.

Йөткыштіс том сержантыд да ме водзө төвзи. Водзын посёлок, а сэні бара чукыльтны колө. Вои чукыльөдзсыс, өдсө чинтөмөн бергөдчи эськө, но моторыд бара тшөкъялыштіс да кусі. Некөн морт лов абу, прамөй югыд нин лои. Горш косьмө. Юрын өти мөвп: öні сэсся колө воөдчыны ыджыд кыр йылөдз, а сэтчөдз воөдчынысө — час сайө колө кыскысьны. Джын туй лои кольөма. Со и крут кыр йылынөсь мокиккөд. Ме мудзөма, и сійө оз көсйы гөгыльтчыны.

Но, көрт сьөлөма мокикөй! Жалитышт менө, эн дуд. Подөн кө өд, кык час чөж на мунан туй, а тэныд тайө зэв өдйө. Бергала сы гөгөрын, өтилаті да мөдлаті мала-ла. Друг юрө мөвп воис: первойя өдыс кө оз артмы, сідзкө, тросыс личалис. Инструкцияөс восьті, лыдди и гөгөрвои, мый колө вөчны. Контрагайкаа троссө разялі да зэлөдышті, кызди сэн шуөма, да бөр гартлі. Öні да-

чао кежаніодз пöшти веськыд туй. Шонді кыпöдчис вөр сайысь, матын көкө-чойö вояс лыддьöдлö. Юалі сылысь:— көкө-чойö, дыр-ö меным коли овны? Көк ланьтліс да бөр босьтчис көкны, комынöдз лыдди, сэсся эновтчи. Сідзкө, нинөм на мекöд оз ло. Тальышті педальö, гажаа ыркнитіс мокиклөн көрт сьөлöмыс, лэптышті руль помысь öд вежлалан воропсö да лэдзи. Мокик надзöникөн вөрзьöдчис. Лэдзи воропсö увлань, көрт сьөлöмыд кутіс уджавны кокни шыөн, а мокик содтіс и содтіс öдйö. Вөрö кежанінын чукыльöдыс сэсся эз нин куслы, весиг лыаа туйсö бура кыскис менö кык вöv вына ичöтик мокикöй.

Ай да тьöща

Ме Айкатыласа зять. Тесть да тьöща менам зэв шань йöз. Тьöща нэмсö сиктса школаын велöдіс. Шойччынысö водз петіс — квайт челядьöс быдтіс да. Тесть — батьлөн томдырся ёртыс. Öтлаын бурлачитлывлöмаось. Армияысь воөм бөрас бать серам сорөн шуас: менам кө пи лоö, а сылөн ныв — быть пö гöтралам! Сідзи и лои. Тесть та йылысь корасян лунö и казьтыштіс меным да бать пыдди топыда кутліс. А бать менам война вылö усьлі.

Тесть пенсия вылын жö нин. Нэмсö колхозын да совхозын уджаліс, и öні на оз öтдортчы.

Ме öні гөстита на ордын. Көть эськө и оз дивитны весь олöмысь, но яндзим жö. Пöрысьяс уджалöны, а ме лун-лун вадорын лытайта да йөрш кыя. Тесть да тьöща мөс видзöны — внук-внучкаяс эмось да налы колö йöлыс. А көть эськө и эз вövны, видзисны жö. Ки кресталöмнад абу велалöмаось овнытö. Сэсся кык кань на эм. Öні буретш турун пуктан кад, думысь налы отсыштны вои.

Кык лун сайын Нёмыд юдорса вөр бокъясысь турун

ытшким. Ме өд ытшкынысө тані и велалі да өні ачымөс прамөй зятьөн нин лыддя. Талун асывнас садьми тыща шыасьөм вылө.

— Зятьө, чеччы нин, тшыгла кулан да нылөс дөваөн колян...— Кылө чөскыд дук. Тыща бара блинъяс пөжалөма. Ме көть и ог өна радейт пызя сөянтө — тані ог ыждав, азыма чөсмасьла.— Тестыд тшөктіс вөв дөддьявны да волены турунысла, корөсь пө чегьялөма и...

— Кысь нө вөлыс?— чай ырскигмоз уаси, а ас кжысь мөвпала: кыдзи сійөс и дөддьявнысө?

— Школа конюшняын сулалө. Дөддьяв ыджыд телегасө, сійөс-заводыс сэні жө. Вөлыслөн нимыс Карко, оз кө мөд сибөдны, сөрнит ськөд, нянтор сетышт. Пөрысь вөв, зэв төлка.

Карко сулалө рама. Ныр улас веж турун пукті. Аддзис менө, синьясыс өзйисны, буракө, окота нин кокъяссө песьштны.

— Карко! Ме эськө тэно дөддьявны локті да, но өд-вакө сямма.

Карко чошйөдлө пельяснас да гоньйөдлө ыджыд юрсө. Ме верда сійөс небыд няньөн, сійө азыма рөмидзтө да ниртчө меным пельпомө. Сідзкө, оз өтдорт, позьө босьтчывны. Телегаын куйлө сійөс-завод, седелка, сьыліас сюяныс, код төдас, кыдзи сійөс и шуөны, рочнас тай хомут, буракө, кучик көвьяс. Первой кучик көвьяссө бергөдла өтарө-мөдарө, ладсө корся, но нинөм ог гөгөрво. Карко видзөдө ме вылө да гөрдлө. Друг казялі: өтилаті кучик көвйыс льякөсь. Со тай төлкыс, сідзкө, таладорсө бөж улас сүйөны. Ачым ичөт зонка моз радла. Сүйышті бөж улас аддзөминсө да водзө павйөдла — мыйкө тай артмө жө. Ловзьөдла паметьын картинаяс вылын рисуйтөм дөддьялөм вөвьясөс да надзөникөн нокся. Карколөн терпенньөыс абу — педзө места вылас. Час джын кымын ноксьөм бөрын ми петам конюшняысь да, мед этшаджыкөн аддзыласны миянөс, пыр и кежам йөз син сайө. Карко любөпырысь рөдтө.

Бур, мый страда кад да йöзыс этша. Пукала телегаын да аддза, кыдзи Карколөн мегырыс вежыньтчö и вежыньтчö шуйгавыв, ас бöрсяыс кыпöдö телега вожсö. Нёмыд-öдз эськö абу нин ылын, но син водзын серпасыс мисьтöм... Гашкö, кызкö воам...

Тесть пукалö Нёмыд берег дорын да куритчö. Кыдзкö-мыйкö воим жö. Карко пöсялöма, ва лэччö, буракö, сыылісö ёна зэлöдöма. Тесть сюся видзöдö Карко вылö да нюмъялö:

— Воин, эн вошты ямщиктö? Но и бур. Эн дöзмы менам зять вылö, сійö öд карса морт. Сöмын перö-ручкаөн вöдитчö.

— Вунöма нин,— правдайтча ме.

— Эн, буди, и кужлы-а,— кильксö-сералö тесть да тапкöдö пельпомö.— Немтор, велалан. А тайö тэныд тьöщайд прöверка вöчис. Сямман он нин сиктса уджсö вöчны. Сійö öд зэв мастера доддясьö, а со тэнö мöдöдöма. Ай да тьöща!

Меным шуны нинöм, нюмъяла да чышкала чужöмысь пöсьсö.

Витöд пай

Час кык нин Марпа тьöткöд болскöдчам ваын, көвтчам. Сылөн Серафим пиыс кыскалö ведра ыджда тус. Пыралас кок пöвнас ваö да зэв öдйö бöр чепöсийö. Менö дивö босьтис, мыйла Марпа ачыс кöсийысис пыдö пырны. Со и öнi ваыс мукöддырйи сыыліödзыс лолö, öвтыштас веськыд кинас ас водзсьыс паськыд лапкорьяс да мича виж юра дзоридзьяссö, кодъяс ты пасьтала быдмöны, да бара мунö. А ме муртса пидзöсöдз ваын кыскася, корсюрö волас жö джуджыдiныс да дзумгысь-лывлa гöгйöдз.

— Эн пу, бара тай водзö петин. Му бердтiыс кыскы көвтымсö. Эн ордйöд менö, омольджыка болскöдчы,

став черисö повзьöдлан,— оз и тупкысьлы вомыс Марпалөн.

Кытчöкө тай юавсис көвтчыны мунём йывсьыс, бурджык эськө, пукалі кө öні ю берег дорын да гөрд бордья ёкышъясöс вугыр шатинөн лэпталі.

— Со, эсійö нырд вылас кыпöдам, татысь бур тöня-яс лэптывлім... Но тэ бара менö кутін пановтны, эн тэр-мась, надзöнджык,— броткөдчö Марпа...— Карсьыд көть меным коркө капронөвöй кукла судзöдін, майбыр эськө позис сэк не сөмын көвтны, но прамöй тыв вöчны да тайö тысьыс гумовтны черисö.

— Оз öд позь, Марпа тьöt, браконьерөн шуасны,— вочавидзи ме.— А сэсся кысь сійöс босьтан, магазинъ-ясад оз вузавны.

— Тэнад нö сэні некодкөд и блат абу? Ещö карса олысьён шусян.

Тöняыс и збыльысь бур вөлöма, öтпырийö шеді куим гырыськодь сирпи, 15 кымын ёкыш да некымын кельчи. И тайөн туйсыным тыри, весиг сирпиянсö ковмис суйны көлуй новлөдлан нопйö.

— Но, сэсся көвтам ог нин,— нюмъялö Марпа,— талун Петыр Павелыд оз скупитчы, бара на пузьöдіс.

— Тырмас, Марпа тьöt,— меным и збыльысь нин дышöдіс кывзыны нывбабалысь помся броткөдчöмсö.

— Тырмас кө, и тырмас,— платтьö бөждорсö пыдз-ралігмоз нурбыльтіс Марпа.— Пожйовт көвтымсö да вольсыштлы веж турун вылас, мед косьмö.

Көвтым пожъялігкості Марпа да Серафим босьтчисны юкны чери. Мыйкө дыркодь найö мерайтчисны, Серафим ылöсас и Марпа сьöктасö видлалö.

— Этія сирпиыс кузьджык, но вöсниджык, а этія со кутшөм латшкункодь, но яя, буракö, уна ёскöс нин удитлöма джөбөдны.

Ме матыстчи мама-пия дорö. Найö пукталісны вит чукөрö.

— А мыйла нө вит пельö юкан, Марпа тьöt?— юалі ме.

— Кызди мыйла?— чуймыштіс нывбаба,— öти пай көвтымысь, мөдыс сыысь, мый ме пыдын ветла, коймөдыс Серафим пиы, туис кыскалөмысь, тайö менам пай, а этійö и тэнад пайыс.

Ме видзөдлі аслам чери пай вылө, сэні куйліс öти сирпи да некымын ёс. Окота вөлі вензыны Марпакөд, но чөв ланьті. А Серафим лөдіс нин туисö мамыслысь да ассъыс пайсö.

Патерант

Триньöбтіс звөнок. Гөтыр восьтіс öдзөс.

— Бур рыт!— кыліс төдтөм нывбабалөн гөлөс.— Позьö?

— Прөйдитөй,— вочавидзис гөтыр.

— Ме тіян патерантка Люциялөн пөдруга лоа, сійö и тшөктіс шыасьлыны...

Нывбаба бөрся пырис ньөжмыд мужичөй.

— А тайö менам, абу на дзик верөс, но лоас верөсөн.

Нывбаба пуксис коридорын сулалысь креслөö, а верөспуыс — орччөн сулалысь ичөтик джек вылө.

— Люция висьталіс, мый ті лэдзанныд олысьөс улыс судтаас.

— Позьö и лэдзны,— шуис гөтыр да матыстчис ме дорө.

— Спиридон, уна-ö эськө донсö корны?

— Ог төд,— вочавидзи ме.

— Мижуй.

— Дон кузяыс, инө, вай сёрнитчам,— водзө варовмис нывбаба.— Толя кутас патеруйтны, öні сійö общежитиен олө. А сэні, асьныд төданныд, том зоньяс, дурывлөны, но и гөстяс сэтчө воывлөны. Менам Толик

абу кокни руа, этійонад оз дурлыв. Ме дінө овмөдны сійөс оз жө позь. Өти комнатаын ми нывкакөд олам, и мам тшөтш микөд. Асьныд гөгөрвоанныд... Толикыс менам бур, честнөй морт. Гөтырыскөд лёка олісны, но и... Идрасьнысө ме кута воливлыны. Да, эг и юав, кызди тэнө шуөны?

— Ангелина.

— Он жө өд кут кульны?

— Менам мам, поконча, та боксянь вөлі зэв азым, уна век босьтывліс. А ме ог уна. Таөдз овливліс Тимофей Иванович. Өтка морт, пөрысь нин. Пес эз вайывлы, ставсө менсьым и суседьяслысь ломтіс, өдва и мыні.

— Дон саяд ми ог сувтөй. Толик оз этша најөвит, сійө плөтник-бетонщик. Көні тэ, Толик, уджалан?— чөв олысь морт дорө шыасис гөтырпуыс.

— Первой СУ-ын,— нурбыльтіс сійө.

— Висьтав көзьяйкаыслы, мый сэн вөчанныд?

— Өні керкаяс жуглам.

— Спиридон, кылан он, керкаяс пө жуглөны,— тайө гөтырөй шыасис ме дорө.

— Сідзкө, важ керкаяс разяланныд. А кытчө керьяс-сө, плакаяссө да өшинь-өдзөсьяссө новланныд?

— Код төдас. Новлөны тай.

— Вот эськө менам дача местаө найөс. Сідзкө, вот мый, вөчыштанныд патераас ремонт — шпалеританныд, өдзөссө вежанныд, джоджсө краситанныд, пачсө вөчалыштанныд. Кузя зэрөм бөрын джоджас ва воө. Ме чайта, дас шайтөн төлысь тиянлы оз ло уна, а дачаын кө отсыштанныд, дерт, Спиридонкөд өтвылысь, то сэк и бара тыдовтчас. Но ме патераө кута воливлыны. Сэні менам гөбөч, картопель видза... Дерт, абу нин бур оланін, но, кызд шуласны, век нин юр сюянін.

— Муса морткөд и чомйын рай,— содтіс нывбаба.— Но, сідзкө, ладмөдчим.

— Бур патерант лоө,— радлө гөтыр,— мый интелли-

гентьяссыд, найо сөмын ылөдчыны кужоны. Но кызди тэн кажитчис мортыс?

— Морт кыз морт.

— Рам, главнойис, рам. Вот и бур, картофелным коть таво оз кынмы. Сидз од, Спиридон?

Висьтасяна гижөд

Пытшкөсса делояс кузя отделениеса
начальниклы
гражданин ГУТОВ Симон Касьянович-
сянь

Ме, Готов Симон Касьянович, июль 13 лунө босьти виль керка стрөитанінысь нель плака. Дерт, эг аслым: оланіной казенной.

Сэні во джын олөм мысти джоджъяс кутісны дзуртны, а сэсся плакаяс костас ыджыд кок чуньой кутіс төрны. Нөшта на во чөж тадзи олім. Сэсся и гөтыр ропкыны босьтчис: «Он өмой, мужик, аддзы, мый колө вочнысө». Збыльысь, эз нин өти перө-ручка челядьлөн вош плакаяс улас, кухня джодж улө кык пурт да вит-ө-квйт вилки быттьө дзебасө саймовтчисны. Кольөм төлысьө кык плака костас дзоля каганымлөн кокыс сибдыліс. Миян улын олысьяс спокой эз кутны сетны, кор паныдасясны, көритөны: «Кор нө пө грыма-грамакывнысө дугданныд?».

Отпускө вөзйыси, мися, джоджсө тэрмасьтөг топөда. Муні домоуправлениеө. Начальникыс и шуө: «Оні плакаяс абуөсь, нөрөвитыштлөй». Адрес гижыштіс. Но кадыс од мунө, весьшөрө отпускөй вошө.

Волі көрта-пуа көлуйөн вузасянінө, абу пө — шуисны. Вөр пилитан комбинатын эз жө могмөдны.

А миянсянь виль керка кыпөдөны, буретш джоджсө вольсалісны.

Смелмөдчи да сэтчө муні, шыаси олома мужичөй дінө. Скөра видзөдліс: ог пө сет нинөм. А мый войнас гусьявлөны, сыысь пө кыв ог кут. Та бөрын понді сёр рытьясө стрөйтчанинад ветлывлыны. Отчыд матыстчи, видзөда: паныд локтө мужичөй, пельпом вылас вит-өк-вайт плака кыскө. Менө оз аддзы. Мыйон паныдасим, гусьоникон юалі: «Видзысьыс нө абу?» Мужичөйыд плака чукорнас и быдсон места вылас чечыштліс, тыдалө, повзис, а сэссия ыджыда апнитіс-лолыштіс: «Абу некод, мун сөт!»

Муртса вои плакаяснад кильчө помө, кыськө том морт уси, вөлөмкө, тіян уджалысьыд. Ним-овөс гижис. Со и ставыс.

А өні тшөктанныд висьтавны, мыйла да кутшөм ногон татшөм мортөдзыс вои. Чайта, дзескыдінө оз йөртны. Мынтысьны, гашкө, тшөктанныд...

А сэссия өд тіян делө, кыдзи видзөдланныд.

Ме эг көсьы ачимөс правдайтны, веськыда гижа. Но косья нөшта өтчыд төдчөдны, мый патераыс абу аслам, казенной. Сідзкө, эг ме аслым и вөч, ме бөрын олысьяс красуйтчыны пондасны. Тайөс кора пыдди пуктыны.

А кольөм вежонө ме ордө мужичөй пырис, юалө: «Тані Гутовыс оло?» — «Тані», — шуа. — «Ме домоуправлениеысь, джодж плакаяс вайим». Меным, мися, оз нинковны... А сійө шуө: «Нинөм пө ог төд, со тіян ним вылө квитанция, кырымась да босьт вит плака. Машинаыс виччысьө».

Нинөм вөчны, лои петны бөрсяныыс. Витнан плакасө стрөйба дінас нуи.

— Со, — шуа, — водзөсыд.

— Оз ков мянлы, — пыксьө прорабыс да бөр мөдөдіс. Вой шөрнас век жө стрөйба дінас нуи плакаястө. Вот тадзи ставыс и вөлі.

С. Гутов.

Ставсö тöдмаліс

Михаил Мишуков нель во сайын армияысь воліс, а век на гөтыртөм. Уджалö сиктса бытөвöй комбинатын. Рисуйтчö. Но сэнi пызансö сувтöдны пельöсыс абу вичмöма да, гортас уджалö. Асывводзсяньыс да сёр рытöдз юрсö эз лэптыв — краситчö, мавтчö, клеитчö. Неыджыд вежöсыс быд сикас шылльö-мылльöнас тырöма. Куритчöмысла лөз тшын, кöть чер öшöд.

— Тадзи став олöмыд и кольö, весиг гөтрасьнытö некор,— ас кежас мөвпалö Мишуков.— Кутшöм кöть талун луныс? Буракö, субöта. Колö кöть ывла сынöднас полыштны. Сёйны нинöм абу ни.

Мишуков бритіс сьöд тошсö, вежсис да петіс ывлаö. Луныс шондіа, гажа. Керка вевтяс вывсянь войтва төпкö.

Столовöйын вöлі йöза, но мыйöн кыліс чöскыд сёян дуксö, бөр петны эз нин вермы.

Слöймисны пызан сайö мичаник нывкöд. Синъясыс лөзöсь, меліöсь, ачыс тэрыб вöраса. Мишуков. первойысь на аддзис сійöс. Окота лои сёрнитыштны ськöд, сьöлöмыс сідзи и корис, но эз тöд мыйсянь заводитнысö. Медбöрын смелмöдчис:

— Кыдзи ті думайтанныд, ыджыд кöдзыдъясыс лоасны на?

Ныв чуйман синъясөн видзöдліс зон вылö:

— А мый, тіян гуаныд картофелыд кынмис жö?

— Мыйла кынмис? Менам некутшöм картофель абу!

— Миян тьöткалөн кынмалöма. Ставсö керкаö пыртлім.

Столовöйысь петісны öтилаян. Михаил гусьөнмоз видзöдаліс нылöс юрсяньыс да кок улöдзис.

— Лада!— гораа шусис сьлөн.

— Мый?

— Лада, мися, луныс. А кöні ті оланнід?

— Магазин дорас. Ме тані неважөн на. Уджавны вои.

Отделениеас бухгалтерё индісны,— варовмис ныв.

— Рытыс, чайта, мича жё лоо. Гашкё, аддзысьлам? Да-а, ми өд эг и төдмасьой. Миша Мишуков. А тэ?

— Лена... Кузьпелева.

— М-да,— нюмъевтіс зон.— Абу ёна мича овид. Косьян лоны Мишуковаон?

— Ог!— думыштис ныв да тэрыба веськөдчис улич кузя.

Коли нель лун. Мишуковлөн нейджыд вежөсын важ моз лөз тшын. Джоджын туплясьоны бумагаторьяс, краска банкаяс. Мишуков рисуйтө нывбабаяслөн праздник кежлө ыджыд плакат. Нывбабасө зильө серпасавны Лена кодьон. Сылөн чужөмыс өні на сулалө зонлөн син водзын.

Керка өдзөсө таркнитисны.

— Да-да,— юрсө лэптывтөг вочавидзис Мишуков.

Өдзөс дорын сулаліс Лена.

— Лена! Тэ?— Мишуков көсйис сайөдыштны плакатсө.

— Эн дзев, нолы, нолы?

Лена сюся видзөдліс плакатвывса нывбабалөн серпас вылө да гөрдөдіс:

— Тэ тайө мыйла менө?

— А сійон, мый вунөдны ог вермы.

— Миша, а тэ эн дөзмы ме вылө?

— Мыйысь?

— А тэ сэк збыльысь шуин? Меным аслым оз кажитчы овөй. Ичөтсянь кузь пельон нимтісны.

— Тэ, сідзкө, сөглас ме сайө верөс сайө?

— Мыйла тэ сайө? Зэв тай перыд.

— А ме нө тэныд ог кажитчы? А-а, гөгөрвоана, полан, гашкө пө, Мишуковыс донжуан, вина юысь да сідз водзө.

Лена гажаа серөктіс.

— Сійон и локті, мый тэ абу сэтшөм. Тэ чайтан, мый

проста олі тайо луньяссө? Ме, Мишуков, ставсө тэ йылысь тодмалі... Гашкө, пажнайтны ветлам?..

Йи сувтөм бөрын

Районса рыбинспектор Павел Зюзев воис Ваддор сиктө да медся йөзаиньясас босьтчис ляскавы чериясөс видзөм йылысь серпаса гижөдьяс. Сельмаг стенө өшөдіс чими чери видзөм йылысь плакат. Столөвөй стенө ляскис еді да сылысь ёссө видзөм йылысь. Клуб да КБО стеньясө кнопйөдліс өтпырйө некымын гырысь лист. Сэсся быттьө ыджыд удж вөчөм бөрын пыдісянь ышловзис да веськөдчис тестьыс ордө.

— Чолөм да видза, дона тесть!— керкаө пырөмөн тшөтш горөдіс Зюзев.

Зятя-тестя сывйыштчисны да весиг матыстлісны вом дорьяссө тшөть кодь бандзибьясланыс. Дзикөдз эз жө, дерт, окасьны-а.

— Мый нин ветлан!?— юаліс тестьыс.

— Удж, тестьө, удж. Ми воклы ветлытөг оз позь.

— А мый тіянлы өні и вөчнысө! Ваыд йи улын.

— Сюсь йөз и йи увсьыс сөтыштасны.

Тесть тіра-бора кутіс жөдзны. Шөрыштіс нянь, вайис пызан вылө йөлөн жаритөм мойва.

— Э-э, слабиндзи чериөн тай чөсмаян, тестьө.

— Вот тэ эськө и вайин бурсө,— дөзмыштіс тестьыс.— Тіянлы өд, пөди, вичмывлө. Эсійөтө керигада... но кор тай кодөскө суанныд да конпискуйтанныд.

— Сыын и шогыс, мый некодөс кутнысө. Кодөс он кут, сійө и төдса либө рөдня. Сирасси тайө уджас да көть мый вөч,— пызан сайө пуксигмоз нурбыльтіс зять.

— Винаөн гөститөдны ог вермы, лавкаыс эз на воссьы. Гашкө, нөрөвитлан!

— Эн маитчы, тестьө,— зять восьталіс кыз портфельсө да сувтөдіс пызан вылө еджыд доз.— Куш киён, ачыд төдан, абу велалөма тэ дорө пыравны.

Зятя-тестя гулькнитісны морт өти румкаён.

— Вот мый, тесть. Миян планным оз тыр. Во помас-сьё, а ме сёмын көкъямыс мортос и штрапуйті браконьеритёмысь. И то, кыз шуласны, ас зептысь.

— Кыззи ас зепсьыд!

— Кыззи, кыззи... Но вот, сёрнитчам кодкөдкө, мый быттьё сійё позьтёминысь чери кыйёма, шуам, ком либё кебёс. Но вот, куті быттьё ме и акт гижышті, мый сійётё, шуам, Чёлпанов либё Яранов, кыйис позьтёминысь ком. Быд ловысь вит шайт штрап ме пукті.

— Но-о, а тайё сідзсё збыль йёз жё!

— А кыззи нё!.. Овсё өд ме небесаысь ог босьт.

— Водзёсё сэсся мый!

— Мый, мый,— дөзмёмён нерыштіс Зюзев тестьсё.— Штрапсё сы вылө гижа, а сёмсё ас зептысь пукта, да нёшта на ме тшөт весьтё и дарьясям. Сідзтё өд некод оз көйысь.

— Но и рёбөта тэнад, зятьё. А мыйла нё збыль браконьерьяссё он кутав!

— Кутав, видлы. Бур браконьерыд ён мотора пыжён дзизьялө, а миян нинёмыс абу. А сэсся тай висьталі, мися, гөгөр төдса да рөдня, кыззи лыбас сёлөмыд кодөскө кутны. Либё некутшөм правилө дзугөм кө абу!

— Но и лешак накөд, оз кө шедны,— гажмыштіс тестьыс.— А мыйла тэн колёны штрапьясыс!

— А кыззи нё! Он кө өд некодөс штрапуйт, кыззи уджтё доньяласны! Тайё жё, тестьё, прөстөй арифметика: кымын унджыкөс штрапуйтёма, сымын бур. Удж вылын ошкёны, и премия вичмё.

— Уна и!

— Кымын унджык штрап, сымын и кызджык премия. Но вай, тестьё, солькнит нёшта аслыд.

— Мыйла аслым?

— Ме, кыз шуласны, при исполнении,— рочалыштіс зять.— И вот мый, ме эськө тэ вылө тшөтш көйи акт

гижыштны. Быттьокө тэ йи улысь куломөн кыйсин. Шуринкөд сёрнитча жө и.

— Ме вылө штрап?! Тэ мый, тыр сюсь али выжив?— скормис тестыс.

— А мый сэтшөмыс? Деньгасө өд ме ачим пукта, да нөшта и дарйыштчам на. Тэныд бур, и меным...

Тесть эз нин вермы кывзыны зятьсө, скөрысь йөткыштіс джынъялөм вина дозсө зять ныр улө.

— Босьт тайөс да весась! И кытчөдз он пет балмошной удж вывсьыд, ме ордын мед кокыд эз вөв! Гөгөрвоин?

Зюзев мыйкө көсйыліс на эськө шуны тестыслы, но мыйөн аддзис пөрысь мортлысь скөр синъяссө, тэрыба кватитіс вина дозсө, сюйс питшөг зептас да тэрмасьомөн уйкнитіс керкаысь. Ывлаыс көдздөдіс. И Зюзев эз төд, ветлыны-ө шурин ордас. Автобус локтөдз вөлі зэв на дыр. Портпеляс Зюзевлөн куйлісны плакатыяс, кодьясө тані некытчө нин вөлі ляскавнысө.

СТЕПАН РАЕВСКИЙ

ЁНА КОРА

Кузьпелев восьтыштіс өдзөс. Юралысьыс садьмис, синсө чашкөдіс пырысь вылө:

— Ак, тайө тэ?

— Ме.

— Мый колө?

— Иван Иванович! Лэдзөй менө...

— Кывзы, Кузьпелев! Тэ тай мерасө эн кут төдны...

— Төда...

— Төдан кө нө, мый юасян? Кольөм выль лунө вөз-

йысьлін дядьыдлы отсасьны. Вторникö тьöща гу вылад ветлін... Али ылөдлін сэки?

— Збыль, Иван Иванович, сідзи и вөлі.

— Ме өд тэнö лэдзлі?

— Лэдзлін, Иван Иванович.

— А ме чайті, мый тэныд яндзим лоö да он кут сэс-ся вөзйысьны... А ачyd мый тэ меным шулін?

— Мый?

— Середаас тэ вөзйысин школаö ветлыны. Мый ме тэныд сэки шулі?

— Мый? Менам пи пö школаын жö велөдчис, мый ті менö бура гөгөрвоанныд...

— Ладнö, ладнö!.. А четвергö мый тэ сөрин?

— Да нинөм ме эг сөр. Ставыс сідзи и вөлі... Четвергнас көсйисны менсьым пинь нетшыштны...

— Ладнö, чөрт накөд, пиньясыдкөд... Но өд пекничаө тэ бара кытчөкө вөзйысьлін? Гөтырыд сэки тэнö ыстыліс мыськөм көлуйла!

— Сідзи, Иван Иванович!

— А тэ век норасян ме вылө... А öні мый колө?

— Иван Иванович, татчө рок ансамбль воöма гастроляс вылө... Гөтырöй кык билет босьтöма, корö тшөтш ветлыны... А менам сэтшөм музыкасьыс пельöй сьөдмө... Иван Иванович, бур морт, ёна кора: лэдзöй талун удж бöрын кольчывны час-мөд кежлө. Мед сійö музыкасьыс мынны...

МЫЖАЫС СЮРИ

Кык лун мысти помасьö квартал. СМУ-са управляющöй Петр Петрович Бражкин нуөдö совещание. Гөлöсыс сылөн ыджыд, ёсь.

— Кыдз абу яндзим тiянлы!— көритіс асьыс уджалысьяссö.— Керка дась, и сдайтны ог вермöй! И мыйла? Тэ вöсна, Шаньгин ёрт,— видіс сійö прорабөс.— Вөлі кө

эськө мыйкө ыджыдтор, а то ва сетан трубаяс абу суйо-
маось ас кадө... Позор!

— Петр Петрович, кызди нө ме верма суйны труба-
сө, кор бөрөздаыс кодйитөм,— дорйысис Шаньгин.

— Кызд кодйитөм?

— Эскаваторыс эз вөв.

— Кызд эз вөв? А тэ звөнитлн Иванчиклы?

— Звөнитлі. Көсйис ыстыны, но пөръяліс.

— Эн сөр, Шаньгин! Эскаватортө ме ыстылі, да и
ачым тшөтш ветлі, но машинаыс эз вермы уджавны.
Кодъянінас тэчөмныд трубаяс да кирпич коляс,— дор-
йысис Иванчик.

— А вот мед эськө босьтн да и идралн, бокө веш-
талн,— горөдіс Бражкин.— Али мян автокраныс абу?
Звөнитлн Ульныровлы?

— Звөнитлі, но краныс сідзи и эз лок!

— Бензиныс эз вөв да, мыйон локтас.

— Энө мөй вермы шофертө ыстыны заправитчыны?

— Талоныс эз вөв.

— Ой-ой! Пельпом вылад тэнад мый? Юр али капу-
ста мач? А снабжение отдельыс мян Сибирын?

— Да ме пыр жө муні, но начальныкыс эз вөв. Каби-
нетыс игана вөлі.

— Ме муртса буфетө петалі чай юны,— дорйысис
снабжение отделса начальник.— Ме некутшөм гижөд эг
аддзыв.

— Да ме сійөс тіяны оэдзөс улөдыд кабинетад суйи.

— Гашкө, Матрен тьотка аддзыліс?— кодкө негораа
юаліс.

Бражкин друг быттьө раммис, гыжъялыштис юрсө,
сэсса нюмъялігыр горөдіс селекторө.

— Люсенька, мича дзоридз, мун кор татчө джодж
чышкысьөс.

Здук мысти кабинетө пырис Матрена.

— Джоджысь кабала, шуанныд? Ог төд, джоджас
уна кабалаыс туплясьө. Ме найөс ставсө чышка. Колана

бумагаяссö од джоджас оз шыблавлыны. Та вöсна и корлінныд?— шöйöвошöмön джодж шöрас сулаліс Матрена.

Кабинетын лоис чöв-лөнъ. Бражкин ыджыда ышловзис да пинь пырыс сöдзöдіс:

— Со мый ті вöчинныд, Матрена Павловна! Тэ вöсна ас кадö керка эгö вермöй сдайтны да премия воштім.

Мыжаыс век жö сюри, код вöсна эз сдайтны керкасö.

КОДІ КЫДЗИ КУЖÖ

Кузькокин пуксис да видзöдö начальныкыс вылö.

— Локтін, шуан?— Федул Сидорович бокö вештіс «Огонёк» журнал.— Фу, кутшöм сьöкыд тайö нумерас кроссвордыс...

Сэсса чышкыштіс синъяссö да стрöгакодъ шуис:

— Да-да... Со мый, Кузькокин! Мыйкö ме тэнö шоча аддзыла учреждениеын. Он воливлы али мый?

— Мый ті, Федул Сидорович! Кыдзи ог овлы? Öкмыссянь квайт часöдз быд лун тані. Бөръя кадас ог удит весиг пажнайтны ветлыны. Сы мында уджыс. Сукарöн чай юышта и водзö.

— Эн сөр, Кузькокин! Кодöс көсьян ылöдлыны? Ме, другö, ставсö тöда, ставсö аддза.

Кузькокин лэдзис юрсö, забеднöйсла муртса синваыс оз пет.

— Мый юртö öшöдін? Яндзим? Оз ков яндысьны, а уджавны колö ёртъясыд моз. Со босьтам Сидоровöс. Сійö меным быд асыв газетъяс пыртö, вильторъяс, анекдотъяс висьталö. Мукöддырйиыс кочөг бытшкытöдз лоö серавны. Кулаковöс тшöкыда аддзывла. Век шпуткö-куритчö. Буров да Шудов лун-лун шашкиön ворсöны. Сямтомова взносыяс чукöртö, Иванова — деньга öктö кинояс вылö. Шаньгин да Гычева стенгазет лэдзöны. Аддзан,

ставыс мырсьоны-уджалоны, ветлоны отаро-модаро.
А тэ кони лун-лунсо шойтан?

— Федул Сидоровин, да ме жо у-джа-ла!.. Пёшти места вылысь ог чеччыв.

— Кузькокин ёрт, ми ставным уджалам, а ого куй-лой да бокъясос пёжой. Кывзы, Кузькокин! Тэ ворсан шахматон?

— Да.

— Бур. Сідзкө, аски асывсяныыс котырт турнир. Лоас зэв интереснө, и йөзсьыс бокын он ло!

КЫК ДРУГ

Талун вөлі миян собрание, а кор помассис, менам другой матыстчис ме дорө да вель дыр видзөдіс чужө-мө, быттьокө откодяліс фотокарточкакөд.

— Критикуйтін менө, шуан? Но-но!

— Нинөм, он сыв.

— Критикуйтан, а он думыштлы, мый ме тэкөд другъяс.

— Нинөм. Тэ ачyd төдан, ме мортыд — веськыд, син сайын ог больгы. Войдөрлун тэ удж вылад сөрмин? Сөрмин! Мед коть и куим минут, но сөрмин.

— Куимыд абу комын минут...

— Дисциплина, другө, дисциплина и эм.

— А тэ век жо вай висътав, мыйла критикуйтін?

— Тэ мый, он төд, мыйла критикуйтлоны собрание-яс вылас? Сы вөсна и критикуйті.

— Нинөм ог гөгөрво! — лэптыштлис пельпомсө другой.— Гашкө, асывнас эг чолөмась тэкөд да сы вөсна?

— Эн сөр. Тайө абу первойысь.

— Гашкө инө, ме төрыт эг виччысь тэнө гортад му-нигөн да сы вөсна? Ме виччыси эськө да тэ дасөд партия заводитін ворсны шашкион. А ме тэрмаси, гөтырөй лав-каас корис мыйсюрө нуны.

— Али сы вöсна скöрмин, мый төрыт дыр сёрниті гöтырыдкөд телефон пыр?

— Кывзы!— эг вермы кутчысьны да горөді.— Тэ мыйкө вежөртан он? Гöтырыс менам оз тані уджав, а лавкаын. Кут төд вылад: ме веськыд морт, и нинөм ог дзеб. Тэ сёрмин, и ме критикуйті. И век кута критикуйтны.

— А-а, гөгөрвои,— жугыля шуис сійö.— Тэ менö прöститны он вермы, мый шашкинад куимысь ворссьылін.

А, гашкө, сы вöсна критикуйтін, мый чужан лун кежлад донтөм козин сеті?— некыдз эз лэдзчысь сійö.

— Лэччысь ме дорысь, эн понды. Ещö ötчид шуа: ме мортыс веськыд, некутшөм тырмытөмтор ог дзеб. А көсьян кө төдны, критикуйті сы вöсна, мый гöтырыдкөд ті онö пыдди пуктöй менö.

— Ог гөгөрво!— горөдіс сійö.

— Эн ылөдчы, гөгөрвоан ставсö. Гöтырыд лавкаын вузасьö?

— Да, сэні уджалö. А мый?

— Төрыт ас чери да яя консерв вузалөмаöсь, а ми-янлы абу и кольöма.

— Öні бура гөгөрвои. Муна да ме петкөдла сылы.

— Вот сідз. А тэ шуан: мыйла!

АЛЕКСАНДР УЛЬЯНОВ

АСКИ

Макся Ёгор

Макся Ёгор гыжйыштис ножичөн гогналөм балябөжсö, скöрысь сьöлыштис буса туй ылө. Водзö сэссия вöськов оз вöч. Ёна-ö тшакнад кынöмыд пötас? Гашкө, весь-

шөрө на лоо вöрас кайлöмыс. Нöшта ном-лöддзыс мый-та! Бытьё тшыг понъяс, дасьöсь вильöдны мортö.

Тадзи мөвпалö Макся Ёгор мир туй бокин пукалiгөн. Бон-бус пинялiс гöтырыс асывсяньыс: куйлан пö конда моз, мыштö паччöрын пöжан. Абу яндзим бур йöзсьыс! Көть пö тшакла довгыв. Рушкүтö тувйö ковмас öшöдны.

Джын туйсö и воис Макся Ёгор. Сэсся джёмдiс. Пуксьы, Ёгор, юртö пальöд. Тöд вылад уськөд тöрытьясö. А мый нö лоис сэки? Лэччи Эжаа ю дорö, пыжа сувтiс, кодкө тöдтöм воöма... Топыд тэчаса, юрсö бытьё тушаас сатшкөмаöсь — голяыс оз тыдав. Микул сиктысь сельпоса пред кежöма. Сийö и чуйдöдiс Ёгорöс. Тэнö пö, Ёгор Баткөвич, ныриса мортөн шуöны. Быдтор сямман керны-вöчны. Вай кодйы сельполы юкмöс. Миян нянь пöжалысьяс голя вылö сувтiсны — васö лоö Эжвасянь катлыны.

— Позьö, шуам, видлыны,— ыджыд чина морт моз вочавидзис Ёгор.— Сöмын тшак вотан кад тай...

— Сiдз эськө да. Но, гашкө, мездан миянöс?— кевмысяна видзöдлiс Ёгорлань пыжын пукалысь.

— Час, сiдзкө, ме чер-зыр лöсьöда.

Арся шондi рытлань вöли катовтчö, кор сельпоса юралысьтö аддзис. Вель дыр варгисны потшöс бокин. Сёрнитчисны и дон йылысь, и сёйöм-юём кузя, и уна-ö содтас пред, зiля кө Ёгор кодьяс юкмöссö.

— Вай сöмын муркөд-уджав. Кор эштас, чукöст менö дай,— мыччис гöна кисö сельпоса пред.

— Чукöста, чукöста. Ме татшöм юкмöстö, Педөрöвич, му пуксьöмсяньыс кодья. Ва визяс век стöча веськала. Куим лун мысти виль ваөн кутанныд пöжасьны.

— Куим лун мысти?— чепöсйис шемöсмöм предлөн.

— Макся Ёгор тадзи шуö,— зутшкис морöсас юкмöс кодйысь.

...Водз асывсянь тильсьö Макся Ёгор Микул сиктын. Сруб тшупö. Колскö черыс, югнитлö шондi водзын. Чагнас тшупсьысьыс тырöма. Видзöдлан бокисянь да,

вийсьö-жугöдчö мортыс, быттьö уджсьыс тшыгъялöма. Но Ёгорлысь мöд мөвп йирö вежöрсö. Кымын кер суд-та тшупны, медым предыд нинöм эз казая? Вит-ö-квай-тыд тырмас-а. Ва ваялас да, буретш лоö. Макся Ёгорыд абу на йöй. Збыль кө öд мырсьыны, сöныд орö. Лымъ-явтöдз лоö лукйысьны.

Рытланьыс Макся Ёгор муö нин писькöдчыны мöдiс. Кодйис сыв кымын, син водзас весиг пемдiс. Ок и сьö-кыд! Сё матьтö лэдзис-а. Кор нин голяöдзыс лоö? Швачкас сэтчö срубтö, лосьöдас-баситас гөгөр, пöльыш-тас еретник моз... И позьö корлыны предтö. Милости просим, Педөрöвич. Лун и вой мырси, дөрöмöс көть пыдзрав вöли, а Микул сиктсаяслы юкмöсыд со дась.

Коймöд лунас виль юкмöс троньвидзис нин сельпо йöрын. Пелькиник, вевта и быдөн. Пос тшупöд весиг вöчöма. Юкмöс пыдöссö Ёгор изйөн вольсалис, быд розь дёмис. Ортсысяньыс прамöй юкмöс. Сöмын ваис чи-панлы кокышtmөн. Мый письтыштöма веркöссаыс — и шань.

Сйö асылö Макся Ёгор чеччис водз. Пемыд на вöли. Кватитiс ведра гоз да Эжвалань. Öтчыд лэччылис, мöдысь, коймöдысь... Сюв петмöныс мудзис, но катöдiс юкмöсад гоз комынтö.

Сэсся том чань моз пызйыштiс йöрысь — предöс чуксавны.

Гөгөртiс мöдыс юкмöстö, вевтсö кинас малыштiс, юрсö суйлис розяс.

— Джуджыд-ö нö лоис?— юалис нимкодъпырысь.

— Метра дасыд эм,— крапкис Макся Ёгор да кы-зöктыштiс.

А предыд тшöкмунiс, синсö быгльöдлö.

— Лыддям вай, ме пайысь,— веськодя шуö Ёгор да чöла разис турун ваялан гез.

Кыкнанныс копыртчисны юкмöс весьтö. Макся Ёгор лэдзö гез помсö ваö. А гезйыд абу потш. Тюрö-вöйö,

бытьё йирё пырö. А мый юкмöс пыдöсас гартчö-чү-көрмö, вылысяныд он казяв. Мöд гез помыс Ёгор кыын. Петкöдлö предлы: со пö, Педөрöвич, пыдöсöдзыс воис.

— М-да, джуджыд и артмöма. Усян кö, пиши пропало.

— Счас артыштам,— кыскö Ёгор гезсö юкмöсысь. Менамөн кökьямыс сыв. Дас кык метра.

Пред вом тырнас нюмъялö, тапкöдö Ёгорлы пельпомас.

— Сё пасибö, сё пасибö. Со кыдзи мездін. Ме öд ог жö пöръясь. Мунам сьöмыдла.

...Садьмис сельпоса пред керкаас йиркöдчöмысь. Кодкö лёкысь чужъяліс-кисьтіс кильчö öдзöссö.

— Коді нö камгö тадзисö?!— скöрысь юалис кöзяин.

— Тайö, Педөрöвич, ме, ме,— кыліс Пекар Öдьöлөн повзьöм гөлöсыс.— Ваыд, ваыд выль юкмöсад абу. Пöръялöма миянöс галипа гачыд.

«Ловъявылысь гортйö суйис»,— кöдзавліс предлөн ки-кокыс.

Сельпо йöрын, весът джуджда юкмöс дорын нин, сійö скöрйивсьыс песовтіс потшöс майöг да уськöдчис сиктлань.

— Кöні Ёгорыс? Ме сылысь... матьлысь, юрсö нешышта да сітанас сатшка, ки-коксö чегъяла...

Но Макся Ёгор бытьё му пырыс мунöма.

Вöлі пекнича

Петырлөн талун вомыс шердын кодь. Тöданныд-ö, мыйла?

Том зон тöрыт асьыс сьөлөмшöрсö, мича нылöс кольöдіс. Сэсся тай сывыштіс, топöдіс морöс бердас да шöпкöдö:

— Кор нö гижсям, Наста?

Онiя нывъястѣ ѣмѣй мыйѣнкѣ чуймѣдан. Вѣча нѣум-
дiс: кѣтъ пѣ аски.

Петыр сатшкысис нывлы пѣсь вѣм дѣрас, чѣскыда
окыштiс.

— Аски и кѣжала, аски...

Аскинас буретш пекнича вѣлi.

Чеччис водз, прамѣя нуръясътѣг и лыйис ывлаѣ. Ко-
кыс печласъѣ-нуѣ сiйѣ керкаланъыс, кѣнi быд вѣжон
мичмѣдѣм машинаяс сулалѣны.

Юрсѣ чатѣртiс, лыддъѣ. Уджалѣ пѣ ѣкмыс чассянь.
Шыѣдчѣм бѣсътѣны сѣтшѣмтѣ лунъясѣ. Гижѣдѣны...

Син пырыс лѣдзис шыпасъяссѣ, а сѣлѣмыс нѣшта
мѣдiс нетшкысъны — гым да гым кылѣ.

— Мый нин та дырасѣ лыддьян?— кылiс Петыр мыш
сайсъыс кыз гѣлѣс.

Бергѣдчис. Сы водзын сулалiс джекпом кодъ дядъѣ.
Ичѣтик тушаа, куш юра.

— Видзѣда тай: кор да кызди...

— А мый видзѣднысѣ. Талун пекнича — юксян лун.

— Кутшѣм юксян лун?

Шылыыд юра дядъѣлѣн весиг гѣгрѣс чужѣмыс топав-
лiс, быд чукур вѣжынътчылiс. Здук видзѣдiс чуймѣм
Петыр ывлѣ, тыдалѣ, мѣвпалiс, мый крапкыны вѣча. Но
ылѣсѣ эз мѣдѣд, том на зонмыс, кутш кодъ на.

— Олыштан вѣльнѣй светас, гашкѣ, и гѣгѣрвоан.
Юксян лун сiйѣ... сiйѣ, кор гѣзъя торйѣдчѣны. Муснысѣ
зыртѣ, сiдзкѣ. Верѣссѣ йирѣ гѣтырыс. Овлѣ и мѣдарѣ,
но гежѣда.

— А-а-а. Дѣвгис жѣ ѣнi,— гогнитiс юрнас Петыр.

Сѣрнитiгмоз и пырысны керкаѣ, пуксисны лабичѣ.
Олѣма дядъѣ, шусис тай Иванѣн-а, кабралiс дженъыд
чунъясѣ кинас рудов картуз, зумыша видзѣдiс ѣшинъѣ.
Петырлысь нѣумсѣ бытъѣ чышкыштiсны. Гѣгѣрвоис —
мыйкѣ дойдѣ мортыслысь сѣлѣмсѣ.

— Ме тай бумага талун вайи-а,— дзуртыштiс лабич-
нас Иван да суйис кисѣ морѣс зѣптас.

Перйис нель пельö кусыньтöм кабалатор. Сэссия ышловзис, пычнитіс сё пудъя кывъяс:

— Ог сэссия вермы тадзисö овны. Коть тэ эскы, коть эн, а ог вермы!

— Кодкөд он?— челядь руөн артмис Петырлөн.

— Кодкөд да кодкөд! Аслам гөтыркөд. Сы могысь и кежи татчö. Гөгөрвоин?

— Гөгөрвои, буракö. А ме гөтрасьны. Төдмавны пыри — мый да кызди...

— А сэссия?— шевкнитіс картуза кинас дядьö.

— Гижсям... Настакөд...

— Гижсьы, гижсьы, зонмöй. Зэв нин лудö, тыдалö, кытсюрö. Но татчö локтөдз сёысь артышт, медым баялбөжтö бöрыннас эз ков гыжъявны.

Пуксис орччөн, öшөдіс куш юрсö, ланьтіс.

Чөв оліс и Петыр. Юасьны эз вөв лөсьыд. Дөзмас, гашкö, мортыс. Но мөдыд ачыс сёрнисö водзö нуөдіс. Морөсас, тыдалö, важөн нин пуö.

— Воддза гөтырöй менам кувсьыліс, квайт во нин лоö,— ышловзис Иван.— Öтнамөн олі. Челядьыд? Найö менам гырысьöсь нин. Гөтыраөсь и верос сайынось... Бура, позьö шуны, олі. Кынөмöй пөт, сьöмыд зептад. Курыдторнад эг дурлы — гыркöй висьö.

Иван малыштіс шыльыд юрсö, кызөктіс гоз-мөдысь. Песлөдліс картузсö кыкнан кинас, эз төд, тыдалö, кодарсянь медся дойдаланаланьыс матыстчыны.

— Гажтöм сэссия öтнамөс босьтіс. Садьман вой шөр войын, да йирмөг лолö. Коть мурзы. Висьман кө, некодлы ваөн юктөдны... Коркө и дөвгис меным — босьт да и гөтрась. Абу тай дзик шыбитана, квайтымын муртса и эм. Ки-кока, чужөмөн гылыд на. А куш юр вöснаыд мый шогавнысö. Пессьы коть эн, а выль юрси оз нин чепөсйы. Воан кө сьөлөм вылас кутшөмкө аньлы, петас и татшөм саяд.

Висьтасьысь бергөдчис зонлань.

— Петырөн тай шусин, буди?

— Сідзи, сідзи,— воча довкнитіс пашкыр юрнас Петыр.

— Сюри меным օтка аныд, Петыр. Кօвдум кодь, банйыштօма быдօн. Лօз синмыс кольча быттьօ. Лօсьыд! Кувтօдзыд кօть кургы-ов! Но сьօлօмыс... Изйысь на чорыд вօлօма.

Шлапкис чорыд кабырнас ёсь пидзօсас, курччис вом дорсօ.

— Энօ лօсялօй, сідзкօ?

— Тօлысь-мօдтօ бура олім,— лօня шуис Иван.— Казявлօмаօсь тай роч йօз: абу пօ ставыс зарни, мый дзирдалօ. Сідзи и вօлօма.

— Пօръяліс али мый?— чуймис Петыр.

— Пօръяліс?! Экма! Йирны-джагօдны мօдіс. Варыш моз кокавны. Да мый лешаксօ тэ гօгօрвоан! Эн на гօт-расьлы да,— օвтыштіс кинас пузьօм Иван.

— Абу жօ кын юра,— чушкօдчис зон.

— Кывзы олօмаджык войтырсօ. Эн чепсась. Шуи тай: йирны-тільны босьтчис. Первойтօ ме ку пиысь пет-тօдз зіли. Мый шуас, котօрօн и вօча-кера. Киподтуй эм, зільлуннад енмыс абу жօ օтдортлօма. Сэсся аддза: кымын водзօ, сымын сьօкыдджык меным рօдтынытօ.

— Коліс օлօдыштны,— топօдліс пельпомсօ Петыр.

— Сюсь тай зэв. Видлы, кօртвомав вельмօм бабаястօ. օтчид веськыда крапкис: этша пօ сьօмтօ ваян. Му-кօд мужикьяс зырийօн зыртօны, а тэ? Мый вайлан, сійօс и ватшкан-сёян. Чօв ола, воча нинօм ог шу. Пиньօ օд воан. Быттьօ абу лօсьыд — регыд на олам... Мօдысь зэв нимкодь локтօ: дача улօ пօ му босьті. Ковмас вօрсօ пօрօдны, керка тшупны. Шуօма, сідзкօ, вօч. Ачыс шляпвидзօ, жель оз бергօд. Вомօс вօсьта — пинялас бон-бус. Тадзи и олім. Шулі нин: сьօлօм пыддиыс, ты-далօ, енмыс из сетлօма.

— Гашкօ, бурօн позис кыдзкօ,— зілис небзьօдны сёрнисօ Петыр.

— Быд ногыс ме гӱгралі. И мелі кывйӱн, и матыд петаліс. Вєшьшӱрӱ!

— Ёма тай, сідзкӱ.

— Вот-вот. Дзик ёма кодь. Позис ӱд менӱ гӱгӱрвоны, верӱс туйӱ кӱ пунктіс. Абу нин кызь арӱса. Кертӱ кӱ быгльӱдлыны кута, аскинас и мӱдар югыдас лоа.

Иван шевкнитіс-паськӱдіс кисӱ, швачкис важ кар-тузсӱ лабич помӱ.

— Кысь нӱ ме тӱда,— петіс нюмыс Петырлӱн.

— Тэ эн жеръяв. Ас вывтӱйд вермас на мунны. Пекнича луныс.

Петыр тшӱкмуніс тайӱ кывъяссыс. Мый татчӱ вочавидзны?

...Ывлаӱ найӱ петісны быттьӱ бур тӱдсаяс. Картуза морт кежис веськыдыв, Эжвалань. Восьлаліс збоа, быттьӱ сьӱкыд доддысь мездмӱм вӱв.

Зон — мӱдарӱ. Шлапсьӱдіс туй кузя — зумыштчӱма, лӱнь. Со тай олӱмыд: гижсян лункӱд орччӱн и юксян лун эм.

...Мӱд пекничаӱдз вӱлі быдса вежон на.

Тӱрыт да талун

Кузьчуткомов муртса контораӱ пырис, лолыштны эз удит, а кодкӱ пошкис-локтис нин сы бӱрся. Микул Иван вӱлӱма, тракторист. Отделениеӱн веськӱдлысь лӱптис юрсӱ паськыд пызан дорысь, букӱстис кыз гӱлӱснас:

— Кутшӱм мог нӱ суис, Иван?

Вочавидзӱм пыдди мӱдыс дзумгыліс кисӱ гач зеп-тас, перйис кабалатор.

— Мӱвп эськӱ эм да... Гоз-мӱд лун юрӱс жугла.

Тапиктис пызанлань, тувкис кыз чуньнас бумагасӱ:

— Неважӱн газет куті лыддыны. Водзынтӱ ёнасӱ киӱ эг босьтлы. Асьныд тӱданныд — пыр некор. То гӱра-кӱдза, то сьӱм сетасны. Пес-турун ваян — доз мыч-

чоны. Ю пö, сёшайт. И лöсыштан...— Иван видзöдліс управляющöйлы синмас.

Кузьчуткомовлön сьöлöмыс небзис, нюмыс ылькни-тіс. Курыд зелля радейтысьястö öдйö тай косöдісны. Сиктса скод вылын босьтчисны став мирön. Со Микул Иванлön чужöмыс быдön шылялöма, öти чуқыр он ад-дзы. Кöть öні выльысь гöтрав.

— Газет, мися, лыдди. Ёна, вöлөм, идöртöмлун йы-лысь гижöны. Миян öд, Васильевич, абу жö ставыс лючки...

Кузьчуткомов чошкöдіс пельсö. Мый нö тайö Микул Ивановскöд? Кольöм вежонас, собрание дырйи, медводз жö чепöсйис сёрнитны. Сэтшöма лöсалис совхозса глав-ной инженерöс — мыктавмöныс мортыслы лои. Сійöс, эськö, важөн и колö вöлі да. Отделениеö туйсö вунö-діс, ерöмаканьыд. Шляпвидзö шоныд контораын, быт-тьö тувъялöмаöсь пуклöс бердас.

Кузьчуткомов муртса эз тшöкмун. Кымын во трак-тористалö Иван, и збыльысь вомсö прамöя эз восьтыв. Сöмын кор тыртчасны — варовöсь. Тувсов гутьяс моз дзизгöны. Гаражас кöть эн пыр, йиркöдзыс лöз тшын везьялö.

Тадзисö тöрыт вöлі. Талун олöмыс вежсис...

— Куйла вöлі, телевизор видзöда. Сэки и дөвгис юрö. Мыйла, мися, быдлаö миянлы вына трактор колö, позьö öд и вöв доддявлыны кутшöмсюрö удж вылö.

Микул Иван чургöдіс асьыс куснялөм кабаласö, быттьö вöзйис Кузьчуткомовлы:

— Пукси да артышті! Чуйми, Васильевич: мыйта со-лярка позьö видзтыны, кымын трактор эськö дзонь колис. Серам петлö — öти мешöктö «ДТ»-өн мукöд-дырйи няркöдам-кыскам. Пöшти сё вöв вына. А чибу-кыд сиктын вит сöмын кольöма.

— Тэ, Иван, эн вай ышлолав. Ми думыштлам. А öні некор. Шулі нин — тэрмасы.

— Гөгөрвоа. Уджыд удж и эм,— тракторист шамыртис гижодсө, суйис зептас. Өдзөс дорын чөвтис:

— Эн дивит, Васильевич. Дум кө лоо, вола на.

Управляющой петис пызан сайысь, модис жөдзны өтарө-мөдарө. Сө лешак! Вөжөра морт Микул Иваныс вөлөма. Гылыда сөрнитө и. Но... Абу кокни сылысь мөвпсө делөо бергөдны. Өти-кө, выль конюшня ковмас. Өниязис ропмунөма. Мөд-кө, сийөс-көлуй корсь. Нөшта додөтө кысь босьтан. Вөчысьыс некод нин абу. Чуньыд оз тырмы лыддьөдлыныс — сы мында «колөыс» чукөрмө. Мыйла сылы, управляющойлы, юрсө жуглыны. Пенсияөдз кык во коли. Дзуртас нин кызкө.

Морөс вывсьыс быттьө из усис. Сөмын эз дыр кежлө...

Некымын лун мысти довгө управляющой конторалань, а кильчө помас — Микул Иван. Вомыс кальк нюмысла, бандзибьясыс өгыр моз ломалөны. Югьялысь син сертиыс и казялис Кузьчуткомов — бара мыйкө юрас воөма.

— Чолөм, Васильевич! — мыччис сарөга кисө Иван.

— Чолөм, чолөм. Гортсьыд тэнө вөтлисны талун, буди,— гын сапөгсө пыркөдиг броткыштіс Кузьчуткомов.

— Нинөмысь тодышкавнысө да. А кежи татчө дела кузя. Дум өти эм, ог төд мый шуанныд?

Кузьчуткомов быттьө дойысь чукиртчылис, но кутис асьсө да тшөктис:

— Эн вай намгы. Висьтав, мый юрад.

— Быд во ме, Васильевич, турун-силосөн нокся, скөт карта дорө ваяла. Бузгам көрымсө лым толаө либө няйтас — картасяныс, гашкө, сө воськов сайө. А мөс лысьтысьяс пөсь кисьтөны, кыскалөны ас выланыс.

— Тракторнад өд картаас он пыр!

— Кысь нө пыран! Но уджсө позьө кокньөдны. Вай карта помас лэбув либө сарай лэптам. Медым трактор доддьөн төран. Сысянь турунтө веськыда транспортөрас позьө тэчны.

Гыжйыштіс голясө управляющой, ружөктис гоз-мө-

дысь. Мый вочавидзан? Сюсь синма Иваныс лоома. Коть томан сайын ов.

— Та йылысь ме кымыныськө сёрнитлі нин. Вомой мудзис,— дөзмөмөн шуис управляющой да эз и гөрдөдышт, пөръяліс коть.— Лоо мыйкө вөчны. Дояркаяс увгөны и.

— Босьтчаннуд кө, чукөстлөй жө менө!

— Юортам, дерт...

Нормис сьолөмыс Кузьчуткомовлөн, кор артыштис, уна-ө да мый ковмас, медым кокньодны дояркаясөс. Кытысь тыөс-плакасө босьтан? Бара дзайгы. А көрым разөдан транспортёрыскөд кызди сарайсө йитан? Тьпу! Шунытө кокни. Овлас на мед важ ногыс. Юртө таысь некод оз керышт...

Управляющой зуньгыртчис пызан сайын. Тайө здукас гурйив воссис контора өдзөс.

— Позьө, Васильевич?

Порог дорын сулаліс Микул Иван. Управляющой ымөстис сөмын, кыв ни джын шуны эз вермы. Со желльыд бара локтө. Вир гудыртысь! Оз висьлы ни, оз... Бара, тыдалө, юрас мыйкө чужөма.

Чолөмасьөм пыдди Кузьчуткомов усьөм лолөн өвтыштис кинас: висьтав пө. Аслас мөд дум — кызди мездысьны тайө лежнөгсьыс.

— Соснымөс, дерт, ковмас пуджлыны. Но бур делө лоө,— лабутнөя кыв көрталіс тракторист.— Кызди-мый?

— Да... колана... ён. Отсалам.

Управляющойлөн кыз гөлөсыс рутшмуні-небзис. Синваыс кутис доршасьны — сэтшөма забеднөыс босьтис. Кымын во юралө тані, быттьөкө би пырыс и ва пырыс мунліс. Но эз куж мөвпыштлыны, мый этайө паськыд плешка Микул Иваныс голя вылас сувтас. Кор юө вөлі — майбыр, шы ни төв.

— Тэ эн шогсьы, Васильевич! — шлапкис управляющойлы пельпомас.— Ме өд абу өтнам. Шопер Вась мыйкө думыштөма жө. Пырала пө Кузьчуткомов дорө.

Пиля Олю, ва шонтысьыд, оэйома и. Сэсса ачым на кежавла.

Кузьчуткомов зутшкысис лабич помё. Ки-кокыс лигышмунис, одва пукалё. Кызди и водзё овны?

Кодкё торкнитис одзёсё. Кузьчуткомов бергёдчис да муртса эз пёр: сылань нюмъяліг шавксьодис Шопер Вась.

Мый тайё йёзыскёд лоёма! Кытчё воштысьны!

Аски

Николай Васильевич Пипуныров, овмёсөн веськёдлысь, чеччис талун водз. Кымынёд лун нин кёсийё мөвпыштлыны совхозлөн аския лун йылысь, отитор да мөдтор кабалаё пасйыштны, но пыр мыйкё падмөдө. То районысь люзгыны-локтоны совхозё комиссия бёрся комиссия, то выль керкаяс лэптанінё лоё кежавны, то Агропром век на важ моз быдсяма бумаганас пөдтө...

Но талун быть нин босьтчас удж бердө. Чёрту ставнысё. Тайё здукё триньөбтис телефон.

— Пось чолөм!— шыасис му бурмөдысьяслөн веськөдлысь Игушев.— Ме Гарья му кузяйд. Колё актсё кырымавны. Коймөдысь нин шыльөдім-мольөдім.

— Волөй дай, телепит кө...

— Здук мысти петам,— нимкодя чөвтис Игушев.

— Сё лешак! Бара лунсё дзугасны. А мый вөчан! Бур мутөгыд водзё ни бөрө.

Бара зилькнитис телефон.

— Неминуча суис мянөс, Николай Васильевич,— шыасис Гула Яг отделениеөн веськөдлысь Мишарин.

— Мый нё лои?

— Карталөн йиркыс уси. Дас куканьёс лямөдіс.

— Тіян пыр кыткё резьдөма,— дөзмөм гөлөсөн вочавидзис директор.— Пажын бөрын кежала. Мыжа кө, лөсьөд ассьыд юртө.

А плешас пöсь чепöсьис. Дас душыд абу серам.
Пипуныровлысь мөвпъяссö торкис главнöй агроном
Дзизганова. Öдзöс дорсяньыс на мөдiс элясьны:

— Картупель пуктыны петiсны, а вит агрегатысь куи-
мыс люги-леги. Управляющöйыс ыстысьö инженеръяс
вылö. А найö — запчасть пö абу. Юрыд бергöдчас мы-
жасö корсигад.

— Сёрнитла инженеръяскöд. Топöдла найöс...

Корлiс главнöй инженерöс, часөн-джынйөн сэтчö
воши, сэсся планерка нуöдiс — бара час лэбзис, проф-
комса юралыськöд собрание кузя баитiсны, сэсся ме-
лиораторъяс воисны, сэсся...

Вöли сёр рыт, кор Пипуныров петiс контораысь.

— Бара на луныс дзугсис,— ышловзис Николай Ва-
сильевич.— Кор нин план бердас босътча-а? Аски?

Асывсяньыс триньöбтiс телефон.

— Кывза,— усьöm гөлöсөн шуис Николай Васильевич
да вештiс бокö ассьыс плансö.

ГЕННАДИЙ БЕЛЯЕВ

АС МОРТ

Ас мастер

Ворсысьяс:

ПЕДÖР ИВАН
СЕМÖ ГРИША
ТОМ НЫВ — КБО-са мастер

Педöр Иванлөн керка жыр. Иван пукалö джодж шöрас пöрöдöм
табурет вылын да пуртөн вöлалö чер пу. Любуйтчыштас аслас
уджөн да бара вöчасьö. Пырö Сем ö Гриша.

ГРИША. Добра здоровье, Педөрөвич!

ИВАН. Хо-о, Григорей, нэмнас воывлытөм морт!
Прөйдит, шойччы.

ГРИША (п у к с ь ö). Зиль мортыдлы оз, небось, уджав-
төгыд пукавсьы.

ИВАН. Удж тай! Тулыснас, пес кералігөн, рубеча
кыдз вайлі да сыысь чер пу со вөлалышти.

ГРИША. Мастерөвөй йөзыд сідзи.

ИВАН (я н д ы с ь ы ш т ö). Мый сэссия өд, вөчасьышта
көть...

ГРИША. Косилканад быд во ытшкан и. Эз өд прөста
старука пыр жө тэнө инды.

ИВАН (д у г д ö в ö л а с ь ö м ы с ь). Мый менө индө?

ГРИША. Мог суис, Педөрөвич. Ме вөлі балябөжөс
гыжъяла, код дінө и шыасьлыны, мися. А старукаыд
меным пыр и шуис, Педөр Иван дінө пө ветлы, көзяин.

ИВАН. Этайө... чер пу, гашкө, колө? Вөчышта, ко-
лөкө!

ГРИША. Сэтшөмтортө өд — ачым на гач новла.

ИВАН. Пу зыр вөча, колөк?

ГРИША. Ичөт могөн кө өд мый! (Кост.) Бритва
нөмдіс, Педөрөвич, электрической. Со. (Пер й ö з е п -
с ь ы с.)

ИВАН (б о с ь т ö б р и т в а с ö). Бритва?! Ме өд...
(индө чер пу вылас.) КБО-ө ну.

ГРИША. Сэні, гашкө, өчередьяс. Виччысьнытө дыр.

ИВАН. Кольлы либө. Абу тай ыджыдтор — местаыс
уна оз ков. Сөйны оз жө кор. Видзөдла коркө.

ГРИША. Коркө-ө? КБО-ас сійө и эг ну, дыр, мися.
Регыдджык эськө мем, Педөрөвич.

ИВАН. Кор өд вот кыдзи удайтчас. (Кост. Ви-
дзөдлывлө Гриша вылө, гөгөрвоас-ө сі-
йө.) Марьялы нөш вөчи да со нель во нин оз пот ни
чег. Румка дінө чукөстліс да, колөк, сійөн удайтчис эсь-
кө да...

ГРИША. Ме өд ог жө мынтысьтөг ов.

ИВАН (га жа а). Нинөм ог шу сы кузя... А восьса на өні лавкаыс, петалан кө. Коркө өд, кызди шуан, мынтысян жө-а, мед мөдысь кезлө не кольны.

ГРИША. Сей минут, Педөрөвич. (Пет ө.)

Иван ваялө инструментъяс: разводной ключ, ыджыд мөлөт, пурт — да бөр пуксьө. Бритва вилкасө суйө розеткай да бергөдлө, трайкө бритвасө.

ИВАН. Көні эськө талон юр вемыс? Лысьөмсө мед не нырөдны жө. (Көсйө нетшыштны бритва-ыслысь «пуртсө».) Тайө, пөди, винта. (Лөсьөдө бритва «пурт» дінас разводной ключсө.) Кодарө и бергөдчө? Шуйгавыв? Оз. Мөдарө? Оз жө. Ак тэ, вөв калич. (Эновтө бритвасө да видзөдө өшиняс.) Локтө өд! Вайө өд! (Чиктывлө-мөн вайө пызан вылас кык стөкан да бөр пуксьө ноксьыны.)

Пырө Семө Гриша, кияс вина сулея.

ГРИША. Менам дон дасьтөма. Давай, Педөрөвич.

ИВАН. Дарьясьыштам инось, колөк. (Чеччө да чышкалө кияссө.)

ГРИША. Э-э, кыз шуласны, төвар лицом. Давай вөч, мися, да вөлись! (Сулеясө сувтөдө пызан вылас.)

ИВАН (бөр пуксьө ноксьыны бритваөн). Вөчны кө и вөчны. Абу первойысь, вөчыштам... (Гришалы, бритва вылас петкөдлөмөн.) Мыйкө... Этайө мыйкөас тай мыйкөыс эм, сийө мыйкөкерөма.

ГРИША. А! Ага.

Виччысьтөг бритва здук дзужкнитлө. Повзьөмысла Иван уськөдө сийөс да жугөдө.

ГРИША. Ок тэ, жугөдін тай!

ИВАН. Быттьö, зонмö, кольк кыш потіс. Эг и төдлы, кыдзи кыись войтыштіс.

ГРИША. Нолтö, «кольк кыш!» (Дöзмөмөн босьтö бритвасö.)

ИВАН. Кирö Васьлөн трактор дорысь чорыдджыка өд нин заводтіс уджавны. Артмыны нин өд кутліс, да бөр ланьтіс мыйлакö.

ГРИША. Дзикөдз жугөдін да, дерт.

ИВАН. А мый ме вöча. КБО-ад со весиг оз кужны вöчны, велөдчөм йөз да. Шуа тай, кольлы. Лысьөмсö разя да коркö и пöчинита.

ГРИША. Петкөдлытөгыс, дерт, оз кужны. Вай, нула да мед...

Кылö, локтіс да матын сувтіс автомашина.

НЫВ ГÖЛÖС. Кодлөн торкисис утюгид, телевизорид, пелсяян машинаыд — КБО ставсö вöчас өдйö да донтөг.

ГРИША. Со, КБО-ö корöны. Районысь, тыдалö, воöмаöсь... А бритвасö оз жö гарав.

ИВАН. Бритва? Виччысь, «вöчасны»!

НЫВ ГÖЛÖС. (Воддзасьыс гораджыка.) Кодлөн торкисис телевизор, пелсяян машина, мукөд электроприбор — дзоньталасны КБО-са мастерьяс.

ГРИША. Бритваыс өд электроприбор? Петкөдла.

ИВАН (кутö Гришаöс да мырддьö бритвасö). Он мöй кыв — томиник нывка. Мый сійö бритваясын гөгөрвоö?! (Аслыс.) Йөз сёрнисö вöчас жö, вöv каличид.

ГРИША (аслыс). «Электроприборьяс да утюгьяс...» (Иванлы.) А бритваыс? Эз тай нö кут чуксасьны? Мунас. (Матыстчö öшиньлань, гурйыв йөткыштö сійöс да мыччö юрсö ывлаö.)

ИВАН. Кытчö тэ? (Кöсйö кыскыны Гришаöс öшинь дорсьыс.)

ГРИША (оз сетчы). А бритваяс?! Бритваяс!!!
НЫВ ГӨЛӨС. Ладмөдам и бритваяс. Петкөдлөй!
ГРИША (Иванлы). Вай өдйө бритвасө! (Педөр
Иван оз сет. Ё шинь ө.) Да вот... петкөднысө ог
вермы, ныланөй...

НЫВ ГӨЛӨС. Кутшөм нин сэтшөм бритва, мый пет-
көдны он вермөй? Лоө пыравны да видзөдлыны.

Пырө том ныв.

НЫВ. Бур лун.

ГРИША. Добра здоровье, ныланөй.

НЫВ. Но, кутшөм нө тиян петкөдны позьтөмтор?

ГРИША. Абу эськө петкөдны позьтөм да... Со.
(Мыччө.)

НЫВ. Уськөдінныд али мый? (Видлалө брит-
васө.)

ГРИША. Да мыйкө, этайө... (Видзөдө Иван
вылө.)

ИВАН. Курөг кольк кыш кодь да.

НЫВ. Мужикъяс пыр нин өткодьюсь. Броня ли мый
татчө пуктыны?! Корпуссө сөмын вежны колө.

ИВАН (тэрыба). Корпуснас эз жө уджав.

НЫВ. Ёти винт сөмын усьөма. Со, аддзанныд? Лича-
лөма, и контактыс абу.

ИВАН (Гришалы). Ме жө тэд шуи, мися, мыйкө-
сьыс мыйкөыс мыйкөкерөма!

ГРИША (нерө). Мыйкөкерөма, мыйкөкерөма! Чи-
рук нырад тэд, мастер. (Нывлы.) А сэсся, сюрас-ө
сйө, контакт али мый шуан, ныланөй?

НЫВ. Шуа тай, өти винт уськөдөмныд. Сйөс пуктан
да корпуссө вежан кө — важсьыс бур лоө.

ГРИША. Сідз эськө да. А «бур-ө» доныс?

НЫВ. И дон төдса. Корпусыс, буракө, 75 көпейка, а
этайджда винтыд нө мый! (Петкөдлө пев да
водз чунь костас.) Көпейка.

ГРИША. Көпейка?! (Лёкысь видзёдö Педөр Иван вылö. Иванлы быттьö мышкас кучкисны—копыртчис идравны инструментсö.) А ме рöскодуйтча!!! (Кватитö пызан вылысь вина сулеясö.)

НЫВ (ки пыдöс вылас мыччö бритвасö).
Но мый, вöчам?

ГРИША. Көпейка вöсна ог сувтö! Колö пöчинитыштын.

НЫВ. Петам либö мян машинаö. Ме öд куш киöн пыри. (Петö. Сы бöрысь жö лöсьöдчö петны Семö Гриша.)

ИВАН (эновтö уджсö). Гриша, петан нин мöй?

ГРИША. Мый нö сэсся?

ИВАН. Артмис ли эз ли, лун джынсö со нокси. (Босьтö пызан вывсьыс тыртöм стöкансö да мыччö Гришалань.) Мынтысьыштан жö öд. Кадсö воштöмысь кöть.

ГРИША. Педөр Иван! Гындей! Пес поткөдлан нöштö мун да лöсйы. Пипуысь. Либö ловпуысь. Сийö ёнджык. (Скöрысь.) Ы-ы-эх. Көпейка! (Петö.)

ДЕНЬГА ПÖРЙÖГ

Ворсысьяс:

МИКАЙЛÖ — сиктса мужичöй, олöма нин.

КАТЬÖ — сылөн гöтыр.

ÖНИСЬ ПЕТЫР — сиктса мужичöй, Михайлö арлыда жö, чотыштö.

ÖЛЬÖКСЕЕВНА — сельпоса вузасысь, том ныв.

Микайлöяслөн керка жыр. Шуйгавылын — уличö видзöдысь öшиньяс, веськыдвылын — ывласянь öдзöс. Стенын — электророзетка. Пызан вылын нянь тупöсь да ещё тубрастор. Öдзöсбокса тувйын öшалö паськöм. Гозья гортасось. Катьö, öчкиа, öшинь дорас кысьö.

Микайлö джоджтыс шöйтö.

МИКАЙЛÖ (а слыс). Зэв ёна ньöбалöны, а ме вот

эг кор, йойыд. Гашкө, ньобны жө коліс... Телевизорыд эськө менам абу. Но сэтшөма ньобалөны... (Видзөд-лывлө гөтыр вылас.) Мый эсійө чөв оло? Кор дыш кывзынытө, тявгө-а. Али шыасьомөс виччысьө? Кута ещө бабаяскөд советуйтчыны, ачым көзяиныс! Юалас кө, гашкө на-а...

КАТЬӨ (өчки вывтіыс кыйкнитлывлө шөйтись верөс вылас). Пытш ли мый чужис? Инад он өшйы, лавкаад ветлін да. Эн-ө тьякышт бара, да содтөд колө?

МИКАЙЛӨ (нерө). Тьякышти! Тэ тай вомтө тьякөдан, пуксьөмыд сэтчө да. Тэ кө ветлін, нинөм абуяс вылө став деньгасө эськө бара видзин, бабаяскөд гетшкигмоз, (Шевкнитө кинас пызанлань.) А ме со: нянь-сов да табак — и ставыс. (Кост.) Стабилизаторьяс эськө вайөмаөсь да... Зэв ёна ньобалөны.

КАТЬӨ. Кутшөм ещө ...табель затор? Мый лешаксө, грекө вөйтін, сійөн вөчан?

МИКАЙЛӨ. Паладьыдлысь эн аддзыв ли мый джоджсьыс! Телевизор дінө. Торксьөмсьыс пө видзө.

КАТЬӨ. Тэнад вежөр торксьөмысь кө нинөм оз вузавны, мый сэсся миян торксяс? И ог босьтөй телевизорсө. Челядь абу-а. Аслыным видзөдлынытө со Паладь ордө позьө петавны.

МИКАЙЛӨ. Ёнись Петырлөн тай телевизорыс абу жө, да босьтөма. А ме кольчча сыысь?

КАТЬӨ (чөвтлө өчкисө). Петырыс босьтөма? Со, со. (Бара заводитө кысьыны.) Ёна ньобалөны, шуан. Гашкө, ковмас жө да. Петыр? Ставыс ньобасны, а миянлы оз ло... Ветлы!

МИКАЙЛӨ (босьтө тувйысь картузсө). Вай деньгасө.

КАТЬӨ. Сеттөг ог ов. (Эновтө кысянсө. Көс-йө пырны питшөгас да видзөдлө верөс вылас.) Кытчө дзорган, бергөдчы!

МИКАЙЛӨ (бергөдчө). Коркө быттьө босьтлі.

КАТЬО. А бытьо и эн. (Перйо денъга да верос вылас кыйкнитлывлөмон заводито артавны.) Уна-о сулало?

МИКАЙЛО. Комын окмыс чөлкөвөй вай.

КАТЬО. Тэ кө шуан комын окмыс, куим-о-нель шайт чинтам дай сточ лоо. (Бара лыддьо.) Десеть, петнадцеть... А этайо кызы вата. (Горонджык.) Петнадцытыс да кызы ватаыс лоо... (Лэпто синъяссо ошинь выло.)

МИКАЙЛО (тэрыба). Сточ мыйта колө.

КАТЬО. Сета ме тэныд «сточ»! (Аддзө кодөскө ывла вылысь, бөр дзебө денъгасө питшөгас да матыстчө ошинь дінас.) То Ольоксеевнаыс, вузасысьыс, буракө, пажнайтны мунө гортас. (Микайлөлы.) Пет чукөст. (Микайлө тэрыба петө. Катъө таркөддө ошинь тасас да кинас корө.) Ныланөй, кежав! Пырав, пырав!

Пыроны Ольоксеевна да Микайлө. Микайлө пыриг-мозыс ошөдө картузсө тувйө.

ОЛЬОКСЕЕВНА. Бур лун тиянлы! Мый нин, мися, чуксасьо Катъө тыөтыс?

КАТЬО. Прөйдит, бур ныв, шойччы. (Мода вылас чышкышто улөс да мыччө.) Самөвар пукта?

ОЛЬОКСЕЕВНА. Аттьө, гортөдз ветла.

МИКАЙЛО. Эн сулав порог дінас, абу корысь. (Нуөдышто да пуксьөдө нылөс. Ачыс тшөтш пуксьө.) Ныланөй красавицаөй, меным... стабилизаторыд колө жө.

КАТЬО. Да. Зэв пө тай ёна талун сійөн вузасыөмыд.

ОЛЬОКСЕЕВНА. Стабилизатор колө! (Видзөдлывлө гозъя выло.) Сійө и чуксалінныд?

МИКАЙЛО. А мый нө, ставныс кө босьталөны, ме йөзсыс мыйкөджык ли мый?

ОЛЬОКСЕЕВНА. Да өд абу нин. Бырис.

КАТЬО (тракнитчө). Сідзи и төді. Бурджык төварыд ми воклы пыр абу. Кум-сватыдлы сөмын. (Аслыс.) Ещө өд шуа, мися, самөвар пукта. Вөзйөмыс весиг жаль, непөштө вөчөмыс.

ОЛЬОКСЕЕВНА. Кутшөм нө кум-сват, Катьө тьöt? Кымынөс корлісны, сы мында и вайлі райсоюзысь. Тетрадьө менам вөлі гижалөма. Петкөдла, колөкө.

КАТЬО (тшапа). Төдам!

МИКАЙЛО (мудера). А Онись Петырыс корис жө? Телевизортөгыс? (Сералө.)

ОЛЬОКСЕЕВНА (дөзмөмөн чеччө). Корліс тай, ме өд ог төд, телевизорөн али телевизортөг! Тіян тай со абу жө да, ковмөма.

МИКАЙЛО. Ветла эсйө... чукля Петыр ордас! Любуйтчө, пөди, ньобаснас! (Чеччө да босьтө тувйысь картузсө.)

КАТЬО (видзөдө өшиньө). Чөвлө, чөвлө. Кивыльтө со лавкалань. Киняулас тубраса. Чукөстлы, нолтө, нарoшнө. (Микайлө петө.) Да тэ пуксьы, Ольоксеевна, пуксьы. (Бара видзөдө өшиньө.) Видзөдтө, йөзсьыс бурджыкөн көсйө лоны, этайө... табель за торьяс ньобалө. Чирук! Оз артмы.

Пыроны Петыр да Микайлө.

МИКАЙЛО (кыпыда). Магазинө петалі да шуа вөлі, мися, тшынасянламос ветла друг мортөс видлыны. А видзөда, Петрөван ачыс паныд тотшсьөдө-локтө. Прөйдит. (Картузсө өшөдө тувйө.)

ПЕТЫР. Здоровье тэныд, Катьө. (Тубрассө пуктө порог дорө.)

КАТЬО. Пуксьы шойччы, важ друг. Самөвар пукта.

ПЕТЫР. Мун, самөвар! Ольоксеевна тай тані жө. (Пуксьө.)

ОЛЬОКСЕЕВНА. Тані. Обед менам да.

ПЕТЫР (водз пельёслань матыстчысь Михайлөлы). Магазино, шуан, петалин? Доз өд, пөди, эн жө босьт?

МИКАЙЛӨ. Кыськө! Öнi өд... төдан, он на зэв. Кыдзи том йөз шуасны, матрианархия.

ПЕТЫР. Нинөм оз ков. Шмонита.

МИКАЙЛӨ. Кутшөм шмонитөм! Детин-бетиныд эськө миянлы, кык друглы, буретш öнi вөли да...

КАТЬӨ. Но-о! (Сэссия Михайлөлы синьяс-нас петкөдлө Петыр вылө.)

МИКАЙЛӨ. Да, Ольөксеевна со висьталө, добра пө ньөбөмыд талун, другө? Стабилизатортө шуа.

ПЕТЫР. А, ньөби тай, да со бөр нуа. (Индө тубрас вылас.)

МИКАЙЛӨ. Гашкө, кодлыкө донысьджык нин вузавны!

ПЕТЫР. Шпекулянт ли мый? Пи со корлис, лесопунктас пө абу.

ОЛЬОКСЕЕВНА. Виталейыд? Телевизор нин босьтөма и?

ПЕТЫР. Сийө. А талун жө и письмө локтис, босьтинин пө. Вайөмаось.

КАТЬӨ. Со, со. Муртса и тэрмасьыштөмыд, Петрөван.

МИКАЙЛӨ. Öнi сэссия кытчө? (Юрнас довкнитө Петырлөн тубраслань.)

ПЕТЫР. Он өд сийөс солав. Ольөксеевна кө босьтас (видзөдлө ныв вылө), бөр сельпоас нуа.

МИКАЙЛӨ (вузасьысьөс паныны зильөмон). Жугөдин, пөди, да босьтас öнi кутшөмкө йөй, корсь сэтшөмсө.

ПЕТЫР. Жугөди, челядьөс аддзөмыд!

ОЛЬОКСЕЕВНА. Вузалөмтортө, да ещө заказ серти вайөмтор, бөр босьтны, дерт, абу зэв кивыв.

МИКАЙЛӨ (Петырлы чужөмас). Хе-хе!

КАТЬО. Коралом нылысь, шуласны, оз откажитчывны.
ОЛЬОКСЕЕВНА (Петырлы). Стабилизаторто босьтысьыд, Петыр дядь, аддзыяс. Телевизорьясто од ньобаласны на. Колөкө, асьныд жө регыд лосьоданныд.

Тайо кывъясыс повзьөдöны Михайло гозьяос. Найо бур здук сёрнитöны гусьон, кияснас шенасьомон. Гөгөрвоана, мый косьоны ньöбны стабилизаторсö.

КАТЬО (вузасьысьлы). Тэ, ныланой, видзөдлы, абу-ө Петырыслон жугалөма.

ПЕТЫР (чеччө да перйө тубрассьыс стабилизаторсö, лэптө пызан вылө). Со, кушом вöлі, век сэтшөм.

ОЛЬОКСЕЕВНА (видзөдалө стабилизаторсö, вилкасö суйлө розеткаö). Лючки ставыс.

МИКАЙЛО (видлалө жө, весиг косаө моз, шысö кывзөмөн, стабилизаторө печлалө). Гөлөса тай эськө. (Ольоксеевнаны.) А этйö... ме кө ньоба?

ПЕТЫР. Ньобас сйö! Абу телевизорыс, бытьö кодкө оз төд.

КАТЬО. Тэ, Петыр, эн вывті тшапа. Аслад абу.

МИКАЙЛО. А вот босьта. Тэ тыртөм мешөкнад мунан. (Индө Петырлы порог дорө кольөм рузум вылас). А ме стабилизатора лоа. Комын чөлкөвöй али мый, шуан?

ПЕТЫР. Комын?! Комын вит целковых ноль-ноль. И приказчик, и свидетель тані. (Юрнас докнитө Ольоксеевнаны.)

МИКАЙЛО. Öні эськө донтөмджык нин. Кыись од. Но ме абу скуп, сета. (Катьöлы.) Сет. (Катьö бергөдчө, перйө питшөгсьыс да арталө.)

ОЛЬОКСЕЕВНА. Ме сэсса тиянлы абу судья. Регыд бөр колө магазин восьтыны, а то гортөдз на эг во. (Чеччө да петö.)

ПЕТЫР (босьтö Катьö кийсь деньгасö да суйö зептас. Индö стабилизатор вылö). Добра оз пропадыты. Но, старука корсьны петас. (Мöддöдчö öдзöслань.)

КАТЬÖ. Пасибö, Петрöван, бур вöчöмсьыд. Миянлы эськö, омöлик йöзыдлы, эз и сюр.

МИКАЙЛÖ. Талун тай эг нин босьт детин-бетинсö... (Петкöдлö, кыдзи пыдöсас кучкөмөн суля восьтöны). Но аддзысьлам на. Абу денегатöмсь и.

ПЕТЫР. Миянлань! (Аслыс.) Мыні. (Петö.)

Гозья чöv усьлöны. Видзöдöны пызан вылын сулалысь стабилизатор вылö.

КАТЬÖ. Мый сэсся, кытчö тайöс пуктыны? Пызан вылад пыр он видз, абу нянь тупсь. (Босьтö стабилизаторсö да оз тöд кытчö воштыны.)

МИКАЙЛÖ. Пукты кытчö кужан! Тэ тай тшöктін Петырсö чуксавны.

КАТЬÖ. Со, со! Ачыс лавкаö туксьöдліс да инас оз öшйы вöлі. Ачыс шуö: зэв ёна ньöбалöны.

МИКАЙЛÖ. А оз ли мый? Эсйö Чукля Петырыс тшöтш!

КАТЬÖ (аслыс). Мый сэсся тайö, кытчö? (Век на киас кутö.)

МИКАЙЛÖ. Любуйтчы öні! Либö пукты ен ув пельöсад да кевмы. (Пуксьö öшинь дорö гöтырланьыс мышкөн да ывлаö видзöдö.)

КАТЬÖ. Мый тайөн любуйтчан? Ваяласны быдсяма деньга пöрйöгсö. Кыськö тай эм. Абу нин öд вöлöма, да Öнись Петырлысь босьт да ньöб жö. Петкöда посводзö, чöрту! (Петкöдö да бөр пырö.)

МИКАЙЛÖ (бергöдчö пырысь гöтырлань). Комын вит чөлкөвöй бара шыбитін понлы бöж улас.

КАТЬО. Мед эн босьт дай, тэ тай кӧзяиныс.

МИКАЙЛО. Кӧзяин кӧ, вай деньгасӧ.

КАТЬО. Ок, кутшӧм! Деньгатӧгыс кӧзяит.

МИКАЙЛО (скӧрысь чеччӧ). Вай, шуоны кӧ!
(Лӧнджыка.) Мыйта эм?

КАТЬО. Деньгаторыйд ӧд, дерт, эм на мыйетшкӧ. Ставсӧ ме эг артавлы... Бергӧдчы! (Кисӧ суйӧ питшӧгас. Михайло кӧсйӧ кыйкнитлыны, но Катӧ казялӧ.) Ме эськӧ! (Шеныштчӧ Михайло вылӧ, сэсса перйӧ тубрассӧ, кӧсйӧ мыччыны верӧсыслы, но кисӧ бӧр топӧдӧ морӧс дӧнас). Некор на эг сетлы да... Мый тэд деньгасьыс?!

МИКАЙЛО. Мый, мый! Лыддылам, телевизор вылас тырмас-ӧ. (Босьтӧ Катӧ кисьыс деньгасӧ да ӧшиньялань чужӧмӧн пуксьӧ пызан сайӧ артасьны. Катӧ пуксьӧ воча.) Ого, сто пятьдесят, двести. Так. (Видзӧдлӧ ӧшинья.) Ӧльӧксеевнаыс, буракӧ, бӧр нин мунӧ.

КАТЬО. Пажнайтӧма нин? (Бергӧдчылӧ ӧшиньялань, сэк кості Михайло суйӧ зептас дас шайт). Кӧні, кодӧ? Висьталӧс пу йылысь тури.

МИКАЙЛО. Триста, триста двадцать...

КАТЬО. Тырмас, кытчӧ сы мындасӧ? Амбар ыджаӧс ӧд он босьт.

МИКАЙЛО. Куимсӧ ветымын чӧлкӧвӧясӧ босьта, медым Ӧнись Петыр завидьысла виньдылас. На, кыксӧ кымын эм на. (Катӧлы сетӧ деньга колясӧ.)

КАТЬО. Ми кӧ ньӧбам, грездын ӧтнаслӧн нин и сьлӧн оз ло, пӧди.

МИКАЙЛО. Скупысла жӧ. Пыралӧс тай со куш киӧн, друг ещӧ! Ӧти шомгагпитӧ (петкӧдлӧ, кыдзи сулея восьтӧны) абу убӧлитӧма босьтны.

КАТЬО. Ок, сйӧ? Ньӧблӧм тӧварсӧ со тыр доньсь вузалӧс-а.

МИКАЙЛӦ. Но, ветла, ньоба. (Чеччӧ, тувсьыс босьтӧ картузсӧ. Сьылӧ.) Детин-бетин, шомгагпи да бетин-бетин, шомгагпи...

КАТЬӦ. Мун нин, да бура бӧрйы! Петала жӧ бӧр пырта этайӧ... рӧзӧренньӧтӧ.

МИКАЙЛӦ. Чукля Петырыс эськӧ талун волас оз нин? Аскитӧ эськӧ волас... Но мед эськӧ талун, этанӧ (чуньнас индӧ джоджас) аддзывны сылысь завидьтысь чужӧмсӧ.

КАТЬӦ. Мед войыс оз узьсьы мян телевизор вӧсна! А нарошнӧ ветла корны, час, табель затортӧ пырта да. (Кыкнанныс долыда серӧктӧны.)

Занавес.

ТОРКӦМ ЛУН

Ворсысьяс:

МИКОЛ — пӧрнӧй мужичӧй, кыз.

НАДЬӦ — сьлӧн гӧтыр.

Мунӧ сиктса керкаын. Микол ныргорӧн узьӧ крӧватъын, юр выв-
тыис шебрасьӧмӧн, гӧтырыс кывтас ноксьӧ.

НАДЬӦ. Чеччы нин, чеччы-ы! Укватнас вот босьта да ойкӧда! Кулӧма кӧ нин-а. Вӧрзъы! Йӧзыс мӧдӧдчисны нин видз вылас!

МИКОЛ (восьтӧ син пӧвсӧ). Эн на жӧ ӧд нинӧм пу! Мый эськӧ и зыныган.

НАДЬӦ. Узя тэ моз! Куим час сайын менам бисӧ па-
чӧ суйӧма!

МИКОЛ. Лоӧ чеччыны. (Нюжмасьӧ, чеччӧ да пызан пельӧс сайӧ и зуньгыртчӧ-пуксьӧ.) Но вай, нурийӧдышт мыйӧнкӧ.

НАДЬӨ. Яндысь мыссытөм кинад вөлөга динас кутчысьны. (Лөсьөдө пызан вылө.)

МИКОЛ. Мыйкө ещө! Быттьө ог аслым вомө сую.

НАДЬӨ. Пальөдчы, пальөдчы. Куран-косатө мун лөсьөд. Тэ өд синтө на муртса тільыштін, а ме асивбыд нин бергала.

МИКОЛ. Вот сійө и эм, мый бергалан. А колө уджавны, вөв калич... Но дыр на менө тшыгйөн видзан!

НАДЬӨ. Эн горзы, вая нин. (Вайө шыд тыратасьті).

МИКОЛ (видлө, сэссия пыр өдйөджык панясьө). Свежөйвывсьыс позьө сейны.

НАДЬӨ. Уджыштан кө мудзтөдзыд, и рытнас на зэв чөскыда сейсяс.

МИКОЛ (коляссө кисьтө паняс, тасьтісө пөлынтьлөмөн. Друг вежыньтчө чужөмыс). Тэ мыйөн менө вердан? Кутшөм шыдөн?

НАДЬӨ. Меж яяөн на тай.

МИКОЛ (скөрысь). Ме тэнсьыд юася, мыйөн вердан?

НАДЬӨ (котөрөн матыстчө пызан ді нө). Көні, мый? Этайө? Жаритөм лук! Горзө ещө...

МИКОЛ. Жаритөм лук кө, ачyd и сей. (Кимльөскивив шыбитө тасьтісө пызан вылө да кутчысьө морөсас.) Тайкө сьөлөмөй петас. Көсьян на сьөлөмсяньыд уджалыштны — асивсяньыс торкасны морттө.

НАДЬӨ. Да коді нө торкис?

МИКОЛ. Фу, төрөканөн чайті луктө да сьөлөм весиг дилькмуніс. (Петө посводзө).

НАДЬӨ (аслыс, пызан идраліг). Синмыд тэнад «төрөкан». Нэмсө нин керка помын некоді оз визьяв-а... Ылөдчө сөмын. Пөрнөй мужикөс лоө биа пачышкан лыскөн удж вылө вөтлыны.

МИКОЛ (мыччө өдзөсті юрсө). Коді нө косасө татшөм вомлөса садитліс?

НАДЬӦ. Тэ, эз ӧд вӧрсаыс!

МИКОЛ. Лоӧ выльысь садитны, вывтӧ паськыда кутас босьтны. (Пӧдлалӧ ӧдзӧссӧ).

НАДЬӦ. Шондӧсьыс яндысь! Кор нӧ сэсья видз вылас мунан?

Кылӧ клёнӧдчӧм шы.

Кутӧс сэнӧ вельтасьны, грекӧ вӧйтӧс.

МИКОЛ (мыччӧ ӧдзӧстӧ юрсӧ). Коса исыпыс кутӧс летьявны. Мыччыв, нолтӧ, сартас пестӧ — тув вылӧ юкышта. (Пырӧ).

НАДЬӦ. Змей улын пӧжлӧм тэ! (Петкӧдӧ кывтсьыс кыдз песчурка.) На! Куран эськӧ босьтӧн да мунӧн дай.

МИКОЛ. Мужичӧй мортыдлы ӧд кураныд мӧслы седлӧ кодъ жӧ.

НАДЬӦ. Тэ кодъ мужикыдлы — кыдзи порсьлы вор.

МИКОЛ (скӧрыськодъ). Босьта да либӧ сувта бабаяскӧд куртны! Мед кулитны-судитны кутасны, Надьӧлӧн пӧ ӧслӧпаныс тӧвбыд деньга вылӧ узьӧ фермаас. А ӧнӧ ӧтчӧд пӧ петӧс, дай сӧйӧ Надьӧыс куран сетӧма.

НАДЬӦ (тӧдчымӧн небзьӧ). Найӧ бара шуасны, паськыд вомъясыд. Фермаас стӧрӧжалӧмыс быттьӧ абу удж, войнас ещӧ да. Пыр и крукыштасны.

МИКОЛ. Сӧйӧ ӧд и забеднӧ. Васька Петыр Иван гӧтырӧс тӧдан кутшӧм: синьясыс — биа ӧгыр, кывӧйс — вугыр. Палюр Миколыс пӧ, ме быттьӧ...

НАДЬӦ. Чирук эськӧ Иван гӧтырыдлы...

МИКОЛ. Палюр Миколыс пӧ...

НАДЬӦ. Куим пратя гез тай коркӧ муртса эн вӧч. Синмыд пыр сы вылӧ сувтса!

МИКОЛ. Да тӧ жӧ асьныд ськӧд кык пӧдруга быттьӧ ӧти гӧг помысь вӧлӧд. Кокни и вӧлӧ сорсьывны. А ӧнӧ — Палюр Миколыс пӧ, ме тэнад, шуны кӧ нин, радейтана-

любимой верёсид (певнас зургё аслыс морёсас) пу...

НАДЬЁ. Мед пиньсё кеслас, мый тэныд чушө тайё?

МИКОЛ. Да өд пучой кодь пө лоёма, шуё! Первой палюрөн нимтис, а өні пучой лои... Шуалө пө, кок лапаос быттьө зеркалотөг ог нин аддзы кынём вёсна.

НАДЬЁ. Вот. Медбур пөдруга пыдди ещө коркө вөлі.

МИКОЛ. Ме өд сійөс, вөв каличөс, прамой мортө жө пуктылі.

НАДЬЁ. Төвнад фермасыд локтан да кок пыдөс-сяньыд кызөдө. Сійө быттьө абу висьөм!

МИКОЛ (меліасьөмөн). Надюк, а ме өд абу кыз, да өд? Кок лапаос пө зеркалө пыр видзөдла. Со, сапөг нырөс аддза, колө кө. (Видзөдө кок вылас.)

НАДЬЁ. Но мед... мукөдъясысь шыльыдджык кө — ёнджык зато.

МИКОЛ. Ой, эн манит уджалысь мортсө. (Песчуркаөн киас петө.)

Кылө посводзын камөдчөм шы.

НАДЬЁ. Пажын кад, пөди, матыстчө. Кымынөд час нин?

МИКОЛ (мыччө өдзөсті юрсө). Вай косасө тубыртны кутшөмкө джодж вольөс либө важ мешөк.

НАДЬЁ (вильысь дөзмө). Сэні тув йылас өшалө! (Өдзөс пөдласьө.) Талун со тэысь мынла ог-а! (Шензьө.)

Пырө Микол, сувтө джодж шөрө, юрсө гыжйыштө.

МИКОЛ. Но, быттьө ставыс дась. Мөдөдчыны кө сэс-ся. (Друг шөри кусыньтчө.) Ой-ой!!!

НАДЬЁ. Мый нин сэтчө лои, ен тэкөд? (Уськөдчө верөс дінас.)

МИКОЛ. Эдатшөма... (Кияссө кынөм дінсьыс вуджөдө коскас.) Дзулляө лыйыштіс. О-о-о! Тэсянь кө нин вуджис-а. (Кисө нюжөдө кроватьлань. Надьө отсасьө.)

НАДЬӨ. Тэ ещө ньөмдін. Водыштлы, нолтө.

Микол ружтөмөн кымынь водө.

МИКОЛ. Надьө, гашкө, горчичникъястө пуктылан! Мыйкө тай пыр горчичникасян. Ой!

Надьө вайө кывтсьыс горчичник пачка да тасьтыын шоныд ва.

НАДЬӨ. Ёна отсалө. Пыр жө пуктылам. Лэпты дөрөмтө. (Көтөдө горчичникъяссө да пукталө Миколлы коскас.)

МИКОЛ. Мукөддырйи дежуритігад садьман да кок чуньясыд пиалөны. Вот и мөрччис...

Кыкнанныс чөв усьлөны. Надьө ышлолалө.

МИКОЛ (с ы л ө). Йөктө керка,

Йөктө пач,

Йөктө и галанка.

Көзяинлөн усьөм га...

НАДЬӨ. То висьысьыс, то!

МИКОЛ (малыштө гөтырсө). Хө-хө, шмака гөг...

НАДЬӨ. Кытчө оз ков — азым (кучкө верөс ыслы киас).

МИКОЛ. Надюк, ме өд мыйкө на... петук сорс кодь на. Да өд?

НАДЬӨ. Пөрысь выжыв тэ!

МИКОЛ. Ас вуйө куті воны, тыдалө, тырмылас. Босьтав бөр, Надьө, босьтав. (П е с с ь ө.)

НАДЬӦ. Но, висьны кӧ он кӧсйы, терпитыштан. (К у-
тӧ Миколӧс.)

МИКОЛ. Ӧдйӧ!!!

НАДЬӦ. Весьӧпӧртас.

Надӧ повзьӧмысла чеччыштӧ, ӧдйӧ кульӧ Микол мышкуысь гор-
чичникъяссӧ да идралӧ кывтас. Микол ружтӧмӧн чеччӧ.

МИКОЛ. Ветлыны, буди... (Кывтлань.) Мед не
виньгыртны, вердышт вай. Сьӧлӧмсянджык уджавсяс.

НАДЬӦ. (Петӧ кывтсьыс да клопнитӧ
бокъясас). Ӧні на сӧйин да. Копрасьнытӧ он кут
вермыны.

МИКОЛ. Сьӧлӧм, мися, эз бурмы.

НАДЬӦ. Горзьӧдлытӧдздыд сӧйин да. (Мунӧ кыв-
тас.)

МИКОЛ. Да! Ракалы кокыштмӧн шыдтортӧ кор нин
чӧвтлін, а ӧні то лун шӧр. (Пуксьӧ пызан сайӧ.)

НАДЬӦ (вайӧ шыд тыра тасьті). На. Му
пырыс тӧкӧд мунан.

МИКОЛ (Бергӧдлӧ шыдас паньсӧ). Та-
шӧм шыдыд. Кӧр ни гос, сьӧлӧмыд оз и бурмы. (За-
водитчӧ ӧдйӧ ректыны тасьтісӧ.)

НАДЬӦ. Саламат ли мый тӧд ещӧ колӧ? (Мунӧ
кывтас.)

МИКОЛ. Со пажын кад нин, а ме удж вылӧ петны эг
вермы. Куш кизьӧр шыдтӧ панялі да ониш сӧмын бось-
тіс.

НАДЬӦ. А тӧкӧд яндзимыдла юрид усяс жӧ! Петала
кӧть сильӧпиянӧс видзӧдла. (Петӧ.)

МИКОЛ. Быть лоӧ ойбыртлыны. (Матыстчӧ
крӧвать дінӧ, педзыштӧ сы дінын.) Удж
вылӧ мунны сӧр, водны водз. (Ветлӧ кывтас да
вайӧ шыд тыра тасьті, пуксьӧ сӧйны.
Пырӧ гӧтырыс.)

НАДЬӦ. Тэ тай нӧ, яндысьтӧм син, бара нин сӧян!?

МИКОЛ. Мый яндысьнысö? Ужнайтышти. (Вештö тасьтисö.) Видз вылад удж бöрын кö, кутшöм кокниа асьтö кылан... А ме талун мучитча сöмын. Кынöм дундiс, а тöлкыс абу. (Малалö кынöмсö.) Дерт, сэсся палюрман. (Надьöлы.) Тэ вöсна ставыс!

НАДЬÖ. Ме вöсна-а? Мастер жö ассыйд мыжтö йöз вылас вожöдны.

МИКОЛ. Кодi нö торкис менö видз вылö мунöмысь, вöв каллян? (Аслыс.) Но, аски чеччыны сьöкыд лöö. Водны кö-а...

НАДЬÖ. Водны?!

МИКОЛ. Мый нö ужын бöрас вöча, клубö кö йöктыны ог пет! Смотри, мед аски эз нин вöв торкöма менсьым лунсö! (Пöрччысьö да водö.)

НАДЬÖ. Пöслöвичатöм морт! Яндзим тöдтöм! Змей улын пöжлöм! (Клопöдö бокъясас.)

Кылö Миколлөн шкоргöмыс.

ВАСИЛИЙ КУШМАНОВ

ВУДЖÖР

Гөгөрвоис

Пелагея Семеновна, миян управлениеса референт, абу нин ёна том морт. Но чужöмыс шыльыд, пöшти ни öти чуқыр. Ортсы сертиыс комынысь унджык он сет. А öд, кызди тöда, дас вит во нин танi мырсьö. Тшötшьяяс вежсьöны-пöрысьмöны, а сы дорö кадыс бытьё муртса на инмöдчыштлöма.

Управлениеын прамөясö некод оз төд, мый вöчö Пелагея Семеновна. Сылөн пызаныс управляющöй öдзöс дорын. Пуксьывлö жö сэтчö шочиника. Лун-лун көнсюрö бовъялö: то коридорын кодкөдкө варовитö телепередача йылысь, то пасьтасьöма да кытчöкө мунö...

Контораын пукалысьяслы öнөдз вöли веськодь, кöни ветлөдлö Пелагея Семеновна. Чöv-лөнсьö пузувтис-торкис збой нывбаба, кодi уджалö мөдөд вежон.

— Мый тайö, коймөдысь нин пыра, а Пелагея Семеновнаöс ог вермы суны места вылас?

Виль уджалысьлөн ёсь гөлөсыс пыркнитис унзильсö контораса войтырлысь. Нуөдисины собрание. Критика бöрын Пелагея Семеновнаöс быттьökö вежисны. Сийö дзик мөд мортөн лои, крукасьны некытчö. Лун-лун пукалö пызан сайын да видзөдö öшиньö, кысянь бура тыдалöны туй кузя журъялысь машинаяс.

Кызкө öтчид, премия пöлучитөм бöрын, Пелагеяид меным и шуö:

— Мисьтөм, кор морт оз пукав места вылас. Ме бура гөгөрвои, мый миян рөднöй коллективын позьö нинөм не вöчны уджалан места эновтлытөг.

Норасьысь

Народнöй контролерыд пыдди пуктана морт. Сы дөрö шыасьлöны унаөн. Пöраясö писькөдчöны сы ордö сэтшöмъяс, кодъяс велалöмаöсь сöмын норасьны да удтысьны, но асьныс жель оз бергөдны, медым мездысьны нелючкиясысь. Со и талун пырö олöма морт.

— Тöрыт бийö эз вöv. Кора мыжасö чырыштны...

— А монтер дiнас шыөдчылiнныд?— юалис контролёр.

— Эг.

— Вай шыөдчылöй.

Вежон мысти сийö бара сы ордын.

— Век на өмөй биыд абу?— юалө.

— Эм. Мастер мортыд здукөн и лөсьөдіс.

— Али выль могөн?

— Магазино сола чери вайлөмны... Вузасьысыд ас-лас төдсаяслы пө ставсө юклөма... Удждонсьыс колө чирснитыштны.

— Пыралінныд сельпоас?

— Эг.

— Пыралөй контораас да висьталөй юралысьыслы. Эз коль лун-мөд, кызди норасьысь бара нин киасис контролөркөд.

— Чери кузяыд норасьөмыс збыльмис?

— Эз. Сөрөны, вөлөмкө.

— Сідзкө, ставыс бур?

— Абу.

— Мый нин бара лоис?

— Гөтырөй менсьым импортнөй дөрөмьяс кык пөв донысджык базар вылын вузалөма.

— Юөртінныд та йылысь кытчө колө?

— Эг.

— А жаль.

Ыджыд помка

Муніс месткомлөн заседание. Мургисны-варовитісны мужичөйяс и нывбабаяс, чиршөдлісны пөрадок да дисциплина торкалысьясөс.

Мыжаяс лыдын вөлі и счетовод Пипуныров. Но ортсысяньыс сылөн нинөм эз төдчы: пукалісны дзодзөг моз, юрсө вылө лэптөмөн, кадысь кадө нюмьөвтліс.

— А ті, Пипуныров, мый жерьяланныд?— юаліс месткомса председатель.

— Серамыд нө кызди оз пет? Быдөн зільө правдайтчыны, мудеритыштны...

Месткомса ёртъяс чөвтисны синъяснысö счетовод
вылö.

— Ещö и шпыннялö! Бөръя вежонас кыкысь öкмыс
час бöрын воис,— тöдчöдiс олöма нывбаба.

Пипуныров лапйöдлыштiс синъяснас да веськодъпы-
рысь шуис:

— Вöлины татшöм грекъяс. Талун выль часi ньöби.

— А тöрыт мыйла мунiнныд часöн водзджык?— ча-
тöртiс юрсö месткомса председатель.

— Гöтырöй кино вылö билетъяс судзöдöма, но и...

Бара босьтiс кыв олöма нывбаба.

— Тайö нин помка. Гöтырыдлысь кö он кывзысь,
семьяпытшса бур олöмыд оз ло.

— Висьталöй, Пипуныров ёртт, а талун кöни вöлинныд
öбедöдзыс?— эз лэччысь месткомса председатель.

— Тöрыт Семёновичкöд вуграсьны ветлiм. Вои гортö
сёрөн, но и узьсьöма.

— Кутшöм Семёновичкöд?

— Миян директоркöд.

Та бöрын Пипуныров ёрт дорö председателльöн эз
нин вöв некутшöм юалöм.

Здук мысти месткомлөн заседание видлалiс мöд
мортöс, кодi кага висьöм вöсна абу вермöма ас кадö
воны удж вылö.

Дженьыд собрание

Тайö вöли мян контораын вöвлытöм собрание. Юра-
лысь Пупкинлөн дженьыдик, но ёсь доклад бöрын завод-
читчисны прениеяс. Сёрнитысьяс эз жö больгыны мый
колö да оз. Некод эз видз индöм кадысь унджык. Не-
лямын минут, и собрание помасис. Весиг разöдчыны эз
вöв окота: сöмын на быттö пуксялiм. Велавтöмтор тайö
миянлы.

Выльлөн төвруыс мян конторао пискөдчө жө,— мөвпала. Сьолөм вылын весиг долыдджык. Кык часөн воддзык локта гортө. А талун быть колө вочы воддзык. Виччысьо менө оқ гажа мероприятие!

Кылө, дзуртыштисны-гирснитисны улөсьяс. Йөз, гажаа варовитиг, сувталисны. Кор воддзаяс мөдөдчисны өдзөслань, собрание нуөдысь горөдис:

— Оти здук, ёртьяс! Эм дженьыдик юөр стенгазетса редактор Кутькин ёртлөн.

Редакторлөн юөрыс збыльысь вөлі дженьыдик. Аски колө лэдзны газет, а письмөяс папкаыс тыртөм. Тарыт пукуштөй и аски асыв пыртөй меным гижөдъяснытө,— помалис Кутькин.

Но, а өні — гортө. Талун тьөщалөн нимлун! Гөтыр көсйис чөскыд ужын вөчны. Удита, часі вылө видзөдліг-моз радпырысь ышловзи.

Воддзаяс матыстчисны нин өдзөс дорө. И друг кыліс төварищескөй судса председательлөн кыз гөлөсыс. Сійө сёрнитіс минут вит. Медбөрын юөртис, мый төварищескөй судлөн тайө заседаниеыс лоас төлысь мысти.

Ме ёнасө ог на тэрмась. Автобусөн кө, весиг магазинө кежавны, пөдарок ньөбны удита.

— Ёртьяс! Ёртьяс! — кыліс зал шөрсянь нывбабалөн чилөс гөлөс.— Эн вунөдөй, аски квайт час рытын лоө профсоюзной собрание.

Сэсса дженьыдик юөръяс вөчисны Красной Крестса, комсомолса, бухгалтерияса, ВОИР-са ёртьяс, физорг...

Ставнысө бура кывзі. Эг и дөзмы. Мися, татшөм собраниеыс первойысь на, и нинөмла сійөс торкны, мед мунө кызди колө. А сёрмышті кө, нинөм. Кора такси и здукөн лоа гортын. Некымын шайтнад ог на гөльмы.

Но оз на быд пөрийө артмы сідзи, кызди көсьян. Гортө эськө локті котөрөн сорөн, но тьөща вөлі водөма нин узыны.

Шыёдчөм

Лун-мөд нин шөйта, удж корся. И кыдзкө дум вылө усис овмөс, код йылысь эг нин өтчид кывлы. Ну и весь-көдчи сылань. Көть бур боксянь оз нимав, мися, кутшөмкө удж век нин аддзыяс. Кутшөмкөыд, дерт, меным оз ков. Мед эськө бурджык жө вөлі...

Восьті кучикөн эжөм өдзөс. Воськалі ыджыд жырийө. Пукси. Сёрнисө паніс ачыс юралысьыс.

— Удж вылө медасьны көсьянный?

— Да.

— Кутшөм институт помалінныйд?

— Велөдчөм вылад уна кад ме эг вошты. Сөмын көкъямыс во ветлөдлі.

— Тайө этша,— шуө.

— Абу, дерт, уна,— сөгласитчи ськөд.— Сы вөсна и проектной институтө ог суйсьы, көть сэні мөд скрипка-нас ворсө тьощалөн вокыс.

— Миянлысь уджнымөс төданныд?

— Газетьяс серти. Ёсь перө йылө частөкодь веськавланныд.

Юралысьлөн чужөмыс неуна пöлынтьчыштлис.

— Артасьны-тшөтиясьны сямманныд?

— Финансөвөй делөяснад ичөтсянь төдса. Меным оз ков висьтавы, кор колө ветлыны авансла да удж-донла.

— Сидзтө сидз,— ышловзис юралысь.— Иван Ивановичкөд ті, инө, төдсаөсь? Отсыштны корис. Ог төд, кытчө сэсся тэнө пуксьөдны. Гашкө, пекарняө?

— Енмыс мед видзас,— шуа.— Сэні зэв жар.

— А мый кужанныд вөчны?

— Гижасьны.

— Гижасьысьыд миян сидзи нин тырмө.

— Ме кута критикуйтны тіянөс вылісяньыс и улї-сяньыс.

— Кыдзи?

— Ме ногон, ти мырсянныд лун и вой. А овмөсын делөясыс оз мунны. Коді мыжа? Медводз индөны тиян вылө. Ме жө кута критикуйтны ти дорысь гырысьджык чинаяссө, сэк жө пыдісянь эрдөдны став нелючкияссө, кодъяс эмөсь тиянысь улынджык чина войтырлөн уджын. Мөд ногон кө, план тырттөм вөсна мыжаяссө ме аддза улыс да вылыс судтаясын пукалысьяс пөвстысь, а ти, кыдзи юрнуөдысь, колянныд на шөрө, критикаысь бокө.

— Да, ти верманныд уджавны миян коллективын. Гижөй шыөдчөм.

Сконьёвтіс ошыысьөм

Өтка олөмыд дубыд нянь сөйөм кодь. Воан гортад: кань ни пон, жалитысь ни видысь. Пуксян лыддысьны, а мөвпяс сөмын жбыръялөны-лэбалөны... Кытчө сөмын найө оз воыны: и Летка вожад, и Эжва йывса сиктьясад.

Кад, тыдалө, воис, колө гөтрасьны. Ачым эськө төлысь-мөд нин кыйкъяла-видзөда нывъяс бөрся, но сэтшөмыс эз на паныдасылы, коді эськө сьөлөм вылө воис. Көйыисысны отсавны төдсаяс, но и налөн мыйкө оз жө артмы.

Шондіа гожся асыв. Сөмын на петі керкаысь, мөдөдчи удж вылө, паныдасис Тоня, ёртлөн гөтырыс.

— Аддзи!— сійө паськыда нюмьёвтіс,— сэтшөм мича да шань! Рытнас лок пристањө. Сійө кутас тэнө виччысьны.

...Гөтырпуөс шуөны Тоняөн жө. Косіник, но абу омөль. Лөз енэж рөма синьясыс дзирдалөны зарниөн. Дзик рочакань кодь, пыр жө воис сьөлөм вылө.

Рытыс мича, лөнь.

— Збыльысь гожөм пуксис,— шуа, медым сөмын панны сёрни.

А Тоня виччысьтөг веськыда юалө:

— Митрофан Иванович, висьталой, кутшом юантор ті ёнджыка радейтанныд?

Плешкө быттьо нөшкөн сизьдыштисны. Шай-паймунлі. Сэсса минут-мөд мысти синъяс водзын бөр жө югдіс. «Но,— думайта,— сідзи и тэныд ме висьтала. Ставыс кө лоө лючки-ладнө, свадьба бөрас асьныд казяланныд, кызди ме локта пөлучка бөрын». Ачым вочавидзи тадзи:

— Сокъяс, кефир, босьтлывла лимонад.

Тоня нюмъевтіс.

— А сёянсыс мый ёнджыка кажитчө?

— Картупель да капуста...

Тоня юасис водзө:

— Эм тіян радейтанатор?

— Кызди нө сытөг. Чукөрта бутылкаяс, истөг көрөбкаяс, маркаяс... (Думайта, медым сөмын лишнөйсө не сөрны. Чужөмөй, чайта, гөрдөдыштіс. Бара, дерт, пөр-йөдлыштөма лои).

— Бутылкаяс, шуанныд? Та вылө кад колө. Удж вылад, көнкө, төдчө и.

— Оз,— быттьөкө сідзи и колө, пельпомъяс асьныс лыблісны.

Ачым думайта: быдторйыс овлө. Но ог жө кут сэсса сылы ставсө висьтавны.

— А кутшом тіян йитөдъяс профсоюзкөд?

— Зэв топыдөсь. Частө чукөртчывлам, ветлам культ-походъясө, нуодам рейдъяс. (Тайөс ме пөрйышті, медым зыктөг пышйывны гортысь. Ётлаасям кө).

— Митрофан Иванович,— эз өвсыс Тоня,— сідзкө, тіян и прөст кадыс оз овлы?

— Пөшти,— шуа, көть мудерита.— Быд минут дона. То музыкалы лишөдышта, то книга лыддя, то радио кывза.

— Сідзкө, и книгаяс радейтанныд?

— А кызди жө?

Но, думайта, быд боксянь ачымөс лои ошкыштөма,

аслым весиг ачым любö лои. Кад нин и меным юасьыштны Тонялысь.

— Тіянös, дерт, медводз интересуйтö, эм-ö менам машина, дача?

Тоня видзöдліс менам синъясö да шуис:

— Бур туй, Митрофан Иванович. Ми ог лöсялö öта-мöдлы: тіян оз ло кад, медым мыйöнкö отсыштны меным.

Том гöтыр

Öльöксейлөн том гöтырыс ноксис пач дорын да кадысь кадö шуасис:

— Крансö кöть лöсьöд. Со вежон нин виялö.

— Ме öд абу слесарь...

— Жугалём öшиньсö кöть, инö, стеклöав.

— Ог сяммы.

— А ёг тыра ведрасö верман петкöдны?

— Верма, но машинаыс абу на.

Мöд луннас Öльöксея воö удж вылысь. Патераын сöстём. Оз вияв кран, стеклöалёма öшинь...

— Быт службасянь али мый волісны?— Юалö верöсыс гöтырыслысь.

— Эз. Ме суседös корлі.

— Уджсьыс уна кулыштіс?

— Весиг көпейка эз босьт. Сöмын тшöктіс йöктыштны либö бандзиб йывсö окыштны.

— Тэ, дерт, йöктыштін?

— Эг и мövпыштлы.

Вуджөр

Помасисны видз-му овмöсын уджалысьяслөн курсьяс. Аскинас жö заводитісны видлавны, кодös кытчö мöдöдны. Быдөнлы колö аддзыны лöсялана места. Варов

Буткинёс, кыдзи и колё вёлі чайтны, босьтісны агропромё. Мишкинёс — птицепромё, Котовёс да Лисинёс — сельхозуправлениеё... Курс помалысьяс талун кажитчисны кыдзи экзаменьяс водзвылын. Майшасисны. Коридорын өвтё сигаретён. Войтыр пиысь өткымынъяс пыр частоджык видзёдлөны өдзёслань, код сайын пукаліс комиссия. И друг виччысьтөг сійё воссис, и Иван Иванович Раевский кыліс асьыс овсё.

Пызан сайын, сылы тёдса преподавательясысь кындзи, пукаліс ар ветымына куш юра мужичёй, кодлөн морёсын дзирдаліс кутшөмкө зарни значок. Мыйён аддзис Иван Ивановичёс, сійё нюммуніс сылы да мыйкө вашнитіс комиссияса председательлы.

— Поздравляйта тіянёс,— Раевскийлань меліа видзёдліс председатель.— Весиг меным неуна завидькодь. Тіянёс виччысьё небыд улёс да пыдди пуктана удж. Степан Степанович тіянлы ачыс ставсё висьталас. Сиа став бурсё.

Председательлөн бур кывъясысь шөйөвошөм Раевский эз и тёдлы кыдзи личкыштіс өдзёс вугсё да вётын моз петіс ывлаө. Куш юра мужичёй сійёс виччысис нин «Волга» дорын.

— Вай тёдмоям,— шыасис сійё, кор машина вөрзис места вывсянныс. Шульгин Степан Степанович. Биология институтса директор. Мый ме тэныд первой верма сетны? Научнөй сотрудниклысь удждон. Сы дорё содтөд премия. Быд квартал. Бур?

Раевский лапнитіс синъяснас.

— Ті менё, тыдалё, примитанныд мөд морт пыдди. Ме ачым абу видз-му овмөсса специалист, а практик. Кутшөм нё меысь научнөй сотрудник. Ме өд арлыда жө нин. Нэмсё вёлі профсоюзнөй удж вылын. Правда, сёрнитны сямма.

Степан Степанович сөмын нюмъяліс да довкйөдліс юрнас.

— Ті улө донъяланнөд асьнытө. Гусьён верма вись-

тавны, ми тэкӧд важӧн нин тӧдсаӧсь. Ме частӧ аддзывлі тiянӧс карса собраниеяс, совещаниеяс вылын. Ӧні дзи-кӧдз гӧгӧрвои, мый тi буретш сiйӧ мортыс, кодi меным колӧ. И тушаыд тiян лӧсялӧ. И арлыдыд... И лӧзоват синъясыд... Ме вылӧ зэв ӧна мунан. Кызди шуласны, кульӧмыд и ляскӧмыд. Сӧмын юрситӧ ковмас бритны.

— Мый меным колӧ вӧчны?

— Ме пыдди пукавны заседаниеяс да симпозиумъяс вылын.

Раевский лӧптiс юрсӧ да дӧзмӧмпырысь шуис:

— Аттӧ тiянлы. Но тайӧ меным оз лӧсяв. Ме кӧсья пӧльза вӧчны йӧзлы, а ог прӧста пукавны, гачӧс зыртны.

— Вот аддзанныд,— серӧктiс Степан Степанович.— Сидзкӧ мян кӧсiйӧмъяс лӧсялӧны. Ме кӧсья жӧ пӧльза вайны, но та вылӧ менам кадыс оз тырмы. Сы вӧсна и кора вежлыны менӧ сэки, кор метӧг вермасны соборуйтны. Сэки и институт уджӧ ме верма пуктыны ыджыд-джык пай. Тайӧ местаас тi сетанныд ыджыдджык пӧльза сы серти, мыйта сетасны тэныд однокурсникъясыд асланыс местаын. Ну кызди? Киасям?!

— Ме, инӧ, тэнад вуджӧрӧн быттьӧкӧ лоа,— шуис Иван Иванович да гӧгӧрвоана синъясӧн видзӧдліс Степан Степанович вылӧ.— Дась заводитны уджавны кӧть ӧнiсянь.

Ёсь пельӧс

Куим лун да вой мырсӧм бӧрын ме пыри юралысь дорӧ.

— Со тiян гижӧдыд!

Сiйӧ нимкодя серӧктiс да босьтчис видлавны, кытчӧ-сюрӧ чутӧдіс ручка помнас. Сы вылӧ видзӧдӧмӧн сьӧкыд вӧлі мыйкӧ гӧгӧрвоны. Но виччысьтӧг век жӧ шуис:

— Дона ӧрт, тэнад абу ставыс бур юӧм-кодалӧмкӧд. Став мирыс нуӧдӧ тыш тайӧ лӧкыслы паныд, а гижӧд-

сьыд сідзи и кылö стöканъясөн да румкаясөн троньöд-чöм. Позьö чайтны, мый миян бур да зиль йöза котырын дзоридзалö тайö пакöсьтыс. Вина-сур йылысь ставсö шыбит. Бöрас петкöдлан.

— Бур,— шуи, зэв жалитöмөн босьтчи киритны ков-тöм пасйöдъяс.

— Тэ сюсьджыка видзöдлы сійö кивъяссö, кöни сёр-ниыс мунö дышъяс да тöv чужъялысьяс йылысь. Дерт, эмöсь сэтшöмъясыс. Быд лун сы йылысь и долям. Сö-мын мыйла ёна суктыны? Кодлы колö тöдны, мый уджа-лан кад вошталöм вöсна миян овмös эз сет страналы сы мында тонна йöv да яй. Вуштышт сійö сьöд рöмсö.

— А мый мужикъяс да öткымын бабаяс часъясөн табак нюшкöны!

— Куритчöм йылысь кирит жö. Кызди и быдлаын, ми тшынасьöмлы паныд нуöдам чорыд тыш.

Кор став ковтöмторъяссö лои бырöдöма, юралысь кокниа лолыштис да корис лыддыны. Ме торъя кыпыд-лунтöг заводит: «Вылынджык сулалысь веськöдлысьяс кö отсалисны миянлы да сетисны содтöд кöрым, тө ми эськö тыртим план. Но сыын и лёкыс, мый найö пыр на олöны важ моз. Кад нин налы босьтчыны зиль уджö».

— Зэв бур! Тайö буретш сійö ёсь пельöсыс, кодi вö-чö гижöдсö талун кежлö коланаөн да повтöмөн.

Юралысь шамыртлис менсьым киös да тшöктис нуны асьыс гижöдсö машинка вылö.

Пöсылка

Менам эм друг. Коркö öтлаын помалим дас класс. Быд пöрийö кöсьйыся мөдöдны сылы пöсылка. Частöджык-сö, дерт, телефон пыр сёрнитигөн. Уджыс менам кöть ветлана, но йитчöма кöм-паськöм да сёян-юан вузалан организацияскöд. Быдтор позьö судзöдны. Лишöдышт-ны и ёртлы. И öтчид здукөн чукöрти ящикö став кола-

насö, тутш-тотшкери да нуи почта вылö. Муртса петі да вуджи уличасö, паныдасис друг.

— Чолöм,— шуа,— Бражкин! А меным висьталісны, тэ пö командировкаын.

Сійö шпыньмуніс: быдса тöлысь пö ветлöдлі.

— А талун ме тэныд пöсылка ысті.

— Пöсылка?— ёртöй вак-вакөн серöктіс.— А мыйла?

— Сідз... Мыйкö нимкодъöс окота лои вöчны тэнад воигкежлö. Век сöмын сёрнитам да кöсйысям телефон пыр. Кула да некод бурөн оз казъышт. А пöсылкаыд кутшöмакö вөрзёдас мортыдлысь сьёлöмсö. Бурторыд оз вун. Торйөн нин тэнад челядьлөн. Öд налы сэні мый-сюрö эм жö.

Бражкин топыда кутліс менсьым киöс.

— Ыджыд аттьö! А мый мөдөдін?

— Воас да, аддзан.

— Телепит лои. Окота öні тöдны, мый ящикас.

— Висьтавны, дерт, позьö,— сöгласитчи ме.— Но сэки пöсылкаыс оз нин ло сэтшöм виччысянаөн.

Торйөдчим сідз, быттьö эг вöлөй бур төдсаяс. Көдзыдіника. Чайті, мый дыр кежлö. Аскинас жö бара паныдасис автобус виччысянінын. Кажитчис, быттьö Бражкин кыйөдчö ме бөрся.

— Гашкö, тшыксяна сэні мыйкö эм?— майшасьöмөн юаліс сійö.

— Вöлі кö мыйкö сэтшöмыс — висьталі,— бурөді ме.

Но Бражкин эз лөнъ. Сійö кутіс бара кевмысьны, медым ме висьтаси.

— Воас да, аддзан!— орөді ме.

Бражкин шуасьыштіс да вешйис ме дорысь. Но лун дас мысти вочаасим горт дорын. Сійö вöлі жугыль, весиг омöльтчыштöма.

— Гашкö, важ оланінö ыстін?

Ме төдчөді: эг, мися, сорсьы.

— Вермас лоны, индекссö эн гиж либö вермин адреснас сорсьыны,— вежсьöм чужöмөн гадайтіс сійö.—

Да и мыйла колө вөлі пöсылкасö мөдөдны? Вермин звө-
нитлыны. Ме эськө ачым волі да босьті.

Ме кыдзи верми заводитлі такөдны, но...

— Спокой дзикөдз вошти,— норасис друг.— Мисьтөм
вөтьяс көвьясисны. Сөмын и думайтсьө, кутшөм козин
ыстін.

Выльысь аддзысим төлысь бөрын нин. Рак кодь гөрд
чужөма Бражкин, кольмөм төрөкан кодь, пырис ком-
натаө.

— Тырмас дурны! Висьтав, мый ящикас?— Бражкин
тракнитіс менө соскөд.

— Эз на өмөй во пöсылкаыс? Та дыранад ме вунөді
нин, мый сэтчө пуктылі.

Тэрмасьысь бать

Районса көзяинлөн газик сувтіс Ёль сельсөвет дорө.

— Ме здук кежлө. Моторсө эн кусөд,— машинаысь
петігөн шуис шоперлы орччөн пукалысьыс.

Сельсөветын председателысь кындзи некод эз вөв.
Кор пырис ыджыд гөсть, сылөн юрын югнитіс мөвп: бу-
ракө, яй-йөв кузя...

— Кыдзи делөясныд?

— Абу лөкөсь. Кольөм воын серти овмөсьясын скөт-
лөн юр лыдыс соді өти меж, кык көза да өшпи вылө.

— Колө өдсө содтыны.

— Гөгөрвои, Иван Иванович. Талунсянь кутам ещө
чорыдджыка мырсьыны.

— Эска. Ладнө, инө. Менө виччысьөны мукөдлаын.
Сиа тэныд уджын выль вермөмьяс!

Төпканөсь туй кузя газик чепөсйис водзлань. Иван
Иванович Верхоглядцев кокниа ышлолаліс. Ыджыд кытш
пө лои вөчөма. Таво сійө первойысь на петіс райцентр-
ысь. Абу на өбед кад, а слөймис нин воыны кык сиктө,
вөр лэдзысьяслөн посёлокө, орслөн подсобной овмөсө.

Сулаліс гожся шондіа поводдя. Өтар-мөдар туй пөлөн тыдалісны то кутшөмкө көдзаяс, то энөвтөм муяс. Сьөкыда мургысь-пошкысь машина чинтіс өдсө сөмын сиктө пыригөн. А здук мысти тан сувтіс совхоз отделение конторалы паныд.

— Мый бурыс?— пыригмоз юаліс Иван Иванович контораын пукалысьяслысь.

— Паныдасим сьөкыдлуньяскөд...

— Энө велөдчөй норасьны,— орөдіс Верхоглядцев.— Могыс өні сыын, медым унджык вөчны сөян прөдуктаяс. А төданныд, кызди тайөс шедөдны?

— Төдам. Лоө кө көрым — лоө йөв и яй. А аддзаныд, төлысь нин зэр тусь эз усьлы. Став видзьясыс кось. А ті коранныд, медым ми содтім скөтлысь юрлыд.

— Быд сьөкыдлунысь эм петан туй,— Иван Иванович видзөдліс часі вылө.— Ме тэрмасы. Сиа тіянлы став бурсө!

Машинаын нин Верхоглядцев ас кежысь ёрччыштіс: «Ерөмаканьяс! Төдөны да оз вөчны. Виччысьөны, медым кодкө воас да отсалас налы».

— Удж помөдз меным колө волыны уналаө на. Тэ, Витя, тэрмөдлышт асьыд вөвтө.

Газик мурөстіс и пыр жө содтіс өдсө. Районса баты сутш кежлө пыраліс Ичөт Вань да Вадор грездьясө, пырмунігмоз аддзөдчыліс Ипат да Чит отделениеясса управляющөйяскөд. Вөлокын лои виччысьтөмтор. Сельсөветө вотөдз мотор некымынысь лөк ногөн несйыштіс и машина сувтіс. Шопер лэптіс капотсө.

— Мый лои, Витя?

— Өти болт чегөма.

— Дыр кутам сулавны?

— Час кымын.

— Но и но,— довкйөдліс юрнас райисполкомса председателы машинаысь петігөн.— Быдса час лоө вош-

тыны. Меным өд вит минут тырмас, медым төдмавны, кызди тані тышкасьоны содтөд йөв-яй вөчөм вөсна.

— Рөгидджык оз артмы,— нурбыльтіс шопер.

— Час чөжөн ме эськө верми вит сиктө сувтлыны,— районса бать неокотапырысь веськөдчис сиктсөветлань.

Помавтөм гижөд

Совхозса директор Лодыгин талун вөлі зумыш. Беринөсь чужөмыс пөртмасьө. Кызди код вылө кө өна дөзмөм морт, сійө тэрыба ветлөдліс кабинет кузя да кадьсь кадө дөвкнитліс юрнас: «Колө жө!» Уджлөн итогыяс серти, позьө шуны, премия нин зептын и друг ташөмтор... Өдзөсө тотшкөдчөм шы торкис директорлысь мөвпяссө. Кабинетө пырисны управляющөй Пипуныров, профсоюзөн веськөдлысь Чуманов да комсомольскөй секретарь Виктор Старцев.

— Өшйис миян весьтө, ёртьяс, съөд кымөр,— заводитіс Лодыгин.— Следователь звөнитліс. Тракторист Сергей Юркин йылысь юасьө, коді пө сійө сэтшөм мортыс. И ещө шуис, мый пансьө пө уголовнөй делө.

— Мый лоөма?— пөшти өтпырйө юалисны куимнаныс.

— Прөста оз звөнитны,— ышловзис директор.— Мыйкө омөльтор нин лоөма. Тіянөс чукөрті сы могысь, медым Юркин вылө лөсьөдны характеристика. Вермасны өні жө корны.

— Ме нинөм лөксө ог вермы висьтавны Сергей йылысь,— шуис том йөзлөн вожак.— Морт сійө водзмөстчысь, оз радейт больгысьясөс.

— Эн ошкы. Да и нинөмысь сійөс ыдждөдлыны,— торкис директор.— Следовательыд прөста оз юась. Юркиныд абу нин сэтшөм мелі да шань, кызди чайтанныд. Сы вылө норасьліс и управляющөй.

— Да, сылөн кывйыс лэчид,— пырис сөрнийө Пипу-

ныров.— Некутшом авторитет сылы абу. Поряясө бонбус видас. А ачыс? Со кык лун нин конкө бовьялө, абу удж вылын.

— Тода, мыйысь скораланныд,— Старцев мигнитис управляющойлы.— Некумынысь тянос Сергей дивитлис. Йоз вылө весьшөрө горзомысь, трактор сулөдөмысь...

— Нинөмла ота-мөдөс печлавны,— өлөдис Лодыгин.— Ми чукөртчим, медым лөсьөдны гижөд. Позьө заводитны тадзи: «Юркин уджалө трактористон некумын во. Тайө кадколастнас сийө асьсө эз петкөдлы бур боксянь, дышөдчө, торкалө дисциплина, оз кывзысь овмөсөн веськөдлысьяслысь».

— Тайө оз лөсяв сылы,— паныд сувтис комсомольской секретарь.— Ти менө шензьөданныд!

— Том на вензыныс!— дөзмис директор.— Кор воан менам арлыдөдз, гөгөрвоан, мый гижны татшөм лөөмторьяс дырйи. Да, висътав, кутшөм общественной удж нуөдө тэнад Юркиныд?

— Дружинник, веськөдлө комсомольской прожекторон.

— Тайө ещө нинөм йылысь на оз висътав,— директор сетис төдны, мый тырмас вензыны.— Гижам водзө: «Общественной оломын оз петкөдлы некутшөм водзмөстчөм».

Дыр чөв олом бөрын кыв босьтис профсоюзон веськөдлысь:

— А меным мый вөчны? Юркинлы неважөн на сетим коммунистическөя уджалысьлысь ним. Сылөн снимокыс Почёт пөв вылын.

— Снимоксө өнi жө босьтөй,— шуис Лодыгин.— Сы местаө колө пуктыны мөдлысь, медым пөв вылас эз вөв тыртөм местаыс. А нимсө? Кыдзи сетинныд, сидз и бөр мырддьөй.

Телефонлөн гораа тринькнитөм шы ородис гижөд лөсьөдысьяс костын сёрни. Трубкасө босьтис Лодыгин. Здук мысти сылөн чужөмыс төдчымөн еждөдлис. Ди-

ректор весиг дөрөм кизьсө разис. Сэссия трубкасо пук-
тигмоз шуис:

— Ачыс милицияса начальник звонитлис.

— Ме сидз и тоді, мый сылөн вильшасьёмыс бурөн
оз помась. Быдлао нырсө суйё,— медым сөмын не чөв
овны, шуис управляющой.

— Сергейным лёк шышөс кутигөн доймалёма,— во-
дзө сёрнитіс директор.— Оні больничаян куйлө. Тэ,
Виктор, ветлы видлы сійөс, гөснеч ну. А цехкомлы талун
жө колө лэдзны повтөм морт йылысь гижөд. Медым
быдөн тодө, кутшөм бур мортөс ми быдтім асланым
коллективын.

Руч ку шапка

Автобус ньөжйөник вөрзис да мөдөдчис көрт туй
станциялань. Пашкыр руч ку шапкаа том мужичой пука-
лис «челядя мам-батьлы» гижөдувса местаын да круч-
көдіс семечки. Кышсө джоджө пөляліг, сійө гирсийөдліс
кузь гыжа певнас руалөм өшинь.

— Деньга босьтоны, а стеклөсө некодлы чышкышт-
ны!— гораа броткис пукалысь чирөм гөлөсөн. Весиг му-
нысьясыс видзөдлісны сылань: мыйкө пө, тыдалө, лоис
тайө мортыскөд. Но пашкыр шапкаа став вылас видзө-
діс веськодя да дөзмөдчис водзө:

— Сувтланіньяссө өд позьө жө юөртны...

Орчөн сулалысь пөрысь баб чышкыштіс вазьөм
синьяссө да муртса кывмөн шуис:

— Пиук, шоперыс жө висьталіс, мый... Вөрзим Теат-
ральнөйсянь, а локтаныс — Войвыв кыа улича.

Том мужичой неокотапырысь бергөдіс юрсө баблань.

— А тіянкөд ме ог сёрнит. Пөрысьяслы бурджык чөв
овны.— Сійө мырдөн сорөн кызөктіс. Сэссия кыскис порт-
манетсьыс проездной билет да виччысьтөг уськөдіс
джоджө.

Баб лэптіс билетсö да сетіс пашкыр шапкаалы.

Тайö аддзылөмторйыс вермис пыр кежлө саймовтчыны паметь сэрөгö, некымын лун сайын кө бара эг паныдась руч ку шапкаакöд.

Магазинын сулалісны да меліа варовитісны кык нывбаба, кызди бур төдсаяс дыр аддзысьлытөм бöрын. Öтиыс томиник на, мöдыс арлыда нин.

— Саша,— шыасис томджыкыс касса дорын сулалысь мужичöй дінö,— мый колö, сійöс и ньöб. Сэссия кутыштліс кисö пöдругаыслысь.

— Тöдінныд кө эськө ті, Анна Ивановна, кутшöм авья да шань менам верöсöй. Виччысям гöстьясöс,— томиник нывбаба гажаа серöктіс:

— Ошйысьныс ог вермы, Анна Ивановна. Саша гортын ставсö ачыс пелькөдö-вöчö. Весиг носкисö дөмлыны оз сет. Тэ, шуö, мудзин, шойччы. Джодж мыськө и. Пусыны-пöжасьны велөдчис. Сэтшöм бур, некор оз дözмөдчы, оз пукты асьсö ыджыдö. Со и ачыс воö.

— Саша, лок татчö.

Матыстчис том вежавидзысь мужичöй. Киас вöлі ыджыд кучик сумка. Юрсö копыртлөмөн чолөмасис, босьтіс гöтыр кисыс прöдукта тыра сетка да меліа шуис:

— Вай ме нуа...

Тайö вöлі автобусын аддзылөм руч ку шапкаа том мужичöй Саша, кодлөн кык бан. Öтиыс гортсаяслы, мöдыс — бокөвöй йöзлы.

Врач дорын

Этша сёрниа Павел Öльöш заводитіс нёрпавны-висьöдчыны. Гöтырыс тшöктіс пыравны врач дорö.

— Мый вылө норасянный?

Павел Öльöш пыркнитіс юрнас.

— Кыті, мися, висьö?— юаліс врач.

- Быдлаті,— сөмын и нурбыльтіс.
- Төрыт курыдтор эн видлөй?
- Павел Өльөш бара пыркнитіс юрнас.
- Гашкө, лишнөй мыйкө сөйиннид?
- Рушкутө оз орйөдлы?
- Ме жө лечитчыны вои, а ті сөмын юасянный мен-
сьым.

Врач видзөдліс висьысь вылө да шуис:

- Тіянлы бурджык шыөдчывны ветврач дорө.
- Мыйла?— чуймис Павел Өльөш.
- Аслас висьысьяслысь сійө некор нинөм оз юав.

Куран

Сидөр Иван эз радейтлы мыйкө уджйөзавны мукөд-
лы. Но бур төдсаясөс век жө могмөдліс. Неважөн Иван
дорө шыөдчис Пиля — дача кузя ёртыс.

— Ме тэ дорө могөн...

— Куранысь кындзи, менам нинөм абу,— пыркнитіс
юрнас Сидөр Иван.

Пиля жергөдіс пиньтөм вомсө.

— Мем буретш сійө и колө. Көзалы турунтор ытш-
кышти да куртыштны көсья.

— Кильчө дорын сулалө. Босьт мунигмозыд.

Лун-мөд мысти Сидөр Иванлы аслыс ковмис кура-
ныс. Рытнас локтө Пилясө.

— Көзяиныд гортын?

— Абу,— вочавидзис гөтырыс.

— Көні нө?

— Операция вылө водіс.

— Водтөдзыс нинөм эз висьтав?

— Эз.

— Эг чайтлы, мый сійө сэтшөм...

— Мый нө лои?

— Куран босьтліс да бөрсө эз бергөд. Висьтав, ме-
дым водзө тадзисө оз нин вөч.

Сиктса дед

Оти гожся лунö сиктса дед пырис карса ресторанö мыйöнкö горшсö кётöдыштны. Босьтис меню да заводитис лыддьöдлыны: компот, кофе, чай... И медбöрын кокниа ышловзис: татшöм юанторсö пö нэмön на эг видлы.

- Меным кык стöкан Арахвани,— шыасис дед.
- Тайöс ме вöчны ог вермы.
- Мыйла?
- Тайö миян директорным.

Сöстöм морт

Кадръяс отделса начальник Бобров шпуткис-куритчис да кадысь кадö чукля чуньнас инмöдчылис балябöжас.

— Ну... Висьтась водзö.

Удж вылö медасьысь Морковкин пызан сайын пукалысьлön быд юалöм вылö вочавидзис дженьыда.

- А курыдторнас дурлывланныд!
- Ог.
- Весиг пивоöн?
- Да.
- Куритчанныд?
- Ог.
- Гашкö, и нывбабаяс вылö он видзöдлывлöй?
- Ог.
- Мыйла нö сэтшöм частö тэнö вештöны öтилайсь да мöдлайсь?
- Нинöмсьыс.
- А отсöгла шыöдчылінныд?
- Эг.
- Некутшöм тырмытöмтор али мый сэсся тиян абу?
- Мыйла абу? Эм öти — збыльторсö ог висьтав пыр.

Зятыд нуис

Том гозья буретш пажнайтісны, кор на ордö пырис тьöщайс.

— Лун-мөд кежлö локті.

— Зэв бур. Пуксьöй миянкөд, нурьясьыштöй,— меліа шыасис зять.

Тьöща гонькнитліс-видзөдліс шкап сайö и аслас синьяслы эз эскы.

— А көні нö менам крөватьöй?

— Зятыд дачаö нуис.

Выль олөм

Удж бöрын верöс воис нюмьялігтыр.

— Бара нин удитöмьд кокыштны,— уськөдчис исасьны гөтырыс.

— Öшыбайтчан.

Верöс кыскис зепсьыс быдса пачка деньга да швач пуктіс пызан вылö.

— Со... удждон вайи.

Гөтырыс шай-паймуні.

— Та мындаыс нö эськө тэныд кысь?

— Водзті тэысь пöшти джынсö дзеблывлі, а öні меным нинөм деньгасьыс.

— Ме ачым тэныд сулеятö кута пуктыны,— көсьысис авья гөтыр.

— Оз ков. Талунсянь ме лыддьыся садь юрөн олысьяслөн обществоса активнöй членөн. Гөгөрвоин?

— Аминь-аминь тай. Тэа-меалөн выль олөм воссяс,— нимкодясис гөтырыс да кыкнан кинас шашаритчис сьом чукорад.

СЁРНИ-БАСНИ

* * *

— Бать, мыйла нө тэ школао собраниеяс вылө он ветлывлы?— юалө пиыс.

— Яндзим, лёка велөдчан да.

* * *

— Мам, менө Толик коралө. Нэм чөж пө кута нов-
лөдлыны ки вылын.

— Бур. Көсйысин?

— Ме эськө талун көть петі, да пөрысь бабкөд абу
окота торйөдчыны.

— Босьт сійөс сьөрсьыд.

* * *

— Бать, кодъяс нө найө «несунъясыс»?

— Сэтшөм йөз, кодъяс удж вывсьыс нуоны гортаныс
ставсө, мый веськалө налөн ки улө.

— А ме чайті, мый найө гусьясьысьяс жө,— ышлов-
зис пи.

* * *

Петя локтіс школаысь да дузвидзө.

— Мый нө, пиук?— юалис мамыс.

— Сэтшөм кокныдик задача батьөй абу вермөма
решитны. Оз кө ачыс сяммы, мед сюсьджык мортөс
медалө.

* * *

- Гөтралісны өтка пиёс. Вежон мысти батыс юалё:
— Ну, пиук, кыдзи оланнэд тыёщаыдкөд?
— Бура. Мый кора, сійёс и вөчө.
— Сідзкө, этша коран.

* * *

Каникульяс дырйи студент вайис гортас томиник
нывкаёс.

- Мам, тайё менам гөтыр.
— И важөн төдсаёсь?
— Сюрс сайё километр өтлаын лэбим самолётөн.

* * *

Первой классын велөдчысь норасьё мамыслы:

- Папөй сөмын задача решитіс.
— А мый сэсся низган?
— Ссылөм кузя заданиесө оз көсйы вөчны.

* * *

Бать видлаліс пиыслысь дневниксө.

- Первой двойкасө нө мыйысь пуктісны?
— Мамлысь юалөй.
— А мөдыс кыдзи чужис?
— Тайё дедрөн.
— Тройкаыс сідзкө менам?
— Да.

* * *

- Тэ отсалан пөрысь мамыдлы?
— Дерт жө.

- Аттьоалө, инө, тэнө.
— Ёнджыкасө нарсудөс... Сы пыр гартчө отсасяна
йтөдыс.

* * *

- Куритчанинын сёрнитөны кык мужичөй.
— Тэнад нө пиыд кымынөд классын нин?
— Квайтөдө вуджис.
— А тэнад?
— Тыдалө, коймөдын. Первой воын серти өні тай
сёянсө босьтө куим пөв унджык-а.

* * *

- Төрыт Митя рытывбыд чөсмасис кампетөн да ним-
кодъпырысь шуалис:
— Ок и чөскыд!
Талун сылы бара вайисны сэтшөм жө кампет. Но
Митя эз нин сэтшөма радлы.
— Төрытьяыс чөскыдджык вөлі.

* * *

- Тэнад пө пиыд музучилищын велөдчө?
— Да. Быдса во нин.
— И кыдзи?
— Зильө. Сөмын куим скрипка на жугөдіс.

* * *

- Школаын:
— Висьтав, Коля, коді решитіс тэныд тайө задачасө,

батыд али мамыд?— юалö велöдысь.

— Ог төд. Ме сэки ывлаын ворсі.

* * *

— Бать, ті шуанныд, мый кабинетад уна пызан. Оти сайын пукалö Мария Ивановна, сыкөд орччөн — Кузьма Иванович, а öшинь дорас Лукич дядь,— шыасис пиыс.

— Но и мый?

— А кор нö найö уджалöны?

* * *

Эня-ныла лөсьөдчöны кинотеатрö. Мам бергалö зеркалö дорын да баситчö. Матыстчö нылыс:

— Мам, эн краситчы. Залас öд пемыд лоö.

* * *

Бура велöдчöмысь батыс кöсийс пиыслы ньöбны велосипед. И кызкө рытгорув батыс юалö:

— Кутшöм оценка талун вайин, пиук?

— Омöльöс.

— Мыйла нö?

— Гортса уджсö вöчны эг эшты. Ёртлөн велосипедөн ветлөдлыны велөдчи.

* * *

Висьысь пилысь бать юалис:

— Врачыс воліс тэ дорö?

— Да.

— Дөрöмтö пөрччөдліс?

— Эз.

— И укол эз вöч?

— Эз. Сöмын киöс босьтліс, сэсса видзöдліс аслас часі вылö, мунö али оз, да бөр лэдзис.

* * *

Врач дорö пырисны куим чой.

— Кора тіянöс, нетшыштöй менсьым висьысь пинь-öс,— шыасис шөркостыс.

— А мукöдыслы мый колö?

— Нинöм оз. Найö көсйöны кывзыны, кызди ме кута бөрдны.

* * *

Первой классын велöдчысь локтіс школасьыс да виччысьтөг шуис бабыслы:

— Учительным миян нинöм оз тöд.

— Чөв! Кызди тэ лысьтан татшөмтор шуны?

— Мыйла нö инö пыр миянлысь юасьö, ми öд нинöм жö ог тöдöй.

* * *

Ичөтик Коля юалис батьлысь:

— Папа, көні тэ чужлін?

— Кулөмдінын.

— А мам?

— Көрткерөсын.

— А ме?

— Сыктывкарын.

— Кутшөм нимкодь, мый ми водзвыв сёрнитчытөг аддзысим.

* * *

— Мый талун велөдіннүд школаад?— юалис пиыслысь мам.

— Гижны.

— А мый гижиннүд?

— Ог төд. Ме өд ог на куж лыддысьныс.

* * *

Ичөтик Мишалон вөлі медводдза велөдчан лун.
Урокъяс бөрын воис гортас и ошйысьо:

— Миян зэв бур учитель.

— Мыйөкө велөдіс нин?

— Эз. Аски бара корис локны школаө.

* * *

Верөс звөнитө гөтырыслы:

— Вай ветламөй кино вылө.

— Окотапырысь.

— Эм кык билет көкъямыс час кежлө.

— Зэв бур! А коді тайө звөнитө?

* * *

Директор локтіс гортас, кыдзи и пыр, сөрөн.

— Мыйла нө тарыт он видчы?— юалис гөтырыслысь.

— Меным дышөдіс нин.

— Жаль. А талун ме збылысь удж вылын сөрми.

Ревизоръяс волісны.

* * *

— Миян магазинса директоркөд, тыдалө, мыйкө лоома.

— Мый нө сэтшөмыс?

— Тшөктө, медым ми куим пыдди уджалім.

— А ті?

— Өнөдз эськө ставсө на эштылім вөчны. Отделын өд ми сизимөн.

* * *

Том гозья пуксисны пажнайтны.

— Талун супыд абу нин сола,— ошкыштіс верөсыс гөтырсө.

— Өд нинөм эг содты, пось ваысь кындзи.

* * *

— Ті коминас сёрнитанныд?

— Ог.

— А коми гижөд верманныд вуджөдны роч кыв вылө?

— Уна-ө мынтанныд?

* * *

— Тьөщасянь талун бара воис письмө.

— Мыйкө выльтор гижө?

— Сылөн пыр өти юалөм: кор пө позьё волены тія-нөс видлыны.

* * *

Степанлөн гөтырыс өтпырйө вайис кык пи.

— Кыдзи нө торйөданныд найөс өта-мөдсьыс?— юалө суседка.

— Зэв кокниа. Чөв олысьыс — Ваньө, а бөрдысьыс — Петьө.

* * *

Суд видлаліс торйөдчөм йылысь шыөдчөм.

— И важөн нин дугдінныд гөгөрвоны өта-мөдны-тө?— юаліс судья верөсыслысь.

— Март дасөд лунө тырө кык во.

— Весиг лунсө төданныд?

— Дерт жө. Тайө вөлі миян свадьба лун.

* * *

— Ті бура ветланныд машинаөн?

— Ог лёка. Талун ньөтчыдысь на эг зурасьлы.

* * *

Гөтырыс висьталө аслас верөс йылысь.

— Некор эг чайтлы, мый дас во мысти сійө татшө-мөн лоас.

— Юны али мый кутіс?

— Быд рыт меным дзоридз вайө.

* * *

— Эм-ө морт, коді тэнө лыддьө медся бур другөн?

— Кор да кутшөм кадө...

— Абу өмөй өткодъ, тулысын либө арын?

— Чери кыян кадө, пример вылө, ме дорын төлысь чөж олө туй вөчысь начальник. Тшак вотігөн частө кежавлө ме ордө банкса управляющөй. Оз кедзовт менө и пув өктыны радейтысь карса өти ёрт. Чина морт жө.

* * *

— Ті важөн нин новланныд өчкисө?

— Сійө лунсяныыс, кор гөтырөс чукөсті суседлөн ныв пыдди.

* * *

— Вузасьысьыс тэныд став чигъя яйсө бөрийс, а меным, со, лыа кусөксө веситіс.

— Сійө өд менам гөтыр.

* * *

Орчча патераын олысь гөститөдіс суседкасө котлетөн.

— Ок и чөскыд. Асьныд вөчинныд?

— Эг. Кулинарияысь вайи. Сөмын ме яйтор сэтчө пукті да лук шырышті.

* * *

— Мыйла нө тэ куритчан пыр телефон дорад?

— Пола, вермасны чайтны, мый ме абу удж вылын.

* * *

— Менам начальник кык төлысь кежлө лосьодчө мунны шоньд море дорө.

— Кытысь нө сы мында съомыс?

— Мыйта ковмас, сы мында и чукортам, медым сөмын мунө.

* * *

— Мыйла ті удж вылад серамбана гижөдьяс лядянныйд?

— А мукөдторйыс юрө оз пыр.

* * *

— Төданныд, удж кузя менам ёрт лунтыр пукалө да мөвпалө.

— А мый нө инө вөчө шойччан лунъясө?

— Гөтырыс шуө: прөста пө пукалө.

* * *

— Мыйла нө выль сусед вылад анонимкасө гижин?

— Мукөд вылас гижлі нин.

* * *

— Петя, кызди овсьө том гөтырыдкөд?

— Ог норась. Пөлөй чай пузьөдлывлө, а ме пуся да пөжася. Отлаасьөмсянь отчыдысь эг вөв столовойын.

— Со өд, бур гөтырыд быдтор вөчны велөдас.

* * *

— Бөръя кадö менам гөтырöй броткыны кутіс, сёр-мышта кө удж вылын,— норасьö другыслы Жора.

— Ме вывті тайö прöйдитіс жö.

— Мыйöн нö сэсса помасис?

— Ог вермы висьтавны, кызди тайö артмис, но öнi кыв ни джын оз шулы.

— Дивö тай. Мый нö ськөд лои?

— Нинöм. Сöмын водздзык кутіс водны. Кор ме воа, сійö узьö нин.

* * *

— Бөръя воясö гөтырыд пыр частöджык тэнö ошкö. Раммыштін, тыдалö, воча кыв он шу.

— Пельясөн куті лёка кывны.

* * *

— Тіян совхозын лоины жö вьльторьясыс?

— Дерт жö. Сöмын бөръя кык воөн вежсис куим директор, квайт управляющöй. Вьль йöз жö пукалёны главнöй специалистьяслөн улöсьяс вылын. Позьö шуны, мый сöмын важ ногөн муно йöv да яй вöчöм.

* * *

Пöдругаяс мөдөдчисны клубö.

— Таня, вай Иван сайö пет. Зэв прамöй зон: оз куритчы, оз ю-кодав, уджач, варов...

— Тайö збыль. Но характер серти ёнджыка лöсялö Сеня. Сійö гожöм чöж тшак-вотöс öктö, сяммö пö пусьыны.

* * *

Бригадир дөжналө рабочёйлы:

- Мыйла төнлун удж вылө эн волы?
- Роддомө ветлі... Гөтырөй пи вайис.
- Лунтыр али мый?

* * *

- Кывлі, мый верөсыдлөн кынөмыс бара висьмөма.
- Да.
- Мый нө лои?
- Кокбөрляысь кос гадь бырөдан лекарство менсьым юөма.
- А өд век вөлі шуө, ме ог ю.

* * *

- Загсысь петөм бөрын том гөтыр верөсыслысь юалө:
- Тэ бура кутан овны мекөд?
- Дерт жө. А мыйкө кө неладнө вөча, миян местком пырысь-пыр казялас да чирыштас.

* * *

Сёр рытын кык мужичөй, гажаа варовитіг, петөны кафеысь.

— Татчө кежавлөмсьыс тэнө гөтырыд оз вид?— юалө өтиыс.

— Кык лун мысти тырө төлысь, кызди эг кывлы сылысь гора гөлөссө.

— Майбыр! Мый нө ськөд лои?

— Нинөм. Курортын шойччө.

* * *

— Виль воон тiянöс, Иван Иванович? Мый нин вильыс?

— Нинöм абу.

— Со öд олöмыс пуксис! Весиг виль воын вильтор-тöг олам.

* * *

Öгаш тьöтлөн Маланья нылыс быд паныдасьысьлы норасьö:

— Сёрни паськөдöны, мый ме петі верöс сайö деньга вöсна. Тайö сөрөм! Ме талун не сöмын тöдмалі, мый менам верöслөн абу дас, а дас кык сюрс шайт.

* * *

— Талун ті бара кык час сёрминныд удж вилö,— шус директор секретаршалы.— Тiян местаын кө, ме эг нин и лок.

— Ті верманныд не локны, а менам сөвесьöй эм на.

* * *

Кыдзи и мукöд, юны радейтысьяс пöраясö шмонитöны жö.

— Талун комын арöс меным тырис.

— Чужöм сертиыд кө, сійö лун-мөд бöрын на лö.

* * *

— Талун миян директорным быдөнлы кисö чургөдö, первойөн чолöмасьö. Мый ськөд?

- Тарыт собрание лоо...
- Но и мый?
- Сэні кутасны бөрйыны депутатö кандидатос.

* * *

Начальник корис секретаршасö.

- Менам докладын став «ме» пыддиыс пуктав «ми».
- Мыйла?
- Тöлысса планыс эз тыр.

* * *

Огаш тьöt дорö пырис орчча керкаысь ичötик Толик.
Варов суседка юалис:

- Мый нин талун тiян вöчöны?
- Мам да бать кытчökö мунiсны. Вова вокöй книга лыддьö.
- А дедыд?..
- Дед ыстiс менö тiянö, медым ме эг видзöд, кызди сiйö варенньöон чай юö.

* * *

Кöзьяка юалö квартираын олысь том нывлысь:

- Мыйла нö вокыд дугдiс волывлыны тэ дорö?
- Öнi сылөн мöд чой эм.

* * *

Паныдасисны кык детинка.

- Кывлiн, лунвывса öти олысьлы пö 141 во тырöма?
- Нинöм шензянаыс танi абу. Менам дед кö öнöдз оліс, то öнi вöлі ёна пöрысьджык.

* * *

Контораён веськөдлысь дорё пырис сылён отса-
сьысьыс.

- Талун өти рабочёй тэнö шуис йёйөн...
- Чайта, мый тэ сетін сылы колана воча кыв?
- Дерт жö. Мися, тэ сыысь на йёйджык.

* * *

Том зоотехник первойысь пырис фермаö. Ветлөд-
лыштіс öтарö-мөдарö, матыстчис доярка дорё да юалö:

- Сюръяса тайö тшөг мөскыс лысьтö жö? Вöраыс тай мукөдъясысь зэв нин ичöt да.
- Миян öшъясыд оз лысьтыңы.

* * *

Контораö локтіс выль уджалысь. Сійö пукаліс жугыль.

- Мый кө тэнö дөсадитö?— юалісны сылысь.
- Менам абу квартира.
- Абу кө сійö, кызди вермас дөсадитны. Ни дзонь-
талөм, ни краситөм вöсна оз ков тöждысьны.

* * *

Метеостанцияö звөнитысь веськаліс ресторанö.

- Субöта кежлö позьö корны бур поводдя?
- Дерт жö. Кымынөн ті лоанныд?

* * *

Варовитöны контораын пукалысьяс.

- Кымын лун коли удждон сетавтöдз?
- Часлы, портманетöс восьтыла.

* * *

Футболон ворсысьӧс корӧны вуджны мӧд командаӧ.

— Миян лоӧ бурджык. Удж вылад кутан ветлыны сӧмын удждонсӧ босьтны.

— Ветлыны? Оз ӧмӧй ло аслам машина?

* * *

Склад дорын шкоргис-узис стӧрӧж. Матыстчис зав да заводитис гораа броткыны:

— Ещӧ ӧд шуӧ, мый войбыд пӧ син ог куньлы, понйӧй увтчӧ да...

— Но сійӧ тавой эз вӧв,— вочавидзис склад видзысь.

* * *

Кор совхозса директорлы тырыс ветымын арӧс, асылс замӧн босьтис комын арӧса зонмӧс. Тайӧс кывлӧм бӧрын кызкӧ ӧтчид пелькӧдчысь юалис:

— Кывзӧй, дас во мысти сылы лоӧ нелямын арӧс. Ещӧ дас во мысти тӧянлы лоӧ сизимдас, а сылы — ветымын. Мыйла тӧянлы татшӧм пӧрысь замыс?

* * *

Академиялӧн филиалын сӧрнитӧны кык пӧрысь научнӧй сотрудиик.

Ӑтиыс нурбыльтис:

— Окота овны ещӧ дас во.

— Мыйла буретш сымда?

— Думысь пылысь писӧ ас местаӧ виччыся.

* * *

Оти асылö пöрысь бухгалтер паныдасис тöдтöм морт-кöд.

— Уна вояс пукалöм бöрын меным зэв окота быд лун ветлöдлыштны.

— А мыйысь тi пукалiнныд?

* * *

Газетын уджалысь норасьö лыддысьысьлы.

— Рытьяснас сёрöдз гижа да зэв дыр ог вермы ун-мовсьыны.

— А тi заводитлöй лыддыны сiйöс, мый гижинныд.

* * *

— Ассьым удждонсö ме сета гöтырлы кык пöрйö.

— Но?

— Первой сё шайт, а здук мысти сета ещö кык даса.

— А мыйла?

— Тадзисö сiйö эскö, мый ме аслым нинöм эг коль.

* * *

Базар вылын паныдасисны кык мужичöй.

— Тайö нö тэ, Иван? Бөръя вит вонас сэтшöма пöрысьмöмыд, мый другөн эг и тöд.

— Эн кө вöв тэ аслад руд шляпанад да важиник сера пальтонад, тэнö эськö эг жö тöд.

* * *

— Менам пиöй воис-во пыр ёнджыка мунö Степан-лань.

- А коді нө сійӧ?
- Менам сусед.

* * *

Сидоров локтіс стадион вылӧ, кор футболӧн ворсӧ-мыс нин помлань.

- Кодыс нӧ вермӧ?
- Тшӧтыс абу на.
- Сідзкӧ, нинӧм эг вошты, кӧть и сёрми.

* * *

Совещание бӧрын совхозса директор локтіс гортас жугыль.

- Пӧдрада удж йылысь сёрни вӧлі...
- Но и мый?— серӧктіс гӧтырыс.
- Медым совхоз контораын котыртны уджсӧ семейнӧй пӧдрад серти, ковмас нылӧс сетны верӧс сайӧ. Эм миян гӧтыртӧм главнӧй инженер. А пиӧс индыны кас-сирӧн.

* * *

— Ырӧшyd тай зэв шонyd,— вузасьысь дорӧ шыасис нывка.

— Оз вермы лоны! Асывнас на бакас быдса ведра кӧдзyd ва кисьті.

* * *

Паныдасисны пон радейтысьяс.

— Менам Серкоӧй прамӧй морттӧ некор оз увт. А вот кузь киатӧ оз радейт.

- Сідз кө, збыльысь бур.
- Вузала, ньоб.
- А мыйла вузалан?
- Кызди индїсны складса завон, и ме вылө кутіс эргыны.

* * *

- Директор корис ас дорас кадръяс кузя отсасъысьос.
- Висътав, эм-ө миян коллективын ыджыд вежора, сюсь морт, кодос эськө талун жө позис пуксьодны менам местао!
 - Эм.
 - Сідзкө, и тэ көсьян, медем менө чөвтисны?

* * *

- Көм вуран контораса директор звонитө вурун летан цехса начальниклы.
- Парикмахерскöй али мый нин восьтінныд? Менам секретарь час кезлө и вöйысьліс тіян цехö, а бöрсö воис кудритчөмөн.

* * *

- Педөр Ольош водзті нимавліс кузь киа мортөн. Оні сійос шуоны несунөн.
- Картопель бөрйыны көть ветлін,— шыасис сы дорө бригадир.
 - Ветлі көть эськө, да гортын тыртөм мешөкыс абу.

* * *

Мунисны математика кузя экзаменьяс. Кабинетысь петö гөрдөдөм чужома зон. Сійөс кытшалісны ёртыясыс.

— Тайö пөрийö, көнкө, вочавидзин нин?

— Эг. Вєськаліс сійö жö билетыс, кодi вöлі водзынас.

* * *

Сёрнитöны кык пöрысь дед.

— Аски, буракö, лым кутас усьны.

— Лыясыд кутісны юкавны али мый?

— Эз...

— Мыйöн, инö, тöдан?

— Асывнас радио пыр юөртісны, мый локтан луньясö поводдяыс оз вежсьы.

* * *

Бильярдöн ворсысь пунктіс бедьсö пельпом вылö да юаліс сы дорö матыстчысь учительлысь:

— Кыдзи нин велөдчö менам Витюк пиöй?

— Ворсөм бөрас ме тiянлы гортсянь звөнитла.

* * *

— Тэнад гöтырыд мыйкö талун дзугыль. Оз-ö нин висьöдчы?

— Оз эськө да. Со тай томдырся туфлисö мырдöн көмалöма.

* * *

Директор корис рабочкомса председательс.

— Талун газетсö лыддин?

— Эг. А мый?

— Чөртыс төдө, мый вөчсьө тэнад контораын. Коді мый думайтө, сы йылысь и гижө.

* * *

Том йөзлөн сёрниысь.

— Кытчөкө дас шайта бара вошти.

— И важөн нин тайос казялін?

— Сысянь, кор Нина эновтіс менө...

— Сідзкө, выльысь колө гөтрасьны.

* * *

— Иван, мыйла нө талун дугдывтөг ва бучкан?

— Асывнас магазин дорын ырөш юи.

— Но и мый?

— Тыдалө, ванас сорлавны вунөдөмны.

* * *

Кык пөрысь нывбаба пукалісны пызан сайын да паня-сигмоз ньөжйөник варовитісны.

— Тэ, Марпа, он и пөрысьмы.

— Абу на вежсьөмыд и тэ, Пекла. Шмонитан, кызди и том дырйиыд.

* * *

Верөс пукаліс телевизор дорын да видзөдіс футболөн ворсөм, коді вот-вот помасяс.

Котөрөн пырө гөтырыс.

- Степан, керка сотчө!
- Энлы... А кодлөн?
- Миян.
- Мый тэ сулалан? Өдйөджык звөнит кусөдчысьяс-лы, кор суседьястө... А ме пырысь-пыр...

ВАСИЛИЙ СЕРДИТОВ

КОМАНДИРОВКАЫН

Бурдөдіс

Низгун Петыр, совхозса плөтник, вөлі мудер мортөн. А мудеритны ковмывліс дышыс вөсна. Төдсаясыс серавлісны, дышыс пө сыысь дас воөн водз чужлөма. Сусед-врачсө лябсьөм-низгөмнас Петыр дзикөдз пикө воштис. Мөдыслы быть жө больничной листтө лоө сетны: абу мастер висьөмьястө төдмавны. Но кор өти и сійө жө висьөмөн шыөдчөны, збыльысь дөзман. Вот и сусед-врачыд босьтчис Петырөс велөдыштны.

Выльун асылө Низгун Петыр пырө сусед-врач дорө. Элясьө, сөянторлысь көрсө пө дугді кывны и паметьөй дзикөдз воши. Төрыт мый вөлі, талун ог нин төд. Врач чургөдіс сылы водзвыв дасьтөм таблетка. Ю пө тайө лекарствосө, и ставыс лоө бур.

Аскинас «висьысь» бара сулалө врачлөн кабинет өдзөс дорын. Эз пө, друганөй, таблеткаыд отсав. Мөдарө, лөкджык лои: и гыркйөй торксис. Врачыд бара мыччө төрытья кодь таблеткасө. Петыр босьтис, пиньнас видліс, сэсса сьөласьны пондіс: «Мый нө тэ, смекайтчан али мый? Өд тайө төрытсчя чөскыдтөм лекарствоыс!»

А врач-суседыс и шуö:

— Вот, Петр Никодимович, кыкнан висьюмыс тэнад прöйдитöма. Öнi тэ көрсö кылан, и паметьюд бөр юрад воöма.

Та бöрын Низгун Петыр вунöдiс туйсö больничалань.

КОМАНДИРОВКА.

Асыв. Гортын. Паськыд диван.
Гöтыр. Челядь. Гөрд «Москвич».
Трест. Отдел. Начальник дiнын.
Самолёт. Мөд карлөн мич.
Уна удж. Командировка.
Сэтчö. Татчö. Сiдз и тадз.
Консультацияяс Главкын.
Мудзём. Душ. Виль дөрём-гач.
Рыт. Кафе. Дзик öтнас. Пызан.
Гажтём. Сумка. Вина доз.
Төдтём нывка. Румка. Бызгём.
Сёр. Такси. Зэв лөсьыд поз.
Югыд төлысь. Юём. Йөктём.
Шоныд вольпась. Радлун. Вөт.
Көдзыд. Садьмём. Няйтын сөткём.
Тыртём зеп. И паметь — сьöd.
Чугун юр. И лөг. И яндзим.
Петан туй. Вокзал. Вагон.
Кöч билет. Ас карös аддзём.
Шызьём горт. Начальник. Пом.

ОВЛӢ НА И ТАДЗИ

Мед тӧрыт воліс

Пискааӧсь жӧ лоины ӧнія йӧз. Бытьӧ гортаныс чӧс-кыдаджык сӧйӧны-юӧны. Эсйӧ мужичӧйыс дзык нин матӧ воштіс. Шыдыс пӧ кӧдзыд. Дерт эськӧ, кӧдзыд и эм. Ӧти сӧйысьлӧн ныр улысь бӧр вайи да. Шыд пиас гут веськалӧма. Гумовтіс эськӧ дай ставыс! Эз! Вежны тшӧк-тіс сӧянсӧ. Со тайӧ шыд бекарсӧ и петкӧді сйӧ дядьӧ-ыслы. Дерт, гуттӧг нин. Но и морт! Бара мыйкӧ абу сы серти. Ок и шуи эськӧ ме, да терпитны ковмас. Пытш кӧ пырӧма-а? Яй кӧ сӧйны окота, мед тӧрыт воліс.

Мун пет!

Автобусын анькытшлы некытчӧ усьны! Ноко, мый сибдінныд ӧдзӧс дорас, водзлань мунӧй! Коді ещӧ билеттӧм? Унмовсин али мый? Мыччы сьӧмсӧ. Кыдзи билет оз тырмы?! Мыйта сьӧм ыстін, сы дон и орӧді. Кодкӧ, гашкӧ, зептас саймовтіс? Мый лои? Петны эн удит? Эн на кӧ паляв, автобусад эн пыр! Нинӧм, бӧр локтігад петан. Мый? Коді хамитӧ? Ме? Кут-тшӧм культурнӧй! Мун пет автобуссыс, а то бара ӧдзӧс костас топалан!

Дубитӧм пась

Бур морт юӧртис, базаӧ пӧ дубитӧм пась вайӧмаӧсь. А ме быд вой сйӧс вӧтала. Пыр и мӧдӧдчи Петрович дорӧ. Козьналі Ригаысь вайлӧм сулея. Мортыс ӧти ви-

дзодласон гогорвоис, кутшөма ме сійос пыдди пукта. Пöрысь вутшлөн лыаыс нин киссьö, а коймөд гöтырöс вежис. Меліа сиа гозьялы бура овны. Бöрынджык нурбыльтышти аслам мог йылысь. Сэсся пукті ныр улас колана книгаяс вылö подписка. Аддза, синьясыс кодзув моз дзирдыштісны. Вöтын аддзылөм пасьтö аслас киясөн дзевис югыд мешöкö. Но аттьöсьыд пö платтьötö он вур. Мед тöдö та йылысь и асьсö вылö пуктысь Петрович, пукті пызан пельöсас французскöй мавтчан-баситчанөн көрöбкатор. Мед дона мөд джынйыс томмөд-час.

ПРОКÖЛӨН ПАСЙÖДЪЯС

Выльлун

Уп! Лов петтöдз тэрмаси, мед удж вылö ог сёрмы. Öдва удиті усьны небыд улöс вылö, радио чипсис öкмыс час. Вочасөн лювгисны и мукöдьяс. Кабинетным, бытьтö рака поз, заводитіс ловзьыны. Пансис сёрни. Висьтавлім öта-мөднымлы эмсö и абусö. Тешьяс кывзім да ваксим. Пажын бöрын Вугыровкөд шахматасим. Нельысь удиті ворссьыны.

Воторник

Асывсянь школаö пыралі: муса быдтаслысь урок вылас чери моз вом восьталөмсö видзөді. Кывнысö нинөм эг кыв. Рытнас дйтшкөдны ковмас. Мый сэсся сылысь босьтан? Кутшөм мам, сэтшөм и пи. Мөдысь школаад гöтырöс ыста, меным некор шöйтны да юрöс янөдны. Пызан сайын нин кроссворд вылын юрöс жугөдігөн скөрлунöй паляліс. Пажын бöрти сюркнялі киняулö отчет ты-

ра папка да муні трестö. Бытьöкө трестö. А сідзсö эськö Максаковкаö гөниті, машиналы запчастьяс йылысь другкöд сёрнитчыны.

Середа

Асывсяныс политинформация. Радейта ме тайö чассö. Öти кышакылö вежонсайса газетьясөн, а ме, гусьөн шкоргиг, войся вöтьясöс помöдз видзöда. Сэссия шойччыштöм да чайөн горш веськөдöм бöрын лавка пыр гортлань катовтла. Дерт, водзджык неуна. Висьталі, мый телемастерöс виччыся. Но кадыс тэрмөдлö, а нöшта удждонла на колö пыравны. Со и премия на сетісны, мыйкö тай этша öні. Мыркан лун-лун, позьö шуны, мыр бертан, а мынтöны...

Четверг

Талун веськөдлысь чукöртіс. Тані сөрöмыд век öткодь: план-лыдпас, тырмытöмторъяс йылысь бызгöм, а найö воись воö öткодьöсь. Да миян контораын олöмыс сэтшöм жö. Таво, кызди кольöм во, локтан во — кызди таво. Коскад оз лый. Мыйкö тай лысьöмöс мөдіс нюкрöдлыны. Поводдяыс, тыдалö, ворсöдчö. Со, несйöдіс и быдтор. Врач дорö ковмас кежавны.

Пекнича

Ур-ра! Вуджан висьöм аддзисны. Вежон чöж кута бурдöдчыны. Сідзкö, и чери кыйны петавны удита. Ок и кокниа жö овсьö сэтшöм веськөдлысьясидкөд. Асьныс нинöм оз вöчны, и миянöс оз сьöктöдны.

ЖЕЛЛЯСЬОМ ПЕВ

Пенсионер Мите Микулай поликлиникао пырис төв ныр моз. Водзё чургөдөмөн кутіс рузумөн тубралом шуйга певсө.

— Окмысөд кабинетас нө кодъяскө эмось абу?!— чилөстіс-юалис кузь лабичын юрнысө өшөдөмөн жугыля пукалысьяслысь. Здук-мөд дзоргыштіс на вылө да бара косьөбтіс гора гөлөснас:— Став төдса пенсионерыс, вөлөмкө, тани! Петыр Вась, Даньө Анна, Педьө Миш... Вись-минныд али мый?

— Гуляйтны локтім, мед врачьяссө гажтөм оз босьт,— шмонитыштіс Петыр Вась.

Микулай сатшкысис-пуксис төдсаяс костө. Тубралом певсө кутіс водзё чургөдөмөн ломалысь сись моз. Мөдіс юасьны, коді кутшөм могөн воөма татчө.

— Кутшөмкө ишемише тай көвьясьөма сьөлөмө,— нурбыльтіс Петыр Вась да юрсө лэдзис ещө на улөджык.

— Абу ишемише, а ишемия,— стөчмөдіс Микулай.— А төдан мый медся кокниа чергөдө сійө висьөмсө? Он төд? Калий! Быд лун колө аклявны да нылавны содз тыр кишмиш да кык яблөк. Кишмишыс озыр калийөн, а яблөкыс вөтлө холестеринсө, чышкө-мыськө вир сөнъ-яссө. Гөгөрвоин? Некутшөм врач ни лекарство сэсса оз ков. Да, пөлино, ещө колө быд лун ризъявны-котравны, дас километр, көмтөгыд... А тэнө, Анна Даниловна, ишемия жө мучитө?

— Код төдас мый. Поводдя вежсигас тай балябөжө быттө нөшкөн кленөдөны-а,— норасис олөма ань.— Нач код морт моз довьөдлө. Дай ки и кок юкалө, инө ог өшйы.

— Нөшкөн кленөдөмыс артмө давленньөысь. Тэнад

тшук давленньо,— юрсö дорлөдлөмөн да вомсö пыть-кыралөмөн төдмөдiс Микулай.— А төдан, кызди сыысы мынтөдчыны? Он? Но-о. Тайос он төд. Гоз-мөд вой кө узян лудикъяс пиын — давленньоыд быттьө эз и вөвлы. Да ещö гожөмнас кө пасьтөгьд пукалыштан вөрын, мыр вылын, нөньөдыштан лөк вирнад номъясос — некутшөм врачос он кут төдны. А юкалысы ки-коктө колө зыравны пось зараваон. Вежон мысти став юкалөмыс вунө. Тайос эн на кывлы? Но-о...

Быдтор төдысы гора гөлөса дядьө дорө матыстчисны и төдтөмъяс.

— А суйыд кө лөка уджалө?— юалө чышъян увсьыс өти пельсө чошкөдөм пөчө.— Мыйон өддзөднысө? Он төд?

— Төда! Термосын куим коръя турун пөжөм ваон. Сөйөм водзад стөкан джынйон нипыртан дай...

— Мыйон мынтөдчыны мыльясысы? Төдан он?— юалө вашъялөмөн мудер синма дядьө.

— Кызди ог төд. Төда,— пыркнитiс юрнас Микулай.— Вөвшомкора пөжөм ва колө юны. Став виртө весалас, кагалон кодь сөстөм лөө.

Гора гөлөса дорө чукөрмис йөзыс быдса табун. И код төдас, ещö кутшөм висьөмъясысы вермис висьтавны бурдөдчанторъяссө Мите Микулайыд, не кө өти том морт.

— Ти, сөрни сертиыд, врачьяс дорысы дас пөв унджык төданныд,— аминь вежливөя, небыдик гөлөсөн шуө кузь юрсиа том мортыд,— а асьныд, абу кө секрет, кутшөм могон эськө локтінныд врач дорас?

— Ме кутшөм могон?.. Кхе, кхе...— Мите Микулай тшөкмуні быдсөн татшөм юалөмсьыд, пельясөдзыс гөр-дөдiс, но эз жө кут пыксыны.— Да, ерөмаканьыд, пев-йөй желлясис...

Ставон серөктисны вак-вакөн. Сэсса шы ни төв лои.

ГӨТЫР МЫЖА

— Михаил Петрович, вай висьтав коллективыслы, кыдзи тэ, профсоюзса член, диплома специалист, активнӧй общественник, ставӧн пӧчитайтана морт, веськалӧн милицияӧ, мынтӧн комын чӧлкӧвӧй штрап!— юалисны профсоюзнӧй собрание вылын.

— Гӧтыр мыжа. Гӧтыр,— нурбыльтӧс Петрович.— Сӧйӧ нуӧдӧс менӧ музыкальнӧй театрӧ опера вылӧ. Пускалӧм бӧръя радас. Видзӧда сцена вылас. Дзорга. Весиг син ог лапнитлы. Кывза вом паськӧдӧмӧн, пель чошкӧдӧмӧн. Артистьясыс эськӧ аминь ӧна зӧльӧны, но гӧлӧсныс нач шырпиянлӧн кодъ. Нинӧм прамӧя оз кыв. Меным найӧ вывтӧ жалъӧсь лоины да, отсалӧм могысь, гоз-мӧдысь и бакӧстлӧ. Ещӧ на кӧсйи, да эг вевъяв. Котӧрӧн локтисны дружинникъяс, кватитисны шошаӧд да гургисны милицияӧ. Сӧнӧ и штрапуйтисны... Гӧтыр мыжа. Сӧйӧ нуӧдӧс театрас.

КАРТУПЕЛЯ ШАНЬГА

Кампет-преник вӧчан фабрикаын татшӧм собраниеыс некор на эз вӧвлы. Ок и варовитисны йӧзыс. Нинӧмысь повтӧг кӧритисны директорӧс. Кирӧ Аннаӧс. Мырдӧн тшӧктӧны петны пенсия вылӧ. А директор петитчӧ, водзасасьӧ.

— Кызь кык во веськӧдлӧ тайӧ киссьӧм предприятие-нас. Став олӧмӧс сетӧ производстволы. Верӧс сайӧ эг петав. Кага ни баля эг лӧсьӧдлы. Ола нач ӧтнам, ӧти жыръя патераын,— синва сорӧн висьтасис трибуна выв-сянь Кирӧ Анна.— Этша вылӧ вит во на верма веськӧдлыны дӧверитӧм коллективӧн.

— Пенсия вылӧ пӧра!— горзисны залсянь.— Арлыдыд тырмӧ нин. Виль директор колӧ.

— Мый ме кута вӧчны пенсия вылас? Керка йӧрын,

скамья вылын шляпвидзны пöрысь пöчьяскöд да сук-
лясьны!..

Кöть кыз эз зиль Кирö Анна водзö на мырсьыны тайö пост вылас, а дружнöй коллективтö венны эз вермы. Бöрйисны выль директорöс. Демократия. И со сiйö... пенсионерка нин. Асывнас йöзыс котöртöны удж вылö, а Анна жуйвидзö небыд вольпасьын. Сё майбыр. Некытчö оз ков тэрмасьны. Коркö-некоркö дözмис куйлынытö. Чеччис. Тапикасьыштіс. Жöввидзис öшинь дорын. Видзöдіс йöзыслысь öтарö-мöдарö жуёмсö. Сэсса дум босьтіс ветлыны магазинö. Ньöба пö нök да картупеля шаньга пöжала. Вöляникысь пасьтасис, босьтіс сумка да довгис магазинö.

— Меным нök колö,— шуис Кирö Анна вузасьысь том нывлы.

— Дозтö пукты вески вылас,— тшöктіс ныв.

Анна дзумгис кисö сумкаас — дозйыд абу. Вунöдöма босьтнысö. Тэрмасьтөг ветліс гортас. Бур, мый олö пöшти орчча керкаын. Том ныв кисьтіс нөктö дозьяс, веситіс, кабалатор вылö пасйис донсö да тшöктіс первой мынтысьны кассаö, а сэсса пö босьтан дозтö. Анна муніс кассаö, да бара на нинöм эз артмы: деньга көшельсö абу босьтöма сьöрсьыс.

Бара ковмис довгыны гортас. Весиг дözмыштіс. Пöсвятöдз пö лои котравны. Босьтіс кошелёксö, крапкис öдзöссö да тэрмасьöмөн нин рöдтыліс магазинöдзыс.

Нökйыд эськö лои картупеля шаньгатö пöжавны, но Кирö Аннаыд патераас пырны эз вермы. Ключсö вунöдöма улöс вылö шыбитöм пальтö зептас. А ключтöгыд кызди восьтан английскöй томантö? Ковмис суседьясьыслысь корны вöсни пурт да сiйөн гудйыны öдзöс куричсö. Вель дыр лукйысис. Час кык. Гашкö и, куим час. Коркö-некоркö öдзöсыд воссис. Жугöдтөг. Стрелкаясыс петкөдлісны кык час лун.

Ог нин мöд висьтавны, кызди тайö аныс шаньга коркасö вöчис да пуём картупельсö нырис-гудраліс, но

квaйт час рыт кежлө пöсь пöжасыс пызан вылын руаліс. Лунтыр тшыгйөн олөм бöрын пуксис чай юны. Ас пöжалөм шаньгаён чöсмасьыштны. Курччис да... ёна и юмрөдліс вомсö. Вөлөмкө, картофеля лятисö ни коркасö абу солыштöма. Нач дуб лоöма.

— Выживмөм пöч! Тьфу!— көритіс асьсö Кирö Анна.— А век на ещö директоравны окота, предприятиеён веськөдлыны. Тьфу!

КОДИ МЫЖА!

Роберт Бывалов муртса эз веськав мөдар югидö — сэтшөм ёна прöстудитчис уна судтаа керка гөбöчын узигөн. Öтарö ни мөдарö оз вермы вöлі лолыштны. Сы выйөдз тыыс висьмöма. Пневмония лоöма.

Пасибö бур сьөлöма медикьяслы. Пикö воём мортöс водтөдісны больничаö. Врачьяс да сестраяс лун и вой бергалісны сы дорын. Вердісны, юкталісны, лечитісны медся бур лекарствояснас. Медся чорыда косясис вурсьясыскөд терапевт Тэрыбов.

— Тэ сэтшөм ёна төждысян менам дзоньвидзалун вöсна — некор ог вунөд. Мый коран, сійöс и вöча,— мойдіс Бывалов терапевтлы.— Менам муса гөтырöй уджалö төргөвöй базаын. Верма судзөдны дубитөм пасьяс, нывбабаяслы саридз сайын вурөм кучик сапөгьяс. Колö кө — эн яндысь. Сöмын шу. Ставыс лоö. Сьöмыд, дерт, ковмас жö. Асьныд гөгөрвоанныд.

Рытнас та йылысь Тэрыбов юөртіс гортсаяслы. «Дубитөм пасьыд меным эськө колö жö да»,— суйсис сёрниö терапевтлөн тестыс да видзөдіс зятыс вылө сэтшөм завидь синьясөн, быттьö свет вылас сöмын öтнаслөн и абу дубитөм пасьыс.

Терапевт Тэрыбов мөд луннас и нуис Бываловлы 800 шайт. Кык пась вылө. Сэсса бурдөм мортöс лэдзис больничасыс вöльнöй свет вылө. Торйөдчытөдзис чорыда

кабыртліс сылысь кисö да сетіс ассьыс гортса адрессö. Та бöрын дыр виччысьны эз и ков. Лун-мöд мысти, рытьявылыс нин, Бывалов локтіс сьöкыд висьöмысь мездысь врач ордö. Гортас.

— Пасьясыдла мунісны нин,— ошйысис гöсть.— Аски асыв ваясны. Колö кө — ещö верма судзöдны японскöй телевизор, саридз сайысь вайöм пинь весалан паста...

— Телевизорсö вай, телевизорсö!— öти вомысь горöдісны көзяиныс, сылön гöтырыс да тестыс. И сійö жö здукö чургöдісны бур сьөлöма мортлы кык сюрс шайт. Сэсся гөститöдісны дундытöдзыс. Узьтöдісны медся небыд да паськыд крöвать вылас.

Аскинас Бывалов лэптыштліс шапкасö лышкыд көзяиньяслы, воськовтіс порог вомöныс, дай воши. Лун абу, вежон абу. Бытьö сылі тувсовья йинёнь моз. Весиг пасьшой эз вай.

Первой гымаліс да чардаліс терапевтлön патераас. Тайö көзяйкаыс видчис верöсыс вылö. Кодös пö тэ вайöдлін, кодлы пö эскин. Сэсся Тэрыбов «караул!» горзігтырйи котöртіс милицияö. Корис отсавны. Но Бываловыд, вөлöмкө, олö рака моз. Некön оз уджав. Некутшöм гöтыр, семья ни адрес абу. Шутлялысь төв нырös кө верман домавны — Бываловös верман аддзыны.

А кодныслön эськө ыджыдджык мыжыс. Гөгöрбок кө думыштлыны. Бываловлön али Тэрыбовлön? Öд кымын унджык лоö Тэрыбов коддьöмыс, сымын ёнджыка рöдмасны и Бываловьясыс.

ПÖРЬЯСЯН ЛУН

Апрель первой лунö витöд классын велöдчысь Миша Косныров садьмис водз. Нюжмасьыштіс шебрас улас да чукöстіс батьсö.

— Батьö, тöрыт школаысь локтігön пыралі лавкаö, а сэні буретш вöлі сёрнитöны сельпоса да сельсöветса

председателяс. Сельпоса кладовщикнад пö, тыдалö, бөр ковмас босьтны Косныровтö.

Батьлөн синъясыс паськавлісны, чужöмыс шонді коды полі. Здук-мöд чöv оліс, юаліс пиыслысь:

— Сідзи и шуисны: Косныровöс пö лоö бөр босьтны?

Миша гогнитіс юнас да тэрыба чеччис, заводитіс лöсьöдчыны школаö. Батьыс пуксис лабичö, зумыштчöмөн мыйкö думайтис, думайтис, сэсся шур-шар пасьтасис да котөрөн уйкнитіс гортсыс. Сельпоса кладовщикыдлөн уджыс абу гостöм. Став сиктыс кыйöдö копыртчывны. Косныров тайöс тöдö. Уджавліс нин кладовщикнад. Но сотчыліс аслас рөдвуж вöсна. Öти дзайгö öтитор, мöд — мөдтор. Позьö ли оз ли сетны складсьыд — нинöм оз гөгөрвоны. А рөдвужыдлы кызди öткажитан? Буретш сійö кадыс и бергаліс Косныровлөн синъяс водзын. Магазинад либö складад мырсьысьлөн пö мед эськö некутшöм рөдня эз вöv, некутшöм блат эз вöv, мөвпаліс Косныров. Сэки, гашкö, тырвийö лоан честной мортөн. А эм кö рөдняйд? Кызди наысь мынтöдчыны? Косныровлы сюсь мөвпыс жургис-пырис юрас сöмын талун. Со и вугйис первой чой ордас.

Пырис да порог увсяньыс горөдöмөн и корис уджыны витсё шайт, öти во кежлö. Чойыс муртса эз усь места вылас. Кысь пö мем та мында деньгаыс? И заводитчис. Косныров бон-бус видіс чойсö. Жмот пö тэ. Сэсся вугйис вокыс ордö. Кольöм гожöмын пö тэ босьтлін менсьым струж да ставсö нальöмыд, некутчö туйтöм лоöма. И сійöс пиняліс бон-бус. Но гортас локтіс кыпид сьөлöмөн. Матысса рөдня костысь пö посьяссö лои разöдöма. Öні пö позяс и кладовщикавны сельпоад.

Рытланьыс Косныров выльысь юаліс школаысь воём Миша пиыслысь, кызиджык пö сёрнитісны сельпоса да сельсöветса предъясыс. Мишалөн вомыс паськавліс гудök мек моз.

— Батьö, талун жö пөръясян лун. А тэ збыль веритін али мый?

Косныров шляп пуксис лабичё. Немоймис. И тайё здукас пырисны чойыс да вокыс. Миритчыны. Чойыс клоп пуктіс пызан вылө деньга чукөр. Энькалысь пö уджді. Вокыс кыскис питшөгсьыс нач выль струж. Талун пö ньöби хозмагысь.

Вöвлөм кладовщик вель дыр видзөдіс чоя-вока вылө пиньяссö мурч курччөмөн. Сэссия мөдіс ваксьыны куснясьөмөн да шуавны:

— Эк ті, мөмөтьяс. Талун жö пөръясян лун. А ті чай-тінныд, мый меным деньга колө, мый стружыс нальсьö-ма? Эк ті,— тадзи шмонь вылө бергөдіс асьыс чой-вок вылас усьласьөмсö Косныров.

ЙÖЙТАЛЫСЬ МУДРЕЧЬЯС

Пилипызь вöчан заводса коллектив, кодөн мудрöя веськөдлө Туганов ёрт, некор на эз вöвлы кольччысьяс лыдын уджын ни общественнöй олөмын. Туганов ёртыд эз кöйы саймовтчыны йöзлөн паськыд мыш сайö и Продовольственнöй программа олөмө пөртігөн. Дженъыдик кадөн сяммис лөсьөдны польöясöс рөдмөдан да тшөгөдан быдса ферма.

Чошöясыд, асьныд төданныд, азымөсь. Вермөны дугдывтөг тяпкөдчыны. Тайö и бур. Кымын тэрыба ватшкасны да чурскөдчасны, сымын öйдөджык нюжаласны да паськаласны.

Öтчыд польöяслы роқыс кизьөрджыкөн кажитчөма да чилзисны час-мөд. Буретш налөн гора гөлөсныс и чужтіс Тугановлы юрас некор на паныдасьлытөм сюсь мөвп.

Первой заводса ИТР-лөн совещание вылын примитисны решение: быд төлысь быд уджалысьлы чукөртны да вайны öти кило кос сукар. Сэссия тайö вопроссö видлалисны собраниеяс вылын быд цехын. И заводитчис.

Коді войдөр вөлі лун кежлас ньöбö магазинись öти тупөсь нянь, сійö быд лун кутіс вайны гортас кык чөвпан. Öтисö семьяыс амö, а мөдсö шөралөны да косьтöны

польёяслы. Столөвөйын жыкруйтись молодечьяс, өтка олысьяс, өбедайтiгас вөлі босьтлөны кык шөрөмөн морт вылө, а собрание бөрад кутiсны шамыртны куим шөрөмөн. Коймөдсө нуоны сьорсьыныс да косьтоны. Магазинын да столөвөйын уджалысьясыс, дерт, неуна шензьыны жө заводитлисны. Миян посёлокас пө, тыдалө, став мужик пөрөдаыс чөвтчөма папиросьяс нёнялөмысь да сы мында нянь кутiсны нямны — вайнысө пө өдва вевъялам.

Чөскыд шобдi сукар вылад чошөясыд мөдiсны польдны сiдзи жө, кыдзи бур рокөсөн көтөм нянь шоныд паччөр вылын.

Заводсаяслысь выльторсө казялис посёлокса орсөн веськөдлысь Порсьюров ёрт да завидьысла төкөтьө эз трачмун. Тайө орыс чошөяссө видзис жө, но вердасыс кизьөрдзык вөлі да, тшөгисны төдчымөн ньөжмыда. Порсьюров ёрт куим лун да вой путкылялис юр вемсө. Джоджас кютюпи моз туплясьлис, вывлань кокөн юр пыдөс вылас сулавлис, да мыйсьюрө ещө на вөчлис. Аддзис өд петан туйсө. Рытнас котөрөн пырис местной радиоузелө да посёлок пасьтаыс разөдiс асьыс аддзөмторсө өтчид лолыштөмөн: кодi пө төлысьөн сдайтас орслы ветымын кило помөй, сiйө пөлучитас кык кило нач свежөй яй!

Свежөй яй радейтысьяс уськөдчисны сёян-юанөн вузаян магазинө да чуш-чаш вөчисны став донтөм шыдөссө. Öтияс рунь пуисны, мөдьяслөн артмис рок да кизьөртiсны ваөн. Сэссия мөдiсны ведраясөн кыскавны пуөм добрасө урчитөм местаө. Унджык яй вөчөмас пө и миян пайыс оз ло ичөт.

Тайө гижөдсө лыддьысь ёртлы, дерт, окота лоө төдны ёна-ө озырмөдiс татчөс йөзыслысь өбедайтан пызаньяссө Тугановлөн да Порсьюровлөн мудрөя йөйталөмыс. Первой посёлокса магазиньясысь сылины-бырины шыдөсьяс, а сэссия воддза серти төдчымөн этшаджык лои и свежөй порсь яйыс.

БЫРГАН СИКТЫН

Жар пывсянын кызды пу коросьон швачодчом польза йылысь лекция лыддыны ветли Бырган сикто. Узи пенсионерка Чань Марья ордын. Оло сийо оз отнас — сизим ароса Вася внуыскод.

Асывнас мено садьмодис пачысь кыскалом пось нянь дукуы да самоварлон дзизгом шыыс. Визув синьяса детинка пукалис нин паськыд лабич вылын. Листалис «Би кинь» журнал да кадысь кадо кыйкнитлис ошинь пыр ывлаас. А козьяка ноксис пач вом дорас.

— Тпу-тпу-тпу локто,— юротис почыслы детинка да, юрсо доровыштомон, модис дзоргыны одзос выло. Козьяка нином эз шу.

«Коди бара сэтшом тпу-тпу-тпуыс?»— думышти да косьи юавны Васялысь, но эг вевъяв. Воссис одзос, мыччысис чангыль ныра еджыд тошка чужом. Пырис ар сизимдаса поль. Косиник. Веськыд киас чургодыштомон кутис чашка.

— Ен сыкод, ставныд на тай дзоньвидзаось. Тпу-тпу-тпу,— шуис поль шуйга пельпом саяс съоласигтыр.

— Милости просим,— вочавидзис козьяка.— Пуксьы, шойчы. Мый корысь моз порог дорас сувтин?

— Тпу-тпу-тпу, абу на эсько дзык корысь, да вот мог суис.— Поль чургодлис тыртом чашкасө.— Порясь выжывылдон торыт сов вунома ньобны.

Козьяка могмодис совнад да сетис ещо кык пось ковдум. Поль оти ковдумсө курччыштитс, тэрыба аклялис, ньылыштитс да шуис:

— Тэ, Марья, век на важ мозыд, тпу-тпу-тпу, мед он вомдзась, чоскыд нянь кужан пожавны. Атьо совсьыд и ковдумсьыд.

— Ниномы-ысь,— лывкнитис козьяка.— Водзо воылы-лы-ы.

Поль петис. Вася килькьялыштитс гусьоникон да поль моз жо съоласьыштитс. Ме, дерт, гогорвои, мыйла польсө

нимтöмaоь тпу-тпу-тпу-өн. Сэссия гусьöникөн юалі Вася-лысь, мыйла сылысь пöч-мамсö шуоны Чань Марьяөн?

— Ичöt дырйиыс сылы чань жуйылöма да, сэки и ляссьöма тайö нимыс. Миян сиктын эм ещö Меж Вась,— содтöд юөртіс Вася.— Сійос меж люкавлöма.

— Ва-ся-а!!!— кыліс челядь гөлос ывласянь. Торкис миянлысь гуся сёрнисö.

Вася ляскысис öшинь дорö да юалис:

— Мый нö колö-ö?!

— Кыдз пу корöсьыс, кыш-кышыс, тiянын узис?!

«Сё лешак тай. Меным нин, тыдалö, сетöмaоь ним-тö»,— шуи аслым да кутчыси юрö.

Вася зумыштчöмөн вешйис öшинь дорысь, син бöж-нас видзöдліс ме вылö да петіс ывлаö.

БОЛЬГЫСЬ ВАНЬ

Во кызь сайын чужис тайö эндöдöм грездыс. Нывьяс уйкнитісны сэтысь карьясö. Колины сöмын пöрысь-дзö-рысьяс да кум молодеч: Петыр, Микулай да Иван.

Тайö рытö, кыдзи и водзті, крепыд ужын бöрын, Петыр да Микулай мöдöдчисны грездса Гөрд пельöсö. Гуляйтны. Гажöдчыштны. Пöпуттьö чукöстісны туй дорас олысь Иванöс. Чукöстісны первойысь на. И со найö пукалöны нин ичötик жырйын, векныдик лабич вылын, ворсöны доминоөн бонзьöдöм пöвъя кум кока пизан сайын да шпуткöны-куритöны «Стрела» сигарет. Кадысь кадö кыйкнитлöны паныда стенö ляскөм «Сосьяс пуджöмөн пöртам олөмö Продовольственной программа!» лозунг вылö. Сыысь öтдор, Гөрд пельöсас нинөм сэссия абу кольöма.

Быдса час, гашкö и дырджык пукалөм бöрын, кор жырйыс тыри нин табак тшынөн, вомсö пытькыртыштöмөн Петыр шуис:

— Да-а-а...

— Да-а-а!— вочавидзис Микулай да сигарет помсö сутшкис ёна нин льякöсьтöм кöрт банкаö.

— Да-да-да-да-а-а!— ышловзьöмөн водзö нуöдис сёрнисö Иван. Чöv олыштіс да ещö на содтіс:— Да-да-да-да-а-а!

Петыр чуймис. Скöрысь видзöдліс Иван вылö. Нинöм эз шу. Чеччис да петіс ывлаö, мöдöдчис гортланьыс. Сы бöрся вöтчисны Микулай да Иван.

Мöд рытö Петыр бара мöдöдчис гуляйтны, Гöрд пельöсö. Туй вылын сійöс виччысис нин Микулай.

— Ваньöсö нö чукöстам али ог?— юалис Микулай.

— Ме больгысьястö терпитны ог вермы. Пель съöд-мö. Сытöг гажаджык,— стрöга шуис Петыр да, морöссö чургöдöмөн, восьлаліс водзö. А кор воисны гажöдчанін-öдзыс — Петырöс тöкөтьö рöдимеч эз босьт. Гöрд пельöсысь ывлаöдзыс кыліс Иванлөн больгöмыс: «Да-да-да-да-а-а! Да-да-дада-а-а!»

СЕРАФИМ ПОПОВ

ПОНТШАК

Куим вөрög

Шоча на тай мяян кадö
кольлö сэтшöм лун,
кор оз торклы удж пöрадок
кутшöмкö Несун.
Тöданныд öд бура сійöс,
коді оз тöд мудз,
мукöд серти кокни кийс
сылөн ёна кузь.

Сы вылӧ, мый матын куйлӧ,
шармӧ суетса син,
кытчӧ зептавы да суйны,
бура корсяс ин...
Сьӧрсьыс нуас кӧрт тув чукӧр,
аддзас вый и яй,
дача вылас кыськӧ «юкас»
дон мынтытӧм пай.
Сылӧн ки пыдӧсьыс лудӧ,
нинӧм кӧ оз лый,
оз ӧд весь народнӧй судыд
зиль несунтӧ кый!
Чайтад, ёна бурджык сійӧ,
кодлӧн оз жӧ вун
кырымавы аслас киӧн
мисьтӧм ним Ездун.
Государстволӧн машина
сылы вывтӧ ас,
ульӧн сӧйны кыкнан шына
горшлунысла дась.
Весиг вӧрӧ тшакла подӧн
ас кокнас оз пет.
Весьталасны медым, кодӧ
сылы туй оз сет?
Эм машинаас спидометр,
гусялӧм бензин.
Государствоыдлӧн помӧдз
выныс оз пӧ чин!
И седунъяс лыдас эм на
ас кодъыс жӧ стӧч,
кодӧ поднад аслас нэмнас
воськов джын оз вӧч.
Со кутшӧм сійӧ, Ездуныд!
Сійӧс тӧдӧй тӧ!
Медым татшӧмсӧ оз вунӧд
пысавны ГАИ!

Сьöd «Волга»

Ой, ен мед видзас, сэтчödз меным воны:
сьöd «Волга» вылын ыджыд мортөн лоны!

А мян виль директор, сувтса син,
и «Волга» судзöдiс,— збыль лимузин.

Оз быдөнлы öд усьлы татшöм шудыс!

А виль директор дөрöмнас и чужис,—
эз вöвлы сылөн нэмас сэтшöм кост,
мед көнкö да эз пөнътав ыджыд пост.

Оз мудзтöд, дерт нин, öнi асьыс коссö,
машина вылын уджавны со локтö,

и удж бöрас оз подөн жö тай дзөр,—
сьöd «Волга» кыскö мешököс моз бөр;

и шойччан лунö медводз вөрö мунö,
и гöтырыс тшötш ошйысьны оз вунöd,—

быд асыв сiйö рынок вылö тövзьö-нырö,
öd колö вайны лук да шома ырöш!

А уджалысьяс тапиктöны подөн
командируйтöмъяс походö...

Спидометр каттьö километръяс лыд
и тулыс-ар, и, дерт жö, гожöмбыд.

Лёкгоршөн равзö жуялöм мотор,
пöсь пывсянын моз бергалö шофёр...

Ой, ен мед видзас, сэтчödз коркö воны:
сьöd «Волга» вылын ыджыд мортөн лоны!

Понтшак

Вөрö ветлан кö,
дерт, тöдан,
сюмöd пестерад
мый лöдан,
сöмын понтшак

мед оз сюр,
сылон вывті донтөм юр.
Сійө, коді уна сөрө,
мутө медся дыша
гөрө.

Абу этша сэтшөм зон,
кодлы понтшаклөн
и дон.

Кокни вуджны
векни ордым,
вайөдө кө
муса ордад,
сыкөд нэм вуджны
он пов...

А вот понтшакыд
оз ков!

Мича нывлы
верөс саяд
удал зонмыд
шудлун ваяс.

Медым водзвыв
төдө ныв:
понтшакыдлөн
көдзыд сыв!

Понтшакыд кодь жө
начальник,
коді чай юас
вит чайник,
но оз велав
да оз куж
котыртны,
кыдз колө удж!

Ныв сьӧлӧм косьтысь

Миян сиктын нылыд уна,
быдӧн мича, бур.
Бурысь-бурӧс корсьны муна,
оз мӧй кодкӧ сюр?
Кильчӧ поскыс кодлӧн сӧстӧм,
толаӧн оз тырт,
ме кодь дона-муса гӧстыыс
шоглунтӧ оз пырт.
Песласьны да сӕян пуны
гӧтырпу мед пельк,
но а менам киняулын
лоас кыз портпель.
Видзӧдла, кыз нылыс кужӧ
вӧдитны и пач...
сылы жӧ, дерт, лоас уджыс,—
дӧмны киссьӧм гач.
Гӧститӧдны оз кӧ сяммы
менӧ мича ныв,
нэмсӧ, сідзкӧ, аслас мамлӧн
видзас шоныд сыв.
Мыйла кузь бедь нылыс босьтис,
дыр эг гӧгӧрво...
Нывъяслысь ме сьӧлӧм косьта
дас сизимӧд во!

Пӧсь черинянь

Кулинаръяслысь ме вайи
пӧсь да банйӧм черинянь,
кодӧс аслас пызан сайысь
мыччис чӧскыд нюма ань.
Гортӧ тэрмасьӧмӧн пыри,
ньӧбӧмторйӧс эг дыр пӧж,

вылыс кышсö пуртөн кыри
да и аддзи... чери бöж.
— Көн чериыс?— гөтыр шуö,
быттö ачым вöчи мыж.
— Юö бöжтöгыс бөр уйис:
сылы эз и ковмы пыж!..
Сэссия ветлі магазинö,
нөби порсь яйысь котлет,
кодi кухня пызан вылын
ыджыд радлун эз жö сет.
— Көн нө яйыс?..— бара кыла.—
Кос нянь чукöрсыйд вай корсы!
— Порсь гос,— вочавидзи,— сылö,—
вермö сывны ловъя порсь!..
«Кытчö воши чери-яйыс?»—
ачым мөвпалi вель дыр.
Талун пемдыштас да, найö,
кодьяслысь мый нөби-вайи,
тшöтш и менсьым вошöм пайöс
нуасны кык сумка тыр.

Зыкö воисны кык вок

Зыкö воисны кык вок
бать-мам керка помас:
— Мед эз воськовт тэнад кок
менап порог вомöн!..
— Ачыл меным тэ он ков,
весиг туйтö вунöд!..
татшöм воча кыв эз пов
вокыс сылы шуны.
Батьлысь керка пырысь-пыр
пилитисны шöри,
а кор кучкис бушков ныр,
кыкнан джынйыс пöри.

Зарава

Зараватö оз ков пуны,—
вийöд да и ю,
майбыр, пармаад зэв уна
сюмöд кыша пу.
Вот и тшöктисны лесхозлы,
мövпыштисны кор,
магазинö уна дозъяс
вайны юантор.
Мыйла, шуисны, йöз муысь
вайны юмов ва,
асланым кор дзик быд пуысь
киссьö збыльысь ма?
Но тай ньöжйö, вөлөм, содö
войт бöрсяйд войт.
Колö рас вывтíйд подөн
шöйтны лун и вой.
Ыджыд мывкыда «Новатор»
эз дыр жуглы юр:
— Сакартор да кöдзыд ватор
оз мöй кыськö сюр?..
Зараваыд весиг арын
карын лои тыр...
Ю кöть пыктытöдзыд бара,
майбыр, оз нин быр!

Юксьöны гöтыр да верöс

Юксьöны гöтыр да верöс,
аски пö лоас нин суд.
Мый сэсся накöдсö керан,—
тальöны ассьыныс шуд!
Вунöма тулыс и дзоридз,
медводдза окасян вой,

кольома сөмын нин ёрөм,
синва да бурдлытөм дой.
Гозьяос эг өд ме люкөд,
бурасьны өні ог кор,
мед найос, кызд кужас, юкас
томиник ярокурор.
Бара, дерт, лыддыны сійө
кутас Закон да мораль...
Мыйла оз сетлыны киас
кузиник ньор сылы?
Жаль!

* * *

Гозья йирисны нэмсө
өта-мөдныслысь вемсө.
Мөдар югыдас, көні
найө олөны өні,
кывсьө, пурсьоны бара
воддза сертиыс яра,
өта-мөдныслөн юрсьыс
лэбзьө пратьясөн юрси...
И дружинникъяс раяд
оз тай бурөдны найос.
Көть и абу лёк позйыс,
но оз төрны бур гозья!

Быдөн гижөны

Мича керка мян карысь
аддзылінныд ті?
Сылөн өшиньясас яра
ломзьө лыдтөм би.
Төдчө, кутшөмкө контора...

Оз быд мортлөн вом
вермы шуны аслыс гора
сьёкыд нимлысь пом.

Уна жыр да уна пызан,
ещё унджык йёз,
табак тшыныс кымөр кызта
ёшөдчөма лёз.

Быдён гижёны зэв зіля,
ордйысьысьяс моз,
пось вёснаыс весиг нильөг
налён гижан поз.

Мый гижёны? Сьёкыд шуны,
кутшөм чужё «вал»...

Рытнас свалка вылө нуны
локтас самосвал.

Ёти учёнойлөн трактат

Учёной гижис кызь кык во
веж парма видзём йылысь.
Пыр гижис, пом кытчөдз эз во
да ныжмы перё йылыс.

Вит улёс вежліс бур завхоз
да куим гижан пызан,
өд кызь кык во чөжыд и коз
сук вёрад вит пөв кызё.

Вот тадз жё кызіс и трактат
учёнойыдлөн. Сылы
законной пенсияөдз кад
эз ло нин ёна ылын...

Но некод вежөртны эз куж,
начальство коть и зільліс,
а кытчө инавны кыз удж,

учёной кодос тилис
да кызы кык во чоҗ зыртис гач.
А со мый, ёртыяс, лоис:
научной институтлөн пач
дзик дубнас сийос сёйис.

Зарни чери

Зарни чери гуся тывйө
йөрмис кор,
сылы шуис татшөм кывъяс
браконьер:
— Тэнө бөр ме лэдза юө,
кевмысь сэн.
Рыбинспектор ме... Эн вунөд:
тэнад ен!
Зарни чери вочавидзис:
— Сьыв да ов,
сөмын выль мыжысь тэ видз-а
ассьыд лов!
Мөдыс ёсьтыны, дерт, мөдиc
ассьыс гыж,
кытчө да кор колө, төдиc
лэдзны пыж.
Но дыр дзевны гуся тывтө
овлө сёр,
босьтиc шышөс зумыд сывъяс
прокурор.
— Отсав меным, зарни чери,
венны шог,
коркө,— шуө,— бурөс кера
воддза ног...
Зарни чери бөжнас кучкис:
— Вот и ов...
Өнi тэнө видзас лючки
Вылыс Чов!

Арся зэр

Жилконторао ме локті,
суодіс кор ыджыд мог.
— Керка вевтным,— шуа,— лёкмис,
арся зэрыс вайо шог.
— Таво дзоньтавны ог эштөй,—
вочавидзис чина морт.
— Тэнсьыд шогтө мөдысь вештам,
виччысьыштлы, дона ёрт!..
Колис во, и кык во колис,
керка вевтысь лоис пож.
Ассьыс бара меным дольо
жилконтораса бур вождь:
— Виччысьнытө колө кужны,—
коркө воас шуда лун!..
Оні тэтөг уна уджным,
вай эн мешайтчы, а мун!..
Керка сісьмис, да и пөрис,
сылы вевтыс оз нин ков.
Жаль, мый кывнас бура... сөрысь
тайо керкаас эз ов!

Юкмөс

Грездын вөлі өти юкмөс,
да и сійө дзикөдз дукмис,
киссис сісьмөм сруб.
Васө юан чепня помысь,
но оз гөгөрволы вомыд —
сола али дуб...
Ватөг овны он, зон, вермы,
көть нин зэр ва, но оз зэрлась,
кор колө, оз лок...
Том морт трактор вылын ёльөдз

ветлас ведра вала нёльысь
пуны шыд да рок.
Нывка мунё верёс сайё,
ассыыс жёникёс пёсь чайён
юктавны оз куж.
Дзоридз копыртёма юрсё,
бытьё орёдома пуртён
кодкё сылысь вуж.
Пёрысь пёчө оз весь довъяв,
киас оз гаж вылё бовъяв
сімны кутём пёрт,—
вала мунё орчча грездө,
гашкө, сэтчөс юкмёс мездас,
пёрысьтө оз йёрт.
Мёсьяс бакёны куш йёрын,
ватөг косьмө налён вёра,
ёна чинё йёв.
Аттө дивё... Огө төдөй,
гашкө, мездас шогсьыс йёзёс
лымйён озыр төв.

Больничаё том морт локтіс

Больничаё том морт локтіс,
ымзё-кевмысьё:— Ой-ой!..
Менё дзикөдз, муса доктор,
кутіс венны лыдтём дой...
Кынём пытшкө бытьё пырис
пестер джынйысь ыджыд из.
Важөнкодь нин нырөс кырө,
чайта, мустём ревматизм...
Кокёс жуглө биа висьём,
весиг тувччавны оз сет...
Редикульён синмөй висьё,
коклюш пель пытшкысь оз пет.

Вина юом борад вомын
сутки куим овло кос...
Гашкө, веськаліс тракома
либө сибалис понос!..
Азымлунөй дзикөдз бырис,
көрыш, ужнайтіг, ог сөй.
Быдса пельса шома ырөш
юа сы бөрын быд вой.
Ыргөн пөрт кодь зонлөн чужөм
корө лунвивса курорт...
— Кыдз нө,— доктор шуө,— кужа
тэныд отсавны, бур өрт!
Чайта, медся ыджыд дойыс
тэнө кусыньтны оз куж:
колө этшаджык тэд сөйны,
унджык бертны сьөкыд удж!
Өти висьөм збыльысь йирө
тэнө, дона гражданин:
тунеядецлөн лөк вирус —
сылөн ним!

Гача Дуньө

Активистөн мортыд шусьө,
төдө аслыс дон,
татшөм славасө эз гусьөн
шедөд миян зон.
Коркө, дерт жө, вөвлі зонмөн,
абу жө на руш,
аслас арлыд серти ён на,
юр шөрыс көть куш.
Содтөдтор кө ещө колө,
мыйла нө ог гиж:
ветліс видлыны, кыдз олө
миянтөг Париж...

Эз музейясті тай кытшлав,
сэні оліс кор,—
завидьпырысь синнас тшытшлис
дзик быд рузумтор.
Асьсө ёна эз жö янöд,
кыдзи шуö, нач:
ньöбис вит гоз сера нямöд,
петук сорса гач.
Магазинысь магазинö
котраліс, кыз пон,
дзик быд ветьöк видліс кинас,
исалыштис дон.
Жаль, мый деньгаыс эз ёна
сьöктöд сылысь зеп,—
ассыс сөвесь донтöм донысь
неуна эз сет...
Ог, дерт, кутöй потшны кляпöн
бöб туристлы туй,
но быд ветьöк водзын шляпа
лэптыны оз туй...
Гач öд кыскалö туристным,
сямыс кöть и сім...
Сылы лöсялö, кöть мисьтöм,
«гача Дуньö» ним!

Жар пывсян бöрын

Коркö пывсянö кö мунан,
босьт кöть корöсь гоз,
но эн думышт сьöрсыйд нуны
куруд зелля доз.
Мöд ног вöчис мян ёртным,
сідз, кыдзи оз ков,
корöсь пыдди босьтис ордас,
мыйысь йöймö лов.

Полоквивса чорыд жарын
рушкусö эз пöж,
сылөн медбур рестораныс
лоис пывсян кöдж.
Нель кок йылын сэтысь петіс,
эз и ёна корсь,
няйт гурансö енмыс сетіс,
көнi куйлö порсь.
Тадз и пывсис мян зонным,
нырыс пыр на гырд,
нирт кöть майтöгалöм боннад
куим воысь дыр.

Ќдья пывсянын

Татшöм юöрыд кор кывсяс,
дась пö Сыктивкарса пывсян,
нюжмасьны ог мöд,
кучикöй кор съöд!
Чорыд корöсь киö босьта,
горйын куим кöш ва косьта,
кырсья ассьым пай
вылысь пöсь да няйт.
Сэсся бонйөн гөгөр зырта,
медым пöсявлас тшöтш гыркйöй.
Аслам жö öд мыж,
кучикöй кö кыз!
Аддза, кызди мекöд орччөн
пöрысь мужичöй тшöтш орсьö,
пожöм вуж кодь,— ок!—
сылөн ки и кок!
Тöдчö: мувивса став уджыс
сылөн гөрб вывтйыс вуджис...
Ньöти абу дыш
зыртны татшöм мыш!

Мөдлөн, дерт жө, война биын
орис-сотчис веськыд кийис...

Төдліс шог и дой
фронтвывса герой!

Войсь-во тай налөн радыс
шочмө тулысса парадын.

Кадыс көть оз сувт,—
славаыд оз кув!

Вайлы бонтө,— шуа,— другөй,
мышсьыд кучиктө көть гугөд,—

тертука оз ков,
куим дыра ов!

Эстөн коді тадзсө ружтө,
бытьө баба писө чужтө?

Тайөс... ме ог төд,
абу миян рөд!

Ыджыд рушкуыс тай талөн
медся ыджыд капиталыс...

Енмыс видзас мед,
некодлы оз шед!

Өдъя пывсяныд зэв муса,
нинөм сэн он дзеб, он гусяв,

весиг ыджыд чин
сэн оз чуймөд син!

Мый-кыз мамыд чужтіс тэнө,
суван суд водзө моз сэні,

сьорад ставыс эм,
кыз тэ олін нэм!

Менам гөтыр вывті бур

(сиктса мужик мортлөн висьт)

Менам гөтыр вывті бур,
юө вина, юө сур,

терпит,— шуө,— Ивө!
Дивө жө нин, дивө!..
Кикимера кодь жө нач,
заграничнөй новлө гач,
видзөд,— шуө,— Ивө!
Дивө жө нин, дивө!
Некодись оз яндысь войт,
табак нюшкө лун и вой,
вөтчы,— шуө,— Ивө!..
Дивө жө нин, дивө!
Вежлалө, кыз моднөй көм,
аслас юрсиыслысь рөм,
мынтысь,— шуө,— Ивө!..
Дивө жө нин, дивө!
Гөтыръяслы ыджыд дон,—
шуө,— козыналіс Закон!
Вешы,— шуө,— Ивө!
Дивө жө нин, дивө!
Өні, кызди вөвлі водз,
плетьнад велөдны оз позь,
мыжман,— шуө,— Ивө!
Дивө жө нин, дивө!
Сідзкө, олө-вылө мед,
кытчөдз чөртыслы оз шед!
Медым ачыс сьылө:
«Дивө жө нин, дивө!..»

Кыз портпеля зон

Кыз портпельөн киняулас,
ветлө сиктөд удал зон,
аслас батылөн видзлысь-мулысь
важөн вунөдөма дон.
Татшөм зумыд зонмыс весьсө,
колө чайтны, оз жө ов?

Кор директор гора несъяс,
чолӧмалӧ: «Будь здоров!»
Вывті удал, мича зонным
ӧлӧдӧмтӧ оз и кыв:
оз бур сёрни, быдса тонна
быд лун кисьтӧ ёрччан кыв.
Туйным дзирдалӧ асфальтӧн,
бокас клумба да газон.
Мича дзоридз вылӧ тальччас
мичлун вылӧ веськодъ зон.
Сувтӧдӧма кӧть и урна,
частӧ овлӧ на и тадз:
урна пытшкас пырас юрнас
вина помысь йӧймӧм дядь.
Дас во пышъялігас кызіс,
алимент оз мынты, порсь.
Мыйӧн,— шуӧ,— месӧ мыжа,
гӧтыр менӧ оз кӧ корсь.
Льӧм пу чегъяліс да нывлы
мыччис дзоридз быдса сыв.
Татшӧм жӧчиктӧ эз сывъяв
сӧ пӧв вежӧраджык ныв.

АЛЕКСАНДРА МИШАРИНА

КОСЛУН

Важӧн кослунъя дырйиыд коми войтырыд эз сӧйлыны
яя-выя, йӧла сӧян. Тшак ва, зыртӧм кушман, паренча
да мый да нуръясянторныс вӧлі. Сійӧ кадся кослуныд
да уллюныд ӧнія йӧзлӧн вунӧма нин. Мый эм керкаад

пунытö-пöжавнытö, сійöс и сёян. Деньгасьыд кор то-
павлан, сэки кослунъяджык сёян-а.

Но öнi выль пöлöс кослун лöсьöдiсны ёна вина ра-
дейтысьяслы. Дерт, унджык войтырыс ошкисны тайö
эзв туяна законсö. Но ыджыд шогö усисны сiдз шусяна
уллюн радейтысьяс. И кутiсны найö корсьны тайö лэч-
сьыс петан туй. Тöлкаджык войтырыс шуисны, тадзи пö
и миянлы колö. Но ты-мускöдзыс кöтасьöм мортыдлы
ёна деливö лои. На лыдысь öтиөн вöли Логинов Ладим-
мер. Сиктса ногөн кö, Лагун Ладимер. А син саяс прöс-
тö Лагунөн шуисны. Дженъыд и кокныыд шунысö. Да и
олан сямыслы лöсялö. Бөръя дас онас кодкö кö сійöс
аддзис эськö садь юрөн, эз и эскы. А вермас лоны и
мöд морт пыдди мövпыштiс, воча вокыс пыдди, кодi
карын олö.

Вöскресенньö асылö Ладимер садьмис водз. Юрас
шувгис пожöма вөр. «Шойччан лун кузя талун и вина
лавкаыд оз уджав. Нинöмөн юртö веськöдны. Но и
олöм воссис»,— мövпалiс сiйö шога. Тöрытьясъыс войт
абу кольöма. Гöтырыс нистiс-узис орчча крöвать вы-
лын. Банйöм булки кодь. Оз, майбырöйлөн юрыс вись,
ни сьөлöмыс оз гудрась. Вина сiйö эз ю да и гортас эз
видз. Нинöм пö Лагунöс вельмöдны, сiдз нин удж выв-
сьыс век нель кокөн локтö. Сизим удж нин вежлiс.
Кöсйö нин вöли бурдöдны мöдöдны, да со друг зако-
ныс чорзис. Надея да эскöм чужис Лагун гöтырлөн. Öд
и сылы нин мужикыслөн нимтысян кивыйс кövьясис.

Кослун кöть абу-а, кöш ва троньöбтiс Ладимер, а
сэсся котöртiс-петiс кильчö вылö. Сэни сiйöс сэтшöма
гугöдiс. Чайтiс, мый сьөлöмыс вомöдыс петас. Сэсся
арся ыркыд сынöдсö морöс тырнас лолыштiс, и лоис
кокныыдджык. Таво лымыйс усис октябрас нин да вöли
дзик тöv кодь. Пуяс гыöраöсь. Асья ывлаыс руа.

Важөн пö тай тагыя сур вöчлывлöмаöсь,— öтчыд
казытыштiс гöтырыслы да не рад лои и вомсö вöсьтöм
вылö. Петкöдла пö ме тэныд сэтшöм сур, мый плешкад

каяс ыджыд сюр. Век жö Лагун радейтис Марьяос, некор эз печиктыв и паныд кыв эз шулы. Но сийö зэв бура тöдис, мый сылөн суседыс Коллян Мөсей гусьон вöчö кутшöмкö брага. Отчид на ошйысьлис гылымöм кывнас, менам брагаой пö виас любöй врагос. Смерть немецким оккупантам пö да и всё.

Петавны кö-а сы дорö? Сэссия тшайпод кежсьыс куш майка вылас пинжакон и довзьодис дзоран ки-кокнас. Мөсей эз нин узь. Чужöмыс удитöма нин шылявны, синьясыс мавтöм сöчөнъяс кодьюсь. Варова и видзаасис Ладимеркөд. Лок пö пуксьы пызан саяс, чуқырöсь чужом-рожатö тшотш шыльöдышт. Миянлы пö кослуныд — тшаква. Сидзи пö небзьодчам да котöдам горшьясос, мый вежонон он пыдзырт. А сэссия кисьтис стокан тыр кутшöмкö зелля, код помысь збыльысь öвтис враг дукон. Смерть смертьон, а враглы али кодлы он на и тöд. Гашкö, ачид верман чергысьны татшөм добрасьыд. Чеччан да кын. Он и тöдлы, креста йöрад гургасны. Но век жö Ладимер, ловсö ас пытшкас кутöмөн, гулькнитис стоканö кисьтöмторсö. Здук мысти морöспань улас кутис югрöдлыны. Шоныд и лөсьыд лоис мортыдлы. А сэссия, мый йылысь варовитисны, кызди коли луныс, сийö оз и помнит. Садьмис, восьтис синьяссö — дзурс пемыд. Отарö кисö вештыны көсйис, пу стенö веськалис. Вывлань лэптис кисö — бара пötөлök ли мый ли. Юрыс тшотш мыйöкö чорыда ликмöма. «Царствие небесное!» — сöмын вирдыштитис юрас. Сэссия лөкгоршөн горöдис повзьöмысла. Сийö зэв бура тöдис, мый кулөм мортьясыд оз горзывлыны, но код тодас, гуалөм бöрас, гашкö и овлö сэтшөмторйис.

Сэссия друг лои югыд. Электрической лампочка öзйис. Лагун куйлис пу крöвать улын сийö жö тшайподнас да дөбельки нин няйтчөм-чукрасьом пинжакнас. Гöтырсьыс дзевсьыны сэтчö пырис али юр вежöрыс нин эз уджав, кытчö колö водны мортлы: крöвать вылас али улас. Но та бöрын вунöдис туйсö Ладимер дөвеч друг

дорас. Весиг уллюньясид сылы веськодьюсь кутисны лоны. Мөдар югыдас пö мунны некор абу сёр. А таладор светас олiгөн колö кывны да аддзыны ставсö. Нинöмла кадысь водз шондiсö кусöдны. Лагун гөтырöс öнi Ладимер Марьяөн шуöны, а мөдсö сöмын Ладимерөн.

Эн коль

Горув сиктсаяслөн мös йирöданiныс кладбище саяын. Креста йөртi мунiгөн кыдзкö овлö шуштöм да и ставыс.

Талун асыв Трипиль Марья йöзысь водзджык лысьтiс мөссö да лэдзис дзирья саяс, мед пö виччысьыштас мукöдьяссö.

Но Сярук дыр эз думайт, бöжсö вылö лэптiс да и шутөвтiс креста йөрланыд. Быть вöтчы Марьялы сы бöрся. Тайö чики-микисьыс быдтор позьö виччысьны. Мунас да корсь сэсся, кыдзи кольöм гожöм — нюрö муртса абу вöйöма.

Колльöдiс тьötö тайтöсö йирсьöдчан йөрö да бөр локтö гортас. Ъвлаыс шондiа. Креста йöрыс весиг öнi кыпидөн кажитчö. Но кор кладбище коли мышкас, Марья бöрсьыс кылис тэрыба шуалöм: «Эн коль, эн коль, эн ко-о-ль!». Юрсиыс зэвтчис тюкьюр улас. Пöсьö и кöдзыдö шыбитлис сiйöс. Марья нетшыштчис му бердсьыс да заводитiс төвзыны сиктланыö.

Кутшöм нин сэнi «эн коль!», кор тэ бöрся крестайöрса вöтчö. Лысьтан öмöй видзöдлыны бөрвылад.

А кладбище потшöс йылын пукалис Öльöксан Ёгорлөн петукуыс (кодi төдö, мыйла сiйö татчö кайöма гортсьыс) да сьылiс «Кикируллю» песнялысь помсö: «Ко-ко-о, ко-ко-о!»

Сөстөм сынөд

Шуоны, көч пө полысь. Гашкө и, полө. Но Ягвыв сиктын эм сюра-тошка мужик. Төдліс кө көчөд эськө Микул йылысь, вылө нырсө лэптис.

Сёр рытын, гортас кө битөм, Микулыд оз пыр керкаас, виччысьө кильчө пос помас гөтырсө да челядьсө. А медым өтнас кольччис узыны, сиктса войтыр оз помнитны. Но колө жө лоны, гөтырыс пөрысьө-нэмө «артистасьны» кутіс. Төлысь «Войпук» репетируйтисны, фестиваль кежлө дасьтысисны.

— Эн пө и думайт карад лэччөм йылысь,— мурөстывліс Микул аслас дона пөлыслы.

Мөдыс чөв оліс. А сэсся верөссьыс гусьөн, нывка-яссө тшөтш карсө петкөдлыны аскөдыс босьтис и шутөвтис фестиваль вылө.

Пукалө Микул өшинь дорын, семьясө виччысьө. Пемдыны нин кутіс. Биасьны лои. И друг пызан вылысь син улас уси талунья газет. Медводдза лист бокас бура ыджыд снимок. Йирмөг босьтис мужиктө. Ягвыв сиктса аньяс пиын нюмьяліс Лидя. А уліас гижөд: «Талун Сыктыварө воисны...» Микулөс быттө чышкыштисны керкасьыс, кильчө содсө бокъяснас лыддис. «Мед сөмын тьөща эз слөймы на водны»... Но тьөщалөн битөм өшиньяс улө воөм бөрын төд вылас усис, мый «Войпук» спектакль нуөдысьнас, сыланкывьяссө босьталысьнас репетицияс вылын вөлі булки кодь чужөма тьөщайс.

Он өд вөзйысь кодкө ордө узыны, йөйөн нимтасны. Бөр кайис гортас, керкаө, дерт, эз пыр. Пукалө пос помын. Кынмө, йирмөг босьтө, но пукалө.

Вой шөр бөрын нин воисны карысь «артистьяс». Дзирья дорсяныс котөртысь ичөтджык нылыс чуймөмөн юаліс:

— Мый нө тані тутвидзан, батьө?

— Сөстөм сынөдөн лолала!— мурөстис Микул.

ЮРИНДАЛЫСЬ

А. Калимова. Сё майбырöй олöмöй	7
С. Кынев. Зарни кельчи	16
Н. Щукин. Ай да тьöщa	41
С. Раевский. Ёна кора	58
А. Ульянов. Аски	63
Г. Беляев. Ас морт	75
В. Кушманов. Вуджöр	94
В. Сердитов. Командировкаын	137
С. Мартынова. Овлö на и тадзи	139
И. Симпелев. Желлясьöм пев	142
С. Попов. Понтшак	153
А. Мишарина. Кослун	170

НЕ ДУРИТЕ, ХОРОШО ЖИВИТЕ

На коми языке

Составитель Кушманов Василий Егорович

Редактор А. В. Тентюков
Художник В. В. Токарев.
Художественный редактор В. Б. Осипов.
Технический редактор А. Н. Вишнева.
Корректор М. М. Лужикова.

ИБ № 1459

Сдано в набор 03.10.89. Подписано к печати 08.01.90. Ц000006.
Формат 70×108¹/₃₂. Бумага № 1. Гарнитура «Журн. рубл.». Печать высокая. Усл. печ. л. 7,7; усл. кр.-отт. 8,05; уч.-изд. л. 7,36. Тираж 2000. Заказ № 8426. Цена 50 коп. Коми книжное издательство. 167610, Сыктывкар, ул. Карла Маркса, 229.

Головное предприятие Коми республиканского полиграфического производственного объединения. 167610, Сыктывкар, ул. Первомайская, 70.

50 к.

КОМИ КНИЖНОЕ ИЗДАТЕЛЬСТВО 1990